



UNIVERSITÄTS-
BIBLIOTHECA
VIENNAE

KAT-KOMP.

19841

I

Mag. St. Dr.

P







Hist. 385.

VI. h. 52.

LX
54





卷之四

N O V A
GIGANTO.

M A C H I A,

Contra Sacram Imaginem Deiparæ
Virginis á Sancto Luca depictam,
Et in Monte Claro Czeństochoviensi

Apud Religiosos Patres Ord: S. PAU-
LI Primi Eremitæ, in celeberrimo
Regni Poloniæ Cænobio collocatam,
Per Suecos & alios Hæreticos
E X C I T A T A,

E T

Ad perpetuam beneficiorum Gloriosæ
D E I P A R Æ V I R G I N I S
recordationem,
Successuræ posteritati fideliter
C O N S C R I P T A.

A

Rndo: P. F. AUGUSTINO KORDECKI.
prædicti Ord: protunc Clari Montis Priore.

Editio Secunda.

Typis Clari Montis Czeństochoviensis,

Anno Domini 1694.

Ex Libris M. Amulii Podgurski.
Dec. XII. 1694.



19841.7



22 (†) 23

AUGUSTISSIMÆ

Polorum, & Polonorum

R E G I N Æ

Serpentis, antiqui, Hæresumq; omnium
Victrici, & Interemptici
Felicissimæ;

Stupendo in terris, cœlisq; Miraculo,
Ac mirabilem DEI

In terra, & super terram,

In cœlo, & super cœlos

Officinæ, & Compendio;

Spei salutis omnium, & Auspicij,

Propugnatrici Fidelium,

Universali Generis humani Bono,

Tutrici, Adiutrici, & Patronæ omnium,

Electorum Coronæ,

Peccatorum Fiduciæ,

semel

M A T R I D E I,

semper

Ante partum, in partu, post partum,

V I R G I N I;

Uni absq; secunda.

Matri, Filix, & Sponsæ DEI
Triclinio Trinitatis, & Speculo;
Gratiarum omnium indeficienti
Promptuario,

Nec unquam, nisi sine macula
Conceptæ, aut Conceptibili;
Gloriosissimæ, & Gratosissimæ
Sanctitatis Primiceriæ

Pugnantium, & Vicentium,
Periclitantium, & Desperatorum,
Salutis Armamentario,

In humiliata Hæreticorum Montem
Clarum obsidentium superbia
Clarissimæ, & Potentissimæ
Triumphatrici.

Hic

In thaumaturgis operibus
Admirabili & Amabili,

M A R I Æ

Patronæ suæ Clementissimæ,
Ex voto supplex

A N A T H E M A .

A. N.

A D




A D L E C T O R E M.

E St in Polonia Minore, Diœcesis Cracoviensis, Mons Czesztocheviensis, quem Maiores Clarum dixerunt, quod iucundum usquequaq̃, molli declivitate Viatoribus aspectum exhibeat, levi fastigio in verticem, à solidâ rupe assurgens. Eius denominationis celebritatem, auxerunt insignia miracula, quibus ibi corruscat Imago Deiparæ Virginis, à Sancto Luca depicta, in Mensa Cupresina ad quam IESUS Filius DEI Matri suæ dulcissima & Sancto Iosepho Nutritio, in Domo Nazarenâ convesci solebat. Eam Hierosolymis Constantinopolim, & inde in Russiam translata, Leo Dux Russiæ in Castro Belzensi deposuerat, & post quingentos circiter annos, Vladislaus Dux Oppolien-sis Anno Domini, 1382. tunc Prorex Poloniæ hic collocavit, grandi & non ineleganti Basilicaeducta, & Monasterio exadificato, Patribusq̃ Ordinis Sancti PAULI Primi Eremitæ, sub Regula Sancti Augustini mili-

tantibus, ex *Ungaria* vocatis attribuit. Cum
autem Omnipotenti DEO placuisset singula-
ribus benignitatis sue favoribus, & gra-
tius locum illustrare, atque ad colendam suæ
Matris Imaginem, maximis beneficijs Ca-
tholicorum pietatem invitare, capit non ab
Incolis Regni duntaxat, verum etiam à fi-
nitimis & longinquis nationibus, *Roxolanis*,
Lituanis, *Samogittis*, *Borussis*, *Cassubijs*,
Croatibus, *Dalmatis*, *Livonibus*, *Ungaris*,
Dacis, *Moldavis*, *Albanis*, *Moravis*, *Silesijs*,
Bohemis, *Saxonibus*, piâ visitatione, & do-
narijs Regum Principum, Ducum, Antisti-
tum, Senatorum, Nobilium popularium ve-
frequentari. Atque ut pretiosum depositum
Sacrae Imaginis, à quo tot DEI beneficiorum
in suos Cultores thesauri promerentur, se-
curius ab hostium depredatione, quæ iam
ante à *Zysca Bohemo Hussita*, Anno Domini
1430. Loco Sacro contigerat, servaretur;
Templum & Monasterium muro, qui sumpti-
bus Religiosorum magna iam ex parte ste-
terat, piâ & heroicâ liberalitate cinxit, &
propugnaculis munivit VLADISLAUS
Quartus Rex Poloniarum Invictissimus. Quo
tempore & Illustrissimus, ac Reverendissimus
Domi-

Dominus Matthias Lubieński, Archiepiscopus Gnesnensis, Legatus Natus, Regni Poloniae Primas, ac Primus Princeps, atrium Sacelli, in quo primitus Sacra Imago fuit collocata, magnifico sumptu ampliavit, & in formam Basilicæ reduxit. Carolus Gustavus Rex Sueciæ, cum Anno Domini 1655. Poloniam utramq; invasisset, & omnes Regni ditiones populatus Ecclesiarum Sacram supellectilem, & thesauros compilasset universos, indignum ratus, si Monasterium Czechoviense, immune à direptione sui exercitus stetisset, misit cum magno Copiarum, agmine Millerum Militiæ Prefectum, ad illud expugnandum: Cuius oppugnationis seriem hic lege, ac Magna Cælorum Terraque Imperatrici Deiparæ Virgini in Monte Claro, de pervicacibus Hæreseon conatibus, & sacrilegis ausibus triumphanti, mirandorum DEI operum Spectator venerabundus applaude.



A P P R O B A T I O.

QUæ Serpentis infernalis superbum contrivit
caput, eadem Augustissima Virgo & Mater
DEI, impia Suecorum & aliorum Acatolico-
rum arma in excidium Regni Poloniæ, Ca-
tholicæq; Religionis insolenter sublata, ad Clarum Cze-
stochoviæ Montem felicissime confregit, hostem Sacræ
gazæ avare inbiantem ignominia saturatum, glorio-
sissime repressit. Quod insigne Virginis Deiparæ in Po-
loniam beneficium, & Defensorum in Serenissimum IO-
ANNEM CASIMIRVM; Poloniæ & Sueciæ Regem Or-
thodoxum (hunc enim titulum à Summo Ecclesiæ Pa-
store ALEXANDRO VII. meruit piissimus Princeps) præ-
clara & constans fides, ut Orbi palam fiat, & ad po-
steritatis memoriam transmittatur. Adm. R. P. Au-
gustinus Kordecki, protunc Claromontani Cænobij
Prior, serie Oppugnati ac Defensi Clari Montis fideli-
ter connotata adlaboravit, cuius pium studium dignum
prælo judicavi, 20. Octob: Anno Domini 1657.

Hyacinthus Liberius S. T. D. Præpositus
Ecclesiæ SS. Corporis Christi Canonico-
rum Regularium, Librorum in Dice-
cesi Cracoviensi Censor.



N O V A
G I G A N T O M A C H I A
I N
C L A R O M O N T E
C Z E S T O C H O V I E N S I.

CUm DEUS Opt: Max. vindicem peccatorū gladium, contra Poloniæ Regnum exerere decrevisset, prædictionibus & præfagijs futuræ correptionis præmonitos incolas ad conversionem excitans, permisit: ut præter prodigia multa cælo terraq; nata, sacræ Numinis ædes media hyeme fulminum ictibus fatiscerent, & in locis pluribus de cælo tactæ turres corruerent; inter quas eminens Montis Clari, alto superba & dives fastigio, fortuito incendio conflagravit, Anno Domini, 1654. die decima Februarij. Sed & illud e cælo portentum stupentes mortalium animos exterru-

*Signa præcedentia
irruptione
Suecorum.*

terruit maxime, quod Anno eodem die nona Iunij, in facie Solis occidentis apparuit. Super nasum Solis visa est Crux in cor converti, quod cum gladio transfixum declinans in partem faciei Solis sinistram, stetit sub oculo. Sub altero autem faciei solaris oculo, visa est armata manus pomum tenens, quod de manu per oculum in frontem se attollens, in quatuor partes est divisum, ac super orbem Solis ascendens, in virgam conversum.

*Sueci ab
invasione
Monasterij
avertuntur.*

Anno igitur sequenti, Flagellum DEI contra Polonos erupit ab Aquilone, Carolus Gustavus Rex Suecorum electus, (nam illud Regnum ad IOANNEM CASIMIRUM, Regem Poloniarum, iure successione pertinuit) & occupata Maiori Polonia, in Minorem transiturus, ordinaverat primum, exercitus parte cum Radzieiovio præmissa, Monasterium Czerstochoviense invadere; ratus opportunum thesauris & sacra
supel-

ſupelleſtili Czeſtochoviienſis Baſili-
cæ, copiarum vires augere, quò ad
oppugnandam Regni Metropolim
Cracoviam formidabilior accederet,
ac interceptis finitimis Arcibus, &
ſufficientibus Præſidijs munitis, nul-
lum metuens periculum, aut Regno
faciliùs potiretur, aut per Regnum
ſibi tutiùs graſſandi faceret accessum.

Dum hæc Sueci Califfij agitant
conſilia, intentos eorum eventus, in-
gruens Polonorum exercitus pertur-
bavit, fecitque hoſti neceſſitatem a-
liò divertendi, & anſam porrexit oc-
cupandi primùm Colum, Łanciciam,
Łovicium, Varſaviam. Tandem
ubi Cracoviam irrupit Suecus, ani-
mum ad deſtinatum ſectens propo-
ſitum, tria millia leſtorum Equitum
Czeſtochoviam verſus direxit. Sed
neque hæc proſperum exitum ſortita
eſt expeditio; Guſtavus namque ſa-
mâ de adventante Quartianorum
exercitu acceptâ, Cracoviâ movit,
ac univerſas ſecum duxit copias, Præ-
ſidio

fidio ad propugnandam Metropolim relicto. Postquam verò rebus cum Regni Ducibus Corcinij compositis, Varsaviam pervenit, Præfectum militiæ, ut vocant, Generalem Mille-
rum cum parte copiarum misit, ut Czesztochoviense Monasterium in suam redactum potestatem, Præsidio firmaret.

*Comes à
Wrzeszcze
wicz pri-
mus aggre-
ditur Cze-
stochoviã.*

Præcepit mandatum Ioannes Veihardus, Comes à Wrzeszczewicz, & Gustavo gratificaturus præcucurrit, copiisque sub Monasterium ex impro-
viso adductis circa noctis medium hora fere decima, insolito clangore tubarum ad terrorem excitato, aures ascetarum perculit vehementer, misitque confestim legatos, qui nunciarent Religiosis. postquam se totum Regnum, Sueciæ Regi submisit, se huc missum, ut ij quoque Monasterium suæ traderent potestati; secus facturis, grave periculum minitarentur, & extremam cladem, quam repugnantes suæ voluntati, sub-

subire deberent à quatuor millibus militum, quos ad murum mox esset appliciturus, atque omnes Monasterij Possessiones in favillam versurus. Negantibus constanter accessum Religiosis favorem erga Locum Sacrum furori obtendens, in crastinum diem negotium distulit.

Inclarescente igitur die, miserunt Religiosi ad Comitem de medio sui Patres, Fratrem Benedictum Iarczewski, & Fratrem Marcellinum Tomicki, qui nomine Conventus exponerent: se mirari vehementer, & prorsus ignorare, quid causæ sit? quod Dominus Catholicus, contra Locum Sacrum, cuius non multò ante protector eximius & patronus munificus extitisset, hostilem induerit animum: portasque nocte intempesta Monasterij, ad horribile tubarum sonum sibi aperiri mandaverit. Orare Patres omnes, & obtestari per fidem Catholicam sacraque omnia, ut se ab hostili perturbatione

Expostulant Religiosi cum Comite de invasione Monasterij

*Suadet de
ditionem
Gomes.*

liberos, pacatæ vitæ studijs, juxta
Religiosum Institutum vacare per-
mitteret: & ea fide atque benevo-
lentiâ, quam ante semper experti fu-
issent, sub alis protectricibus patroni
sui singularis quiescere liceret inde-
mnes & intrepidus. *Non latet* (in-
quit ille) *uos boni Patres, quo ani-*
mo semper erga Locum hunc Sacrum,
& vestram Congregationem, vestrum-
que singulos fuerim; quâ fide & con-
stantiâ patrocinitus, quibusve be-
neficijs prosecutus, nihil in presens
attinet dicere. Igitur sic vobis de me
velim persuadeatis, nihil omnino præ-
senti rerum tempestate, temporisq;
vicissitudine, de meo erga vos studio
& benevolentia visitata diminutum.
Amicus etiam nunc venio, non hostis.
Monasterium vestrum fidei meæ intre-
pidi permittite; ita enim tempus &
rerum status suadet, ut optata quie-
te potiamini, & Religiosâ securitate
gaudeatis. Integram vobis rei sacræ
supellectilem, necnon bona & possessi-
ones

ones vestras illasas fore strenuè polli-
ceor: mihi ipse necessarios sumptus,
quin vobis etiam providebo ac suppe-
ditabo. Considerate itaque diligenter,
quantum opera pretium feceritis, si
votis obsecuti meis, potestatis mea
volueritis esse Monasterium: prospexe-
ritis prudenter, ne vos gravior tem-
pestas obruat, ab impendente iam iam
exercitu Milleri, Praefecti Militie, ho-
minis heterodoxi, cuius iussa tantò
vobis instant duriora, quantò ab Or-
thodoxa Religione remotior est. Fe-
rendum erit necessario, quidquid ri-
gidior exactor sciverit; & tandem vos
ferò, magno cum animi corporisq; do-
lore, spretipacatioris consilij pœnitebit.

Promovit non mediocriter Reli-
giosos recens memoria beneficiorum
Comitis, & futuri pollicitatio favo-
ris: tamen quò minùs obsecundare-
tur suafui suo, insultus hesternus
frequentior, ferventer occupans Re-
ligiosorum animos, obstitit, firmos-
que tenuit in sententia defendendi

Deliberat
Religiosi
facienda-
ne sit de-
ditio Co-
miti.

Monasterij: motos præfertim alienis periculis, quorum spem vafer, & inconstans promissor Suecus elusit. Concordibus igitur omnium calculis, conclusum est: *In hoste nihil non esse timendum.* Deinde, honoris ergo, à Nobilitate, quæ tum fugiens furorem bellicum in Monasterio degebat, petito consilio, quid & illa in hoc casu faciendum censeret? G. D. Stephanus Zamoyski, Ensisfer Si-
radiensis, Vir prudens, & magni animi, ac in arte militari paucis conferendus, omnem penitus hæsitationem ex mentibus deliberantium exclusit, sic locutus: *Vestri agitur causa PP. Reverendi: pensatâ ergo potentia hostilis exercitus, & vestra ad resistendum ei facultate, iuxta vires & munitionis apparatus, propriam sequimini voluntatem.* Certè nos quia hic peregrini sumus, agrè consilijs vestris lumen asferre possumus: attamen quia à vestris Reverentijs sumus requisiti, quid faciendum sentiamus?

dum

Diffua-
der dedi-
tionem Za-
moyscius.

*dum nulla urget necessitas, absit, ut obediamus hostis voluntati: turpe enim & iniquum est, ignominiosâ deditio-
ne incertam pacem ab hoste perfido pos-
tulare. Sponte huc & amore Loci Sa-
cri, sub Gloriosissimæ Deiparæ præsi-
dium, cum Coniugibus & liberis cha-
rissimis confugimus; fide proinde con-
stanti decretum nobis est, vobiscum
Patres Religiosissimi vivere, vobiscum,
si ita DEUS voluerit, mori potius,
quàm ullam fædæ servitutis legem,
acceptare, vel Sacrorum contamina-
tionem intueri. Profecto Magna Su-
perni Numinis Parens, quæ nobis in-
didit desiderium sui honoris, adversus
impias Hæreticorum blasphemias de-
fendendi, aderit pijs suorum Clie-
ntum conatibus, & iustæ defensionis
progressus secundabit.*

*Mittuntur iterum iidem Patres,
qui pristina in memoriam revocatâ
consuetudine Comiti, & rei quam
postulabat enucleata indignitate, ro-
garent à proposito desisteret, vel tan-*

*Offeruntur
Conditio-
nes dedi-
tionis.*

tisper vellet supersedere, dum quid facto sit opus in tam arduo negotio, Patres, qui à Superiorum voluntate per omnia penderent, ab Admodum Reverendo Patre Provinciali, (fungebatur autem Officio Provincialatus Admodum R. P. Theophilus Bronowski, Vir præclare de Ordine meritis, & tum in Silesia in Conventu Glogoviensi sui Ordinis morabatur) declaratum haberent. Redeunt Patres, oleum & operam in emolliendo feroci pectore se perdidisse questipromitque alter illorum chartam, cum conditionibus deditiois à Comite descriptis, quibus nisi Patres obtemperarent, in Villas eorum flammis se grassaturum minitatus est. Tenor earum is:

Hodie Nona Novembris Transactio facta cum Illustrissimo Domino, D. Ioanne Veichardo, S. R. I, Comite ab Wrzeszczewicz, Sacra Regia Maiestatis Suecorum Consilij, Status & belli Supremo Generali, Vigiliarum Præ-

sto, &

cto, & Colonello Equestris & Pedestris
legionis ex una: & nomine Serenissi-
mi & Potentissimi Principis ac Do-
mini, D. Caroli Gustavi, Suecorum,
Gottorum, Vandalorum, &c. &c. Re-
gis, Domini sui Clementissimi. Et
ex parte alterà cum Admodum Reve-
rendis, Priore, Supprioribus, ceterisque
Patribus, & toto Conventu Czeszo-
choviensi, sive Clari Montis. Et ea
transactio ab utraq; parte in omnibus
clausulis & punctis Sacrosanctè obser-
vari fide Sancta & inviolabili pro-
missa. Et est de verbo ad verbum
taliter.

I. Clarus Mons unà cum Monasterio,
fortalitijs, propugnaculis, se subdit in
fidem Comitis Sacrae Regiae Maiestatis
Suecorum, Sacramq; Regiam Maie-
statem pro Protectore suo Clementis-
simo veneratur.

2. Omnes Religiosi quotquot sunt,
à primo ad ultimum, fide Sacerdota-
li & Religiosa iurant, & promittunt
Sacrae Regiae Maiestati Suecorum Ca-
rolo

rolo Gustavo fidelitatem respectum & obedientiam, renuntiantq³ omnibus confederationibus, conspirationibus, compromissionibus, transactionibus Regis IOANNIS CASIMIRI ipsiusq³ addictis.

3. Conventus recipit in Gubernatore fortalitij & presidij predictum Comitem à Wrzeszczewicz: cui etiam eiusq³ Officialibus Maioribus atq³ Minoribus, omnem fidelitatem, & honestam cointelligentiam, respectum & respectivè obedientiam, quoad militaria pollicentur.

4. Presidium recipient, numerum militum constantem, nullumq³ maius modò, & nullo alio tempore, nisi extrema necessitate imponetur.

5. Omnia tormenta, pulveres, cæterasq³ munitiones, quo nomine illæ appellentur, predicto Comiti, cum certo specificato registro extradentur, & sub pœna vitæ, à Patribus nihil in hac materia celabitur, etiam omnia loca subterranea, quæ fortalitio no-

civa

civa essent, prædicto Comiti aut eius locum tenenti monstrabuntur sub eadem pœna.

6. Milites omnes, quos habent, sive haidones, sive alios, statim licentiant, nullumq; militem, sive palam, sive clàm, sine expressa Comitum, aut eius locum tenentis licentia in Monasterio sustentabunt, habebunt, aut alent.

7. Abrenunciant omnibus correspondentijs cum inimicis Sacræ Regiæ Maiestatis Suecorum, sive literis, sive verbis, sive quibuscunque modis potest fieri, & Sacrosanctè pollicentur omnia ea, quæ ipsis innotuerint, in damnum Sacræ Regiæ Maiestatis Suecorum fieri, tempestivè revelare, & ijs malis cum omni sua potentia & firma fidelitate obviam ire.

8. Et ultimo in gratitudinem prædictæ transactionis, prædicti Patres & Conventus, promittunt se præminato Comiti & Generali summam in tali tempore paratam exsolvere.

E contra

E contra Comes supra nominatus promittit nomine Serenissimi & Potentissimi Caroli Gustavi, Succorum Vandalorum, &c. &c. Regis, Reverendis Patribus totiꝫ Conventu &c.

*Responder
Religiosi.*

Breviter ad hæc à Patribus responsum: Religiosos, qui se votis Deo singulariter adstrinxissent, ad mentem profani hominis iurare, sacrilegum esse loca Divino cultui consecrata, hæretica pravitate contemnerare impium: sibi destinatum esse honestè potius occumbere, quàm impie vivere. Proinde minetur quæ nolint Patres

*Incendun-
tur domus
ad San:
Barbarã.*

D. Comes, certè quæ vult, non facient unquam. Excanduit Pseudo Catholicus, & mox flammis ædificio, Templo S. Barbaræ proximo iniectis, citato cursu, indignabundus Krepiciũ tetendit, bino trinové tormentorum ictu depulsus. Inde quarto ab hinc die, submissis Krepicensis Præsidij copijs, irruptione facta in bona Monasterij, armentorum & pecorum abegit amplius quadringenta.

dringenta. Deinde furore minime remisso, Millero, qui tum ex Sira-
diensi Palatinatu in Prussiam expe-
ditionem ordinabat, obviam pro-
currit, suadens maturandam oppu-
gnationem Monasterij. Nec difficil-
lem præbuit aurem, homini scilicet
Catholico, Calvinianæ supersticio-
nis affecla, præsertim divitias Mo-
nasterij iactanti, & reconditorum
inibi depositorum Nobilitatis opu-
lentiam venditanti; facile se ad ex-
pilationem thesauri spe augendi exer-
citus in Prussiam, tam facunda per-
suasione trahi permisit.

Miserat interea Conventus duos
ex Patribus Cracoviam ad Vitem-
bergium. Summum Militiæ Sueticæ
Mareschalcum, specie quidem litera-
rum securitatis obtinendarum; re-
autem ipsa, quid ille de suo Mona-
sterio faciendum apud se constituif-
set explorandi: eam ob rem potissi-
mum illuc missi, recte Alemanorum
callentes idioma. Hi sub idem tem-
pus redeuntes nuntiarunt: securi-
tatis

*Comes
Millerum
ad aggre-
diendum
Monaste-
rium in-
vitat.*

*Mittuntur
Patres ad
Witember-
gium me-
tem eius
explora-
turi.*

tatis literas Monasterio dari, non ægre tulisse Vittembergium, imò mandasse Cancellariæ Præfecto, ut eas quamprimum consignari faceret, ad dispositionem ulteriolem circa illud. Quæ responsio, quanquam anxium iam ante de munimine Monasterij Superiorem, magis sollicitum reddidit. Itaque consilio cum Patribus omnibus communicato, & rogata sententia singulorum, postquam eadem omnium stetit voluntas, ad defendendum Monasterium imperterrita re Domino Deo, & Beatissimæ Virginis Matris patrocinio, in cuius tutela peculiari esset locus, commendata, omnem cogitationem vertit ad resistendum hosti modumque, qui tum videbatur magis idoneus, nequaquam putavit omittendum.

*Impedimē-
ta defen-
dendi Mo-
nasterij
tolluntur.*

Erant ad lævam descensus Montis Clari, complures institutiæ tabernæ, per longum tractum ad mœnia propugnaculi porrectæ, in quibus pro-
stabant

staban
dam f
& per
strem
magin
genus
præst
sultū
bet.
dicē
cijs: e
get.
nissim
C A S
Opolie
cessera
rita N
spe pa
ta Ma
tem pr
magna
tam ce
à Rege
stii nu

stabant multa venalia, quæ ad augen-
dam facerent pietatem Catholicorū,
& peregrinorū, locum miraculis illu-
strem visitantium: utpote, Sacræ I-
magines, Grana precatoria, Libri, & id
genus cætera. Eas, quia commodum
præstare poterāt hosti sub mœnia in-
sultū, præfatus Superior demoliri iu-
bet. Nec parsum vicinioribus ad ra-
dicē Montis, ob eandem causam ædifi-
cijs: copias peditum exercitatorū au-
get. Supplicem libellum offert Sere-
nissimo Poloniarum Regi IOANNI
CASIMIRO, qui tum ad Ducatū
Opoliensē cogendi exercitus causā se-
cesserat; nam hostiū potentia exter-
rita Nobilitas, tempestates exosi belli,
spe pacis & securitatis à Sueco inescā-
ta Martio fridori, qualē tranquillita-
tem præferens, in domos dilapsa, eidē
magna ex parte adhæserat, Verū in
tam celeri hostiū cursu, non poterāt
à Rege auxiliares sperari suppetiæ, ho-
stiū numero vel viribus pares. Scribit

*Supplices
libelli mit-
tuntur va-
rijs.*

B

illustri

*Scribitur
ipsimet Co
miti & Sa
dovio.*

illustri Domino Stephano Czarniecki
Castellano Kioviensi, qui omnium
maxime subsidio venturus Sacro
Monti credebatur, quod stativa co-
piarum in vicino Ducatu Severiensi
teneret; nisi excedens Cracovia,
fidem ante Sveco dedisset, se con-
tra illum intra tempus constitutum
arma non sumpturum. Scribit & in
signioribus hostilis exercitus Præfe-
ctis, præcipue Comiti a Wrzesce-
wicz; cui etiã Imaginis Claromon-
tanæ Deiparæ Ectypum in ære affa-
bre depictæ missum est, vt si gratiã
Religiosorum, quibus suam hæc-
tenus testatus esset amicitiam, a cæ-
ptis animum avocare nollet, daret
saltem honori Deiparæ mitiora con-
silia, cuius se beneficio servatum in
Monte Claro amplissimis fuisset do-
narijs contestatus. Scripsit & Sa-
dovio, Svecorum Regis, ut vocant,
Colonello, orans, ne perditum ire
vellet Locum Sacrum, Regum &
Ducum non intra Patriam modò de-
genti-

gentium; verum etiam Principum
 externorum, pietate & votis insi-
 gnem, peregrinationibus & suppli-
 cationibus Bohemorum, Moravo-
 rum, Silesiorum, & vicinorum quo-
 rumque, ad Sclavonicam Dialectum
 pertinentium, celebrem. Modesti-
 or is & benignior rebus Catholico-
 rum, quamvis à dogmatibus esset
 Lutheri, literis perlectis, hoc Pa-
 tribus ad se missis dedit voce consi-
 lium in partem accersitis: *Sustinen-*
da vobis, o Patres, ingruentis belli
moles, ita tamen, ne aliqua irrita-
tione vestra hostis ferocior evadat;
tractando potius, nunc has, nuncillas
deditionis condiciones proponite, do-
nec placitura vobis offerantur. Mil-
 lero deinde suasit, ut alium quem-
 piam loci sui pro Monasterij oppu-
 gnatione surrogaret. *Quæ enim,*
(aiebat) laus fuerit Monasterium,
expugnasse, cuius virtuti maiora olim
cessissent munimenta! quod si Mona-
chi superiores evaserint, quantam
labem

Respondet
Sadovius
PP. ad
Supplicem
libellum.

Idem dis-
suadet
Millerone
accedat
Monaste-
rium.

Tumidum
 responsum
 Comitris
 ad literas
 D. Castell-
 lanei Cra-
 coviensis:
 de loco Sâ-
 to solici-
 tus.

labem sera posteritate nomini tuo asperferis, qui ab imbelli turba superatus fueris? At Comes a Wrzeszczewicz, munere, prece, demissione Religiosa nihilo placatior, non superbiâ minûs, quam blasphemiâ turgidus, ad literas Illustrissimi D. Stanislai Warszzycki, Castellani Cracoviensis, Senatoris Regni Primarij, ab impio facinore se dehortandi respondit: *Eat nunc, si placet, D. Castellaneus, & Locum Sacrum illum, pro sua pietate defendat; en adest Regius exercitus, &c.* Nullam occasionem prætermisit unquam Loci Sacri, & augendi decoribus, & a malevolorum conatibus defendendi, primarius hic subselliorum sæcularium in Republicâ Polonâ Senator, ita tunc maxime opportunum ratus homini Catholico persuadere, ut à sacrilegâ Montis Deiparæ, honoripridem consecrati, oppugnatione superfederet: non imprudenter æstimans, suæ dignitatis auctoritatem

pluri-

plurimum momenti habituram apud eum, qui beneficio salisfodinarum Veliciensium, quas tenuerat, Polonis esset obstrictus: ac quod rei caput est, singularis & beneficus olim Montis Clari Patronus extitisset, donarijs præcipuis cultum Sacræ Imaginis contestatus. Pluribus idem tum argumentis testatus est erga Divam Claromontanam cultus sui fervorem, ut quod pro Religiosorum armentis, ab hostili exercitu abactis, lytrum miserit florenos trecentos, & duodecim maiora tormenta Monasterio subministraverit, ad resistendum hostili potentia; ne Sacer Locus Hæreticorum impietate contaminaretur. Hoc certè laudi maximæ ipsius accenseri debet, quod curam Loci Sacri, iam iam in manu hostium periclitantis, quâ licuit via, sustinuerit. Veniunt interim ex Vielunensi Conventu Pr: Hiacyntus Rudnicki, eiusdem Ordinis Professus, & brevi post, G. D. Michael

*Nūtiatur
adventus
Milleri ad
Clarum
Montem.* Chlebowski, qui nuntiant, Millerum cum novem millibus copiarum, & maioribus tormentis 19. & reliquo apparatu bellico, Vielunio Cześtchoviam versus movisse, cum auxiliaribus turmis Comitum à Wrzeszczewicz, Venceslai Sadowski, Ducis Hassiæ, & duorum ex Polonis, ut vocant, Colonellorum, certò certius die 18. præsentis huc perventurum.

*Claromō-
tani tur-
bati adve-
tu hostis,
à Superio-
re animā-
tur.*

Titubare cæperant cōsuntio animi nonnullorum non bene fidentiū, domesticis viribus, adversus hostem militari arte diu exercitatum, & ferè subactā Poloniā fortuna benigniore insolentem ac superbum: cū præsertim P. Prior Vielunensis, vires Monasterij non pares fore, ad reprimendam vim hostium, æstimans, qualis qualis pacis media potius sustinenda suaderet, quam ancipitis Martis eventui aleam committendā, ne prætermisforum tractatum deditiois, serò tandem totum Conven-tum poenitere deberet. Verū Clari Mon-

ri Montis Superior poſtquam omnē cogitationē, curamque ad propugnandum gratiarū Dei & Regni Poloniæ Sacrarium, locum plurimis & maximis inclytum miraculis, contuſiſſet; imperterrito animo ſuſcepti propoſiti, Fratres admonuit ſuaſitque, ut propugnando vitam devoverent Virginis Deiparæ honori, quæ tot tantaque beneficia, hinc ingentem Polonam, largā clementiā effundit: memores & fidentes, non minus Clientibus & excubitoribus ſuis, in tanta neceſſitate fore propitiā.

Itaque die 18. Novembris, omnes Patres congregationis Religioſæ, ac quotquot ſæculares diverterant ad Divinæ propitiationis aſylum, convocat: Miſſæ ſolenni ad Aram Beatiſſimæ Virginis ut adſint, devote hortatur; Diviniſſimum Euchariſtiæ Sacramentum, circa muros & propugnacula, publice cum ſupplicationibus ferri iubet; tormenta,

Hoſtis acceſſit, & obſedit Monafterium

bombardas maiores, minoresque, globos plumbeos & ferreos, pulveris pyrij vasa benedicit, & ut intrepidum hostem præstolentur, divisim ante defensionis officijs, animose monet. Ecce hora secunda fere pomeridiana, glomerantur agmina hostium: quibus ad radicem Montis Clari, e regione Monasterij venientibus, Præfectus Maior Millerus, literas ad Patres, & alios tunc in Monasterio morantes, per subditum Conventus, de Villa Lgota, tenoris sequentis præmisit.

*Scribit Mil-
lerus Reli-
giosus.*

*Admodum Reverendi ac Nobilissimi
Patres, caterique Arcis ac Monasterij
Czestochovia Inhabitatores, Do-
mini & Amici honorandi.*

Dominationibus Vestris, cum significatione officiorum & benevolentia testatum facio. Cum S. R. Maiestas Suecia, Dominus meus Clementissimus, de rebellium quorundam in
Maio-

Maiori Polonia conatibus, certos accepisset nuntios, quòd sua Maiestas non modo ad compescendos illos, sed & porro ad limitaneas Arces, adversus quãlibet invasionem aliquo presidio firmandas, me eò cum iusto exercitu mittere fuerit coacta. Quando igitur ad hos limites progressus sum, iamq; & Monasterio Vestro Regius exercitus imminet, cui, ut conveniens presidium imponatur, serium est S. R. Maiestatis mandatum: Vestro ex commodore putavi, si vos eius rei gratia, rimam ac maturè communefaciam. Quod dum facio, vos seridè adhortor, ut sine ulteriori circumductione, aliquos cum liberâ potestate mittatis, de quantitate presidij, alijsq; ad hanc em pertinentibus, mecum deliberatos. Facietis hoc ipso rem S. R. Maiestati gratam. Quæ non intermitet, vos, ac Vestrum Monasterium, omni Regiâ Clementiâ fovere actueri; ec enim aliter Vobis persuadeatis, uam Sacra Vestra omninò fore intacta, ne-

Et, neque devotionibus vestris ullum impedimentum, multominus contumeliam illatam iri, siquidem nihil aliud, quàm tutela Regni & securitas finium queritur. Caterùm, sitotâ iam Minore Maioreq; Poloniâ, in potestatem S. R. Maiestatis Sueciae reductâ, desperatisq; omnibus auxilijs, obsistere tamen ulterius præsumatis; non aliter potero, quam præsentis armorum remedio, vos & cum exustione totius Monasterij, ad recens compellere obsequium. Id ne fiat, Vestû erit fato non resistere, sed honestâ deditione Serenissimi Regis nostri clementiâ amplecti. Valete. Dabantur in Castris

*8.
18. Novembris, Anno 1655.*

Vester studiosissimus

Burchardus Miller, Generalis Leytenant mp.

B 5

Non

Non vocabat, ut literis hostium calamo responderetur, præsertim, cum iam pagum *Czesztochowka* dictum, non expectato responso invasisent, & per violentiam hostilem, occupassent prædiū Monasterio proximum, Ioanne Konopski à rationibus redituum trucidato: necnon loca insedisent oppugnationi utiliora; armis agendum fuit. Cumque palarentur per agros, situm & munimen propugnaculorum explorantes, frequentioribus tormetorum ictibus coerciti sunt in tantum, ut Millerus militiæ Præfectus, sub vesperum, armorum interstitium postulare necesse habuerit, missis duobus Centurionibus Polonis: qui eadem usi opportunitate, neutiquam se arma sumpturos contra Locum Sacrum (eadem fuit mens Scythis, Dacis, Moldavis, quorum duo millia sub duobus Legionarijs Ducibus Polonis Regi Sueciæ militarant) sancte spondereunt Patribus. Æstimet hinc prudens

*Accedentes
hostes,
qualiter
a Præsidio
Monasterij excipi-
untur.*

*Incēditur
à Claromō
tanis hor-
reum cum
hostibus.*

dens lector, quantò immaniores barbaris nationibus sint, contra Loca Sacra Hæretici, & apparentes Catholici. Facile Patres postulata se concessuros sunt polliciti, si copias ab eorum prædio Millerus submoverit; quod quia is recusavit, utendum erat illis defensione iusta: ideò cum viderent allodium suum sufficientiore hoc anno, quam alias annona instructum, hosti cōmoditatem, quā alimentorum, quā latebrarum præstiturum, noctu ignitis globis immisissis, cum agmine hostium latente, flammis illud devoverunt.

Die sequenti Millerus, ad Ædes S. Barbaræ, & Novitiorum Monasterium, Sadovio, & Duce Hassiæ constitutis, ipse, sive primi assultus tristis omine consternatus, sive magis opportuni loci ad oppugnandum cōmoditate allectus, in latus Aquilonare Monasterij, cum maiori validioris armaturæ parte, in Villam *Cze-
stochowkâ* perrexit, ac ædificiorum
latebris

latebris hærens, magnam, citra no-
xam tamen Monasterij, plumbearum
glandium immisit grandinem con-
tra propugnacula. Sed meliore tor-
mentorum directione usi Patres, non
parvam in hostilibus turmis edide-
rant stragem, minoribus & grandi-
oribus globis, tam cuneos agminum
disrumpendo, quam parietes Ædium,
quibus se abdiderant, tenebrando.

Eo tempore, cohortis Polonæ Mi-
les, glande minoris fistulæ percussus
severitatis Divinæ, cogitatam Loci
Sacri violentiam ulciscens, exem-
plum posteræ mortalitati reliquit.
Inordinato scilicet habendi studio
accensus, pollicebatur uberem præ-
dam ex multiplici rerum Clari Mon-
tis affluentia, sibi, & suis Commili-
tonibus obventuram, & cum argu-
entibus socijs, dicti sui temeritatem,
ac operis mente concepti, execran-
dam homini Catholico impietatem,
responderet: *Id esse licitum nobis,*
qui pro Sueco militamus. continuo
globus

Prima ag-
gressio Mo-
nasterij.

Miles qui
dam Polo-
nus cogi-
tans de de
prædatio-
ne Mona-
sterij glo-
bo tray-
citur.

globus à mœnibus in caput malæ mentis missus, equo detrussit loquentē vitamque in eo, & sacrilegam prædandi cupiditatem, extinxit.

*Hostes cū
domo pro-
xima in-
cendūtur.*

Sed & illud hostibus ex inopinato accidit terribile, quòd quas rebantur ædificiorum latebras sibi securitati fore, maximum sibi attulisse detrimentum fuissent experti. Nam postquam Patribus constitit, eos Villæ *Czestochowká*, ædificiorum vicinorum altitudine, in ruinam murorum velle abuti, prærepto illis consilio, nihili æstimantes iacturam bonorum pro defensione Montis Virginei, crebriores iactarunt e tormentis globos, igne candentes, qui summâ tectorum penetrantes fastigia, & fano straminibusque sub tecto recõditis, ingentem flammam fumo permixtam caliginoso excitarunt, quâ hostes inter latebras trepidantes, à suis met fistulis flamma crepantibus educentes in publicum, novis tormentorum obiecerunt periculis palantes, atque

*Fugientes
ex incensa
domo tor-
mentis ster-
nuntur.*

atque
mam
rus
ex Po
rijs, q
gni,
dis e
Patre
ceden
iam
ac gu
dabat
am, a
geniu
fabilit
am, &
que
maxi
spicer
extern
retur
Silesia
re in
auscu
tissim

atque plurimos tunc illorum, victi-
mam morti dederunt: ita, ut Mille-
rus miserit sub meridiem quendam
ex Polonis Regis Sueciæ stipendia-
rijs, qui memoratis calamitatibus Re-
gni, quibus Rege absente averten-
dis esset impar Patria, hortaretur
Patres, ut in fidem Regis Sueciæ cō-
cederent, quemadmodum universa
iam Respublica illius se protectioni
ac gubernationi submisit. Commē-
dabat in eo belli gerendi prudenti-
am, artis militaris experientiam, in-
genium sublime, iudicium grave, af-
fabilitatem, humanitatem, clementi-
am, & omnem curam cogitationem-
que illius in eo positam, ut quā
maxime securitati finium Patriæ pro-
spiceret, & pericula, quæ timeri ab
externis possent, Principibus amoli-
retur; proinde locum etiam hunc
Silesiæ conterminum præsidio firma-
re in animum induxit. *Qua in re,*
auscultare mandatis Principis Clemē-
tissimi, an non sit aequitati consentā-
neum?

Miles Pō-
lonus mis-
sus à Mil-
tero, sua-
det dedi-
tionem.

neum? diligentius (inquirebat) considerate. Mibi credite, satius esse benevolentiam ipsius submissione promereri, quàm vindictam obstinatione provocare: quid enim aliud reliquū est indignationi militari, praterquā, ferro & flammis in rebelles grassari? nempe omnibus illud est cōmune Principibus Parcere subiectis, & debellare superbos.

Ad crastinam deliberationem dilatum est à Patribus responsum, ubi illud maxime cōsideratum est: quòd sicut antea Comes à Wrzeszczewicz egerat, ita nuuc Millerus quoque ad oppugnandū Monasteriū suo pte genio prater voluntatē Regis Suecorū venisset. Missi itaque mane duo Patres, qui dicerent: mirari se vehementer, quòd cū Rex Sueciæ, publicū edictum per Poloniam promulgari fecisset, quo immunitates Ecclesiarū, & Monasteriorum illasas & intactas fore polliceretur; quū fiat? ut contrariam literis mentem induerit contra Locum Sacrum, nullā nostrā culpā. Edicti fuit tenor is: Nos

Militi sua
denti de-
ditionem,
Religiosi
opponunt
literas Re-
gis Suecorū.

No
Sueco
Rex.
boni
tini,
lia, P
& Vi
Rben
Mont

Senat
ver
in
tia

N
piend
perve
gnog
immi
nostro
Divin
impea
statis

Nos Carolus Gustavus, Dei gratia *Mandatū*
Succorum, Gottorum, Vandalorumq; *Regis Sue-*
Rex. Magnus Dux Finlandiæ, Est- *corum ad*
boniæ, Careliæ, Bremiæ, Verde, Ste- *Polonos.*
tini, Pomeraniæ, Cassubiæ, & Vanda-
liæ, Princeps Rugiæ, Dominus Ingriæ
& Viſmariæ, necnon Comes, Palatinus
Rheni, Bavariæ, Iuliaci, Cliviæ, &
Montium Dux, &c. &c.

Senatoribus, Dignitarijs, & Univer-
versæ Nobilitati Terræ Leloviëſis,
in Palatinatu Cracoviensi, grati-
tiam & favorem Noſtrū ſingularem.

Non poteſt vos latere, quàm gra-
vibus cauſis moti ſumus, ad ca-
pienda adverſus Regem Poloniæ arma,
pervertendaq; ea mala, quæ Nobis, Re-
gnoq; Noſtro, à dicto Rege, iam iam
imminere vidimus. Huic armorū
noſtrorum inſtituto, ita ſuffragata eſt
Divini Numinis bonitas, ut ſine ullo
impedimento, non modò Noſtræ pote-
ſtatis fecerimus, Urbem Sedemq; Re-
ciam.

giam Varſaviam, ſed etiam felici progreſſu, magnam partem Polonia, vi-
ctrici Noſtra manu peragrati ſumus, ſpe certa freti, Deum Opt: Max: con-
ſilia actioneſq; noſtras, porro proſpero
eventu beaturum; quamvis victori-
am Noſtram ulterius proferre poſſe-
mus, atque eo, quo datum eſt modo,
victoria uti adverſus eos, qui parti-
bus noſtris ſe non adiunxerunt. Ta-
men, cum ea ſit indoles Noſtra, ut cle-
mentiam, & benignitatem potiùs No-
ſtram, quàm iram & indignationem
teſtatam facere velimus. Proinde
vos hiſce clementer ſerioq; invitamus,
ut viſo lectoq; hocce diplomate, prope-
rè ad protectionem, tutelam, & pa-
trocinium Noſtrum confugiatis, & o-
mni cum Rege Polonia commercio re-
nuntietis, intraq; diem vigefimam,
ſcilicet venturam proximè iſtantis
Menſis Octobris, Varſaviam vel ipſi
veniant, vel Deputatos veſtros ſuffi-
cientibus mandatis inſtructos mitta-
tis. Quod ſi feceritis, promittimus
liberta-

libertatem Religionis immutabiliter
 conservatam iri. Deinde milites No-
 stros, ab omni Procerum & Nobilium,
 Civitatum, Castrorum, & Subditorū
 violentiā, invasionibus, depredationi-
 bus, ac direptionibus amovebimus, &
 inhibebimus, atque commercia cum
 finitimis regionibus, in quantum ob
 iniurias temporum fieri poterit, tuta
 & secura prestabimus: ac postremo
 eorum desideriorum, qua tantum di-
 gnitatem, & iura vestra concernunt,
 condignam rationem habebimus. Si
 verò hanc gratiam, & benignitatem
 Nostram aspernati fueritis, nec vos à
 Rege Polonia separaveritis, neque qui-
 etè vixeritis, vos pro hostibus habi-
 turi, & possessiones, bonaq; vestra, fi-
 sco nostro subiecturi sumus. Quibus
 vos Deo clementi commendamus. Da-
 bantur Casimiria ad Cracoviam, die
 30. Septembris Anno 1655.

Proinde daret veniam Millerus,
 si secum neutiquam possit tractari,
 de constituendo in Monte Claro præ-
 sidio,

fidio, quod multum libertati Ecclesiasticae adversaretur. Indigne tulit is, se ab imbelli Monachorum coetu super autoritate sua examinari, eo praesertim tempore, quo iam fuisset sibi decretum Regis Sueciae, rebelles quosuis armis subiugare. Ad quae modeste Patres responderunt: se non ulla temeritate, sed necessaria in praesens prudentia, praesertim in tam arduo negotio, accessum Mille-
Præsentatur Religiosis mandatum Regis Suecorum ad Mil-
 Equestris Magister, à Generali missus, obtulit Patribus Regis voluntatem expressam, & Sigillo munitam, cum literis Alemanico idiomate scriptis, in quibus mandatum erat, ut praesidijs munirentur, Boleslavium, Vielunium, Krepicium, Czesztochowa. Nocte interim ingruente, ab utraque parte indicta est armorum cessatio:
 Sueci

Sueci nihilominus usi tenebrarum
opportunitate, fossis egerendis incu-
buerunt graviter.

Dies erat Dominicus, Præsentatæ
Virgini Deiparæ sacer; cui sanctius
colendo loci, dieique ritui usitato,
hanc addiderant Patres solennitatem,
ut cis mœnia circumferretur in pu-
blicâ supplicatione Divinum Eucha-
ristiæ Sacramentum, memores, quo-
modo ad exterrendos Philistæos,
Arcam Dei circum castra duxisset I-
srael, potentiori signatæ rei, quam
eius umbræ vetustæ, fisci protectioni.
Quapropter ab occupatis devotione
Patribus, non potuit citius, quam
sub meridiem hosti responderi, non
sine gravi eius molestia. Meridie
igitur hoc à Patribus legit respōsum:

Illustrissime & Excellentissime

Domine.

Noverit *Illustrissima & Excellen-*
tissima Dominatio Vestra, non
esse vocationis nostræ, Reges eligere,
sed ele-

Respondet

PP. Mille-

ro ad mā-

datum Re-

gis Sueco-

rum.

sed electos à Proceribus Regni venerari: quem igitur Procere Regni eligunt, & sequuntur, ei nos, nostraq; omnia, & Locum hunc Sacrum, qui hucusque perpetuò, sicut in protectione, ita & in veneratione summâ Regum fuit habitus, humiliter submittimus, & submittemus, non manu armata coacti (neque enim vocationis nostræ aut virium est, potentia Regū resistere) sed nostrâ religiositate commoti. Vidimus ordinationem Serenissimæ Maiestatis: & quoniam Præsidium sufficiens habemus, quo omnis incurssio insolentium arceri possit à Loco Sacro; Monasterium præterea nostrum, unâ cum Ecclesia, diversa antiquitus gaudeat denominatione, & nuncupatur Clarus Mons, Oppidum, verò Czeszochowa, ad nostrum Monasterium nullatenus pertinet, ideò multam nobis ordinatio peperit ambiguitatem. Quare obnixè Illustrissimæ & Excellentissimæ Dominationi supplicamus, quatenus Conventum nostrum, & Ec-

& Ec
tri S
Dei n
salute
lit in
Exora
Illustr
confis
mult
sime
genti
Mont
lutis,

Tri
rat M
literis
tonan
sterij
Austri
mento
mante

It coel

& Ecclesiam, Deo, & Sanctissimæ Ma-
tri Sacram, in quâ perpetuò cultus
Dei maneat, & Maiestas Divina pro
salute Serenissimi Regis exoretur, ve-
lit in pace relinquere. Nos interim
Exoratores indigni, de pietate Vestra
Illustrissimæ Dominationis multum
confisi, de qua, & in posterum nobis
multa pollicemur, favori Excellentis-
simæ Dominationis Vestra, quàm dili-
gentissimè commendamus. In Claro
Monte, die 21. Novembris, Anno Sa-
lutis, 1655.

F. A. K. P. C. M.

Tribus in locis interea disposue- Oppugna-
rat Millerus tormenta, qui perlectis tur Mo-
literis, ignem gladiumq; subito in- nasterium
tonans, ad exterminationem Mona-
sterij se accingit. Iamq; à lateribus
Austri & Aquilonis, maiorum tor-
mentorum vomit incendia, & flam-
mantes globos.

It cælo fragor, & tectis salit horrida grando.

Hiant imbrices fissæ, & crebris ictibus plumbearum glandium sede suâ revulsæ: volant ignitæ faces, & malagranata pulvere pyrio inferta, templi tegulis iniiciuntur: cõtortæ stupparum pilæ, pice resinâq; oblitæ, flammæ excitant: quassata attamen nequidquam gemunt mœnia, duriores impetus exceptura: omnia perterritat hostis, ut magnitudine periculi & metu, corda obsessorum percellat; neque tamen, aut ignis creber, notam imbellis animi Monasterio defensoribus inussit, aut frequens tormentorum tonitru, incussit pavorem. Erant per tecta dispositi custodes, qui globorum & sphaerarum ignitarum sopirent incendia, & ea aut madidis opprimerent velis, aut contis deijcerent. Stabant muris imperterriti propugnatores, æque ad excipienda hostiũ pericula, quam ijs inferenda prompti, eò maiore animo, quò plura iacula conspiciabant, fallente scopo, irritò conatu torque-

torqueri, nonnulla ictu levi muros attingere, prope illos alia decidere, alia (mirum dictu) tegulis excuti, nec fontico resillire casu, multa demum casso eventu prætervolare Monasterium, & plus detrimenti suis e regione oppugnationem urgentibus afferre, quam obsessis. Dum verò utrinque suis naviter intenti officijs feruent animi, e sublimi turris odeo, ab aulædis, choraulibus, tibicinibusque, in tubis ductilibus, pio Hymnorum sono, in laudem Gloriosæ Virginis Matris ordinatorum, recreantur obsessi: hostes e contra Musica suos eludi conatus, & tam terribiles assultus contemni, furiosâ indignatione ringuntur. Tantum accrevit fiduciæ Claromontanis cantu sacro ut deinceps in consuetudinem ijs venerit, harmonia simili, & calamitatem obsidionis solari & furorem barbarum ferocientis exercitus ab auribus sexus timidi amoliri.

*Hymni B.
Virginis e
turri in
oppugna-
tione de-
cantantur.*

Eadem vi & impetu, sequenti & altera die profecutus oppugnationē hostis, noctis obscuræ beneficio securior, fodiendis cuniculis incubuit, & multa sedulitate proximas Monasterio fossas egressit, ac prope muros admovit machinas, sustinendis tormentis idoneas, corbesque terra opletos, maiora subinde tormenta magis ad terrorem exonerans, quàm ad discrimen obsessorum.

Noctibus ut plurimum hostis infestat Monasterium Cum verò intenderet, continuis exagitando infestationibus Montem Sacrum, nullatenus à periculis reddi securum: singulis ut plurimum noctibus, quando alijs, astibus locus non patebat, incendere studuit Monasterium, iaculando ab utroque ipsius latere globos pyreos, aut ferreos ignescentes; qui cæco impetu muris passim impingentes, deorsum cadebant; sæpe prætervolantes tecta, aut illa penetrantes, ultra Monasterium inani conatu ferebantur; quandoque tamen trabibus tectorum infixi,

Iacula Monasterio minus nocent.

infixi, certa faciebant incendiorum periculâ, nisi ex fumo aut flammâ deprehensi, à sedulis observatoribus exciderentur. Et vere, quod in multiplici strue tectorum, de lignis fomento ignis ingenti & arido, evaserint tecta, flammæ voraginem, Divinæ providentiæ adscribendum; uti & illud rarum nocte alterâ factum; quod globus ferreus ignescens subeundo tectum, à fumariorum retrusus, & *Infans à cunis à globo ignito illesus.* ad latus cadens infantis, nec ipsum infantem læsit, nec ipsius infantis cunas adussit.

Perendie bene animati Claromontanorum stipendiarii, adversus hostem negligentius de nocte agentem, (quod ex relatione loci peritorum didicisset, nullum imminere periculum excursus ab obsessis) in occulta muri parte evolutis lapidibus, secreti egressus aperuerunt viam, quâ ipso conticinio, G. D. Petrus Czarniecki (Vir gloria militari insignis, & qui in defensione Clari Montis multa *Excurrens Czarniecki us nocte contra hostes.*

multa præclare gessit, strenuus & indefessus honoris Divini, & Deiparæ propugnator) agmen præfidiariorū militum eduxit, & cum illis clam hostiles prætergressus excubias, ad caput fossarum descendit; ibique partem agminis ad latera sistens, alia parte per fundum earum feliciter deducta, hostem à tergo ex improviso adoritur. Necat obvium quemque, & primum lecto se inferentem, armaturæ Præfectum, tum & plerosque Officiorum Principes contrucidat; milites deinde gregarios, vnius ictu fistulæ pluribus infertæ globis, partim sternit, partim dissipat: quorum alij in fugam versi, gladijs cæduntur invasorum, alij dum extra fossam prosiliunt, in arma subornatæ stationis incurrunt, & lethali excepti meta, vitæ cursum sistentes, misere intereunt. Inter præcipuos corrui ea strage Geometriæ Magister, & excellens quidam vir de Fossis, Comiti amicissimus, &

in ordi-

in ordine militari secundus Corru-
it itidem Oberster Generalis, de in-
signi Suecorum Familia Hornn, Gu-
bernator Krzepicensis à Rege Sue-
corum constitutus; qui, cum à falce
in pectore transversum vulnus acce-
pisset, in Arce Krepicensi multo tem-
pore decubuit incurabilis, & tan-
dem doloribus & sanie confectus,
intolerabilem edens foetorem, eò die
terribiliter, quo Millerus à Clari
Montis obsidione recessit, spiritum
exhalavit. Hoc felici exitu, ingens
clamor hominum, tormentorumq;
fragor, à Claromontanis excitatus,
hostem suæ cladis nescium, & noctur-
nâ desperatione tumultuantem, è sta-
tionibus Monasterio propinquis in
fugam dedit, atque sub dio tentorijs
exutum & in somnem, reliquam fu-
nestæ noctis trepidationem tolerari
coegit. Præfidiarij demum in du-
orum graviorum tormentorum igne
tabula grandibus impactis clavis, ne
amplius vsui esse possent hosti, præ-
da o-

Inter in-
signiores
perimitur
Hornn Sue-
cus

Hostes è Cla-
stris fugan-
tur

Ianicus
Ungarus
ex Præsidi-
arijs, à su-
is occisus.

Globus flā-
mivomus
ex aëre re-
tro abit.

Millerus
petit à Vi-
tembergio
mitti sibi
muralia
tormēta,
& pedita-
tum.

da onusti, ad Monasterium redeunt vno pauciores Ianicio Vngaro, viro alias forti, sed parum prudente: qui, dum extra agmen solus ad Castra Suecorum pergeret, à Commilitonibus transfuga reputatus, poenas vel imprudentiæ, vel temeritatis dedit, glande plumbea à suis trajectus. Illud hic memorabile accidit, quod dum aliquot ex Castris hostium globi flammivomi fuissent explosi contra Monasterium, eorum vnus postquam intectum Sacelli Dei-paræ Virginis impegit, repente refilijt: alter dum ad latus Sanctuarij tenderet, horrendos, quasi vi occulta retrusus; versus Castra se resupinavit, per aera ignes stillando.

Porro Millerus, cum se talibus machinationibus, in oppugnando Monasterio parum proficere intelligeret, misit ad Vitembergium, Generalem exercitus Suetici Præfectum Cracoviæ tunc agentem, vt sibi tormenta muris quatiendis idonea subministra-

mini
auge
versu
rupe
nega
Ve
um,
ætat
null
deba
à Cla
ferm
statu
ruisse
naster
est:
tria
cerun
liber
rum
est.
RUS
poster
deser
mular

ministraret, ac suas copias peditatu
augeret. Ipse interim cuniculos egit
versus moenia, sed irrito conatu,
rupe obstinata, aditum ad muros
negante.

Venerat interea ex Castris hosti-
um, insignis quidam Eques Polonus,
ætate & facundia gravis, de quo
nulla mali consilij suboriri posse vi-
debatur suspicio. Hic humanissime
à Claromōtanis exceptus, cum disertio
sermone, inter familiare colloquium,
statum deploratum Reipublicæ ape-
ruisset, sollicitare ad deditionem Mo-
nasterij Patres Claromontanos orsus
est: *In qua pròh dolor, afflicta Pa-
tria devenit tempora! quando Pro-
cerum Nobiliumq; exclusa suffragiorū
libertate, ipsi necessitati Regem Sueco-
rum nobis imponenti obtemperandum
est. Abest IOANNES CASIMI-
RUS Rex noster, verè an falsò (sit
posteritatis iudicium) spreti Regni &
deserti, ab universa Nobilitate insi-
mulatus. Cessit tota Polonia poten-
tiæ Re-*

*Nova sug-
gestio de-
ditionis per
Equitem
Polonum.*

*tie Regis Suecorum, Vestra sola Religio-
 si Patres, vel audacia, vel temeritas,
 ipsius furori paratur: non alium Ve-
 strorum consiliorum fructum relatu-
 ri, quàm excidium seræ posteritati
 memorandum. Mora diuturnior re-
 sistendi, vehementiorem acuit ultoris
 vindictam; præstat rebus integris cum
 hoste componere, quàm serò perniciosi
 erroris pœnitere, & extremam cla-
 dem Loco Sacro, ac Personis accersere.
 Considerate quomodo robur militiæ Po-
 lone Quartianorum legiones, nihil re-
 luctantibus suis Ducibus, fasces & ar-
 ma Suetica potestati submiserunt.
 Omnes Principes, tam Ecclesiastici,
 quàm Seculares, extortis impetu con-
 siliorum vehementi remis, vela Divi-
 ne permiserunt voluntati; nihil ausi
 contra torrentem niti. Ecquæ Vestra
 est spes, vel dicam liberè, quæ obsti-
 natio? communi fluctu non circum-
 agi, & immotos stare velle in publica
 omnium tempestate? Agite quod om-
 nes, si salus Vobis cordi est, nec soli
 tantum*

tantum sapiatis, quantum tota Respublica, miserè presentium temporum calamitate depressa nequit. Bonum est niti Principis mansueti clementia, pessimum diu lasa patientiæ furorem accendere. Fiet illud, nisi de Vestra temeritate remiseritis, ut rebus omnibus Monasterij pessundatis, suam Vobis parendi & tolerandi (Deus avertat, ne atrocem & sevam) imponat voluntatem. Timor & fuga seculi, Religiosi cætus arma sunt. Quid Vobis cum bellorum strepitu, quos institutum Ordinis ad solitudinis vocat silentium? attendite diligenter, ne mutati clypei Vestra ruine attrahant occasionem. Non est eo animo in nostram Catholicam Religionem Rex Suecia, ut Iura, libertates, atque immunitates illius eat perditum; munitionem Monasterij prensat, non Loci Sacri demolitionem aut expilationem: interest ei, locum hunc presidio firmiore muniri. Quanquam etiam hoc Vos non illibēs submoneo Patres Reverendi, ut mo-

D

rem Mil-

rem Milleri postulationibus gesseritis, in hostem nihilominus admissum intra muros pro consuetudine belligerantium, Vos nonnihil argenti erogatos, præsertim in gravioris armatura Præfectum, ad quem lege militie pertinent ea omnia, quæ sunt ære, orychalco, cupro fusa, & fundendis tormentis apta, quæ ab eo Vobis necessario redimi oportebit. Asperâ fronte nonnulli ex Patribus dicentem audivere, atque dum ab aliquibus amicis rogaretur, ut operam interponeret æquis conditionibus placandi hostem, illi rem tacite considerantes, Oratori responsum differendum suaserunt, procrastinationem e re sua fore credentes, spe vel hostis ipsa hyemis tēpestare labefactandi, vel suppetiarum à Serenissimo IOANNE CASIMIRO, Poloniarum Rege, mittendarum innixi.

Iam inclinato ad vesperum die, pertæsus moræ hostis, cœpit tormentis Claromontanos laceffere, non im-
paratos

paratos ad respondendum, ita, ut negotium habuerit redux nuntius, hinc inde volantes globos declinare, & qui in accessu ad Castra, vix se celeritate ictui tormenti subduxerat, in recessu quoque ex Monasterio, globi stridore à Castris explosi perterrefactus, ægre caput salvavit. Malorū scilicet consiliorum portitorem, imminens ab hoste discrimen, melioris erga Locum Sacrum officij, admonuit. Noctem illam insomnem prorsus egerunt castrenses sub signis, cōfusionis, & stragis pridianæ memores.

Principio deinde lucis, Millerus per prædictum Nuntium manifestari sibi, an flexerint animum Patres ad voluntariam deditionem, requirit. Tardiùs is, intra muros admisus, nec qua heri liberalitate tractatus, cassas verborum ambages tulit, nihilque ampliùs respondere potuit exercitùs Præfecto, quàm scommamordax: *Isti Monachi nihil sapiunt,*

*Præfatus
Nobilis in
reditu ictū
globi vix
evadit.*

temerarij sunt, & protervi. Ea tamen occasione factum, ut plerique Præfidiariorum potentia Regis Suecorum exterriti, & in seditionem auctore primipilo concitati, proditiōem moliri cæperint, & iam in deditiōnem Monasterij clandestinam conspiraverant: quod cum magis fidelibus subolevisset, & plerosque cognovissent, desertionem Monasterij potius cogitare, quam hosti subiectionem, detestati eorum perfidiam, rem ad Superiorem Conventus detulerunt; qui gliscentem seditionem in limine prudenter elisit, duplicato in Mensem Præfidiarijs stipendio, & fide ab ijs interposita, ad extremum vitæ spiritum, Monasterium constatissime defendendi, & ne facile postea militum titubarent animi, svasionibus Præfecti, ab officio eum removit, & loco cum capitibus defectiōnis exclusit. Curam deinde Præfidiariorum, propugnaculorum, & totius in propugnando regiminis, exemplo

Præfidiarij in deditiōnem cōspirant:

xemplo hoc commonitus Pr: Prior,
 diligentiorē & exactiorē habendam,
 & uti stipendiarium militem
 ac nobilitatem, ita & Religiosos suos,
 in meliorem ordinem censuit redigendos.
 Proinde, præmissis cum Nobilitate & Patribus consilio, primum Seniores Patres omnes Choro addicti sunt, nocturno potissimum; nam diurno etiam iuniores interesse consueverant. Recensito deinde pediatu, & suis locis immutabiliter affixo, ac pensatâ necessitate locorum, & personarum, numero & dexteritate, pro singulis propugnaculis unus Nobilis cum sua familia, (nam propter paucitatem eorum, plures non poterant adhiberi) Religiosi verò *Occasione*
 decem, necnon tormentorum duo *conspirati*
 libratores certi, immobiliter designati *onis, Præ-*
 sunt, & eorum Præsides deputati: *sidiarij in*
 qui omnes quidem urgente necessitate, *terReligi-*
 ordinarie tamen per horas laborem inter se partiti, diu noctuque *osos cautâ*
 cum mercenario milite suis attendere *us dispo-*
 munitionibus. *nuntur.*

Atq; ita præfecti sunt ab Aquilone Orientali propugnaculo, G. D. Sigismundus Mosinski, & Pr: Hilarus Sławofzewski. Occidentali, G. D. Nicolaus Krysztoporski, & Pr: Ignatius Mielecki. Ab Austro verò propugnaculo Orientali, G. D. Petrus Czarniecki, & Pr: Adamus Stypulski. Occidentali, G. D. Ioannes Skorzewski, & Pr: Daniel Rychtalski. Duo quoque excubiarum Præfecti constituti, Pr: Marcellus Dobrosz, & P: Zacharias Małachowski. Duo item cum imbelli plebe tectorum, ne ignem conciperent, custodes continui. Armaturæ verò, & reliqui apparatus bellici curam accepit Pr: Petrus Lasota; cui etiam demādatum fuit, ut in noctium obscuritate, illustrandis circumquaque munitionibus lumen suggereret, ne per tenebras, ad fossas vel murum facilis hosti pateret accessus: & ut de vertice turris, faces quandoque exponeret flammantes, in signum nondum

dum factæ deditiois, si forte aliqui supervenirent exercitus, subsidium obsessis daturi. Et ne quid in propulsandis excipiendisque periculis diligentia, & officij deesset; universalis cura commissâ est Generoso Domino Stephano Zamoyski, & Patri Ludovico Czarniecki, potissimum ratione Religiosorum, & stipendiarij militis, qui sæpius lustrarent, & in periculis animarent milites, cum manu militum ad id deputatorum, ubi forte necessum foret auxiliatrice affuturi.

Quamvis autem ad officium ita reducto peditatu, & confirmatis Equitum animis, sufficientes sibi videbantur obsessi, ad fortiter excipiendos hostium assultus; nihilominus specie cogitatæ deditiois, re autem vera hostium vires & consilium explorandi gratiâ, potissimum verò suspendendi retardandique impetum hostis, quousque de subsidjis certiores redderentur, missi sunt cum

memorato Nobili duo Religiosi, P. Sebastianus Stawicki, S. Th: Lector, & Pr: Marcellus Dobrosz; qui, quòd aliquam iustæ compositionis spem Millero iniecissent, officiosa comitate, ac vultu liberali ab eo sunt excepti, à Comite tamen Wrzeszczewicz asperius tractati.

Patres stimulant
deditionē.

Mane iterum missi, rogârunt Millerum Generalem Præfectum, ut scripto exprimeret quid occasione deditionis exigendū putaret à Patribus? Lætus hoc ille nomine, quòd iam illos in sua fore potestate crederet, in signū benevolentix ac liberalitatis, sex grandes pisces; lucios duos, & quatuor rubelliones ijs obtulit, & has Conditiones in scripturam relatas proposuit.



Inter Excellentissimū Dñum Burchardum Millerum, S. R. M. Sueciæ Locū teneñ. Generalē ex una, & Patres Monasterij in Claro Mōte, ex alterā parte, super deditionē eiusdem Monasterij, &c.

Offerun-
tur Religi-
osis Pun-
cta dedi-
tionis.

Monasterium Clari Montis,
I. eiusq^{ue} Patres & incola, cō-
cedunt in deditionem & tutelam Sa-
cra Regiæ Maiestatis Sueciæ, cupien-
tes in posterum, devote & subiectissi-
mè, non aliter, ac decet subditos de-
votissimos, colere ac venerari S. R.
Maiestatem. E contrariò, renuntiant
Regi CASIMIRO, hoc ipso, & o-
mnibus obligationibus, Serenissimo Re-
gi Sueciæ contrarijs, nec committere
volunt, ut sive clàm, sive palàm, sive
opere, sive consilio per ipsos, aut ipso-
rum nomine, per alios, S. R. M. eiusq^{ue}
Maiestatis exercitui, vel ministris, ul-
lo modo noceatur.

2. Rursus Excellentissimus D. Generalis Locum tenens, nomine S. R. M. Sueciæ, prædicto Monasterio, eiusq; Patribus, ac cæteris Incolis, securitatem plenam promittit, insuperq; cavet, non modò Monasterium illud Clari Montis, cum omni supellectili sacrâ, & mobilibus Patrum, ac cæterorum Incolarum, ac Monasterij subditorum intactum fore, eiusdemq; redditus ex Prædijs & Villis ipsis relinquendos, nec insolitis Contributionibus gravandos esse; sed etiam Religionem, eiusq; exercitium, Processiones, Peregrinationes Sacras, & devotiones, quocunq; nomine veniant, nullatenus turbatum iri.

3. Pro maiori autem securitate, & tutela Monasterij & Fortalitij, præsidium ex militibus S. R. Maiestatis Sueciæ imponendum, centum quinquaginta sclopetariorum.

4. Dictis præsidiarijs alimenta & commæatus, necnon stipendia non à Monasterio aut Patribus, sed à Distri-
ctuali

Etualibus subditis suppediabantur. Mansiones autem extra Monasterium, & cellulas intra murum & vallum conficient, exceptis Officialibus, quibus honestæ habitationes in Aedibus concedantur.

5. Nobilibus & extraneis, sicut & omni presenti militi Prasidiario in Monasterio commorantibus, liber conceditur abitus: quemadmodum etiam vi honoris anteire tenebuntur, post deditionem factam statim ex Monasterio exire, & media Salva Guardia in suis Prædijs & domibus manere.

6. D. Zamoyscius. Gladifer Sira-
diensis, facultatem habebit pro sua persona cum uxore, & famulis, manendi in Monasterio, aut liberè ad Villas & Prædia sua commeandi, modò ille ab Imperio in milites Prasidiarios, & omni hostili apparatu & conatu, adversus S. R. Maiestatis Sueciæ abstineat.

7. Hoc ipso die, post conclusam conventionem, Porta Suetico Prasidio aperia-

periat, & Domino Generali, cum aliquo Comitatu libertas eundi in Monasteriũ, & lustrandi illud concedatur, ipsum autem Præsidium Monasteriale simul excedat, nec à militibus Regis Sueciæ exanimabitur, quæ traditio Monasterij cras hora octava matutina effectum sortiri debet.

Quoniam verò negotium hoc esset arduum, ad communitatem referendum Patres responderunt, ut quod singulorum interesset, collatis in commune consilijs, plena deliberatione firmaretur, crastinam proinde diem declarationi pacti sunt quàm tot adversis exercitatum constātiā, & communi alacritate suffultam tenere decreverant, mori propiores, quàm hosti consentire. Deputati sunt omnium suffragijs Patres, Mathias Bleszynski, Philosophiæ Lector, & Zacharias Małachowski, idoneis præmoniti cautelis, ne quid extra mentem Collegij, unanimi consensui conformem, loquerentur. Venerunt

Deputantur Patres ad tractandum.

nerunt ad Millerum mane, & officio salutato retulerunt, se nihil habere in mandatis à Superioribus, ad respondendum singulis punctis Conditionum deditiois, præterquam, quòd Regis Serenissimi IOANNIS CASIMIRI, Iuribus & protectioni renunciare nequeant ullo modo, antequam more Maiorum Rex alter electus legitime declaretur ab Illustrissimo Domino Regni Primате, ad quem hoc de iure Patriæ spectare dignoscitur. Non Religiosorum esse muneris, trutinare Iura Regum, sed quem rite Sacra Potestas pronūtiavit electum, ei obedire, fidemque ac reverentiam exhibere, secundum Sacrorum Canonum, & oraculi Divini edicta. Quòd si aliqui à legitimo desciverunt Principe, ad sequellam nobis nequaquam proponi debet, quibus sanguine obsignare fidē erga Dominum nostrum promptum est; sic enim pro viribus nostris iuris Divini ac humani tutabimur integrita.

*Religiosi
renuntiare
nolunt
Regi Casimiro.*

tegritatem. Cæterum Excellentissima Dominatio succensere nuntijs non potest, qui ea dumtaxat, quæ sibi commissa sunt, fideli retulerunt sermone.

Illudi sibi reputans Præfectus Militiæ, quòd non cum sufficiente mandato, Patres sunt à Superioribus missi, nec cum plena, uti sperabat facultate ad singula Puncta respondendi, & in ijs, circa emergentes difficultates plane decidendi, vertit ab astu ad vim consilium: detinuit in Castris missos Patres nullatenus dimittendos, nisi à Superioribus plenam haberent licentiam singula Puncta concludendi. Conventum autem erat inter partes circa ea colloqui, datis pro securitate Tractatum obsidibus, verum, qui susceperat Provinciam hostem adeundi, G. D. Stephanus Zamoyski, Ensifer Siradiensis, cum sibi reciprocum obsidem imparem conditione videret, suspectum recusavit munus. Patres por-

*Patres in
Castris de-
tinentur.*

rò hu-

rò humanitati confisi Milleri, cuius experimentum heri acceperant, non expectatis obsidibus, ad Castra hostium descenderunt, ultra quos amplius dari, vel habere obsides Millerus minimè curavit.

Patres proinde ab hoste detenti, multis fatigati criminationibus, cōtumelijs, ludibrijs, suppliciorum minis, terroribus, & angustijs habuerunt necesse. Nec minore molestiâ laboravit tota Congregatio ipsorum detentione; namq; hac occasione, ab armis Claromontanorum hostis securior, impune fossas egressit, sepimenta sustinendis tormentis plura extruxit, stationes disposuit, subterraneas specus & cuniculos fodit, excubias muris propius admovit: nihil prorsus intentatum ad labefactandos ipsorum animos reliquit; diras exécrationes in Locum Sacrum, horrendas in Deiparam Virginem blasphemias, in Religiosos abominanda opprobria vomens, Claromontanis
interim

Oppugnationem intensius parat, & cōsensum ex torquet a detentis Patribus.

interim maximo mœrore tabescentibus, quod dura necessitas servandæ vitæ utriusque Patris, tela sibi omnia defensionis de manibus extorfisset: etenim, si vel unum de nostris tormentum, aut siphunculus ferreus intonuisset, præsentem eamque turpissimam mortem non, evasissent captivi Patres quam ferociens Millerus edixerat. Exterruit non neminem obsessorum funesta destinata illis necis sententia, circum mœnia frequentius militari vociferatione increbescens: *Aut ultrò tandem subijcite Monasterium, aut vestris Monachis ignominiosè scitote occumbendum.*

*Varie ad
deditionem
solicitantur
Religiosi.*

A terrore deinde hoc, quo ad extremam adigere desperationem volebat, obsessos, ad exprobrandam Arcis & Urbis Cracoviensis deditionem gradum fecit Millerus, temerarium afferens, unum obluctari Monasterium viribus & potentia Suecorum Regis, quam tantopore Cracovia exhorruisset, herbam ut porrexerit, &

Fasce,

Fasces Signaque militaria ipsius sub-
miserit voluntati. Ostentabat & re-
rum gestarum eventu prospero glo-
riam, cui quidem ipsius voluptati
gestienti, & se insolentius efferenti,
ansam præbuit Nostrorum calamitas.
Nam posteaquam Illustris Dominus
Stephanus Czarniecki, Castellanus
Kioviensis, cedens Præsidio Craco-
viensi, à Rege Suecorum stativa in
Ducatu Severiensi obtinuisset, ad de-
stinatum tempus inibi constitit. G.
D. Wolph, Serenissimi Regis CA-
SIMIRI Cubicularius, & Maior
Regij peditatus Præfectus, securum
ratus, sub fide data nihil adversi, ab
exercitu Suetico extimescere. Mil-
lerus callide anticipato tēporis præ-
fixi decursu, clām corruptis Centu-
rionibus pretio, ipsum, & septingen-
tos pedites Severiæ captos, in suam
redegit potestatem; cuius rei e ve-
stigio certiores fecit Claromontanos,
per G. D. Kuklinowski, Polonicarū
Copiarum Magistrum. Eos die al-
E
tera

*Instruitur
acies ho-
istum.*

*Captivus
Czarnie-
cij pedita-
tus præsen-
tatur.*

tera astute suis immistos phalangi-
bus, sub octo Signis ad terrorem or-
dinatis, circum mœnia Monasterij
duxit, ut tristi hoc spectaculo obses-
sorū oculis exposito, dum reliquū
illud pereuntis Patriæ præsidium iam
funditus corruisse dolerent, eos ad
despondendum animos adduceret;
perspicue considerantes, nullam sibi
prorsus aliunde spem auxiliorum af-
fulgere posse. His & similibus ma-
chinationibus, ac crebris ad nauseam
usque Legatorum sollicitationibus,
expugnare conatus est Claromonta-
norum constantiam: verum illi o-
mni ope humanā & consilij desti-
tuti, tantò certius sibi divinitus af-
fore auxilium credebant, quantò sci-
rent luculentius se Dei causam, &
locum tueri, nihil trepidi pro Deo,
Patriā, & Rege, mortem oppetere
gloriosam.

Cæterum plus de Fratrum salute,
in manu hostium solliciti Patres, ni-
hil omiserunt eorum, quæ facere pos-
se intel-

se i
conf
quer
rent
mod
abho
ven
re M
Sup
rent
ta h
pro
culp
ullas
scen
asser
roci
(qu
stis,
reluc
tu ca
iusqu
scrib
tate
toti

se intelligerent, ad eorum vitam conservandam. Itaque miserunt frequentius Legatos, qui enixe urgerent Tractatum compositionis, à qua modo iusta & honesta esset, nihil se abhorreere, ac pro suo instituto vivendi, Religiosam quietem præferre Martijs clangoribus & angoribus. Supplicatum est literis, ut dimitterentur insontes Religiosi, exprobrata hosti perfidia, iurisque gentium propositi, ac violatæ securitatis inculpatus Millerus; nec se posse ad ullas compositionis condiciones descendere non integrâ libertate, Patres asseruerunt: imò quamvis hostili ferociâ in vitam captivorum grassari (quod non optamus) voluerit hostis, Divinæ se hac in re non posse reluctari voluntati, absque cuius nutu capillus non decidit de capite cuiusquam eorum, qui multis sunt passeribus meliores, ipsa Æternâ Veritate asseverante. Moriantur illi, ut toti Monasterio sanguine gloriosam

Exprobratur hosti perfidia de captivis Patribus.

emant libertatem, cui nos defendenda, strenue ac fideliter DEI Optimi Max: freti auxilio, incubituros pollicemur.

Tot querimonijs expostulationibusque pulsatus Generalis Præfectus, ne omnino barbarus videretur, ac ne spem sibi præcinderet obtinendi Monasterij Tractatibus, ex Fratribus detentis, quos iam putabat minis severioribus, fortunæquæ ac potentix Sueticæ ostentatione, in suam pertractos sententiam, vultusque compositione blandâ, ac iucundâ conversationis familiaritate delinitos, unum Sacramento adstringens redeundi, mortemque turpissimam Socio, ni rediret ipse minitans, ad præmonendos Patres dimisit. Nuntiat ille visa & audita fide integrâ, potentiamque Suetici exercitus objiciens, arguit temeritatis Fratres, quod omnî expectatione auxiliorum exuti, nihilominus in obstinatione voluntatis persistant, & eò maiorem in se ferocita-

*Captivo -
ram Pa-
trum unus
dimitti-
tur, ut sua
deat dedi-
tionem.*

fero
qua
pus
poner
dion
Fam
moa
am
post
den
de n
rûm
veni
prop
comm
fidel
fece
port
A
data
cum
ad c
tia
posit
E. V

ferocitatem hostis accendant. *Eaque ista protervia est, inquit, ad tēpus aliquod vires tanto exercitui opponere: quas longiore fatigatas obsidione, necesse sit omnino succumbere. Fames ipsa hosti dabit nos (ut incōmoda cetera diuturni squallores taceam) fabulam stultæ arrogantia seræ posteritati futuros. Sanguis, qui fūdendus erit ob neglecta pacis consilia, de manu Superiorum requiretur. Verū tamen, vitam meam bono Conventus inferiorem reputans, absit, ut propria sequar sensum voluntatis, commune VV. RR. prestolor consilium, fideliter iudicij Vestri, quod unanimi feceritis consensu sancitum, hosti reportaturus.*

Auditus hic Pater, continuo ex data fide ad hostium Castra remissus cum responso. *Fratres paratos esse ad componendum cum Vestra Excellentia (ad Millerum ait) nisi eam cōpositionem retardaret mala in nos E. V. voluntas, quæ nos legatos à*

Refert Miller. quid effecerit.

Communitate, occasione Tractatum, missos, licentiâ hostili contra omne fas, & ius gentium, redegit in mancipiorum conditionem; quæ iuris ut pote alieni non sui, ad negotia tractanda nullatenus admitti solent: si V. E. cum Conventu vult tractare compositionem, solvat fidem, & nos faciat pertinere ad Communitatis libertatem; aliâs ea diminuta nihil geripoteest aut transigi. Ad nos quod attinet, victima stamus alacris pro integritate Monasterij, mori nihil recusamus, vitam nostram Deo semel, in Superiorum manibus devovimus.

*Mittitur
alter ca-
ptivorum
Pater.*

Misit & alterum Patrem Millerus ad Monasterium eodem Sacramento adstrictum, quo priorem obligaverat, quem penes se detinuit, dum ille reverteretur. Eadem & alter retulit Patribus, nisi quòd maiore animatus fiducia nihil suavit, quod e re hostis fore videretur, vitam suam Patrum dedens placitis ad instar prioris, dummodò Locus Sacer ab hostium

stium vi, maneret illæsus. Dum verò in Castra hostiū cum eodē respōso quo prior, est regressus, uterque sententiā crastinæ mortis audivit, ad suspendiū ut se disponderet, à Millero præmoneri iussus. Exterruit hostes ipsos mortem illaturos, animosus vitæ interimēdorum contēptus. *Eia inquit, quidni hodie morimur, eadem cras, DEO, Regi, & Patriæ victima futuri.* Postridie deinde, in aliud tempus dilata mortis executione, invitati ad epulas Generalis Præfecti responderūt: *Non esse dignum mensæ illius assidere, mancipia patibulo destinata.*

*Decretum
mortis à
Patribus
animosè
acceptum.*

Ea ibi dum geruntur, indictum fuit utrinque silentium armorum, & Suecis interdictum, ne quid operis novi molirentur, dum Patres in Tractatu compositionis cum Præfecto Militiæ versarentur. Sueci nihilo-
*Insolentes
Sueci, sub
armistiti-
um a Præ
sidiarijs
caduntur.*

promoveant, & sub muros propius excubias ducunt. Hæc omnia Præfidiarij Claromontanorū iniuriam interpretati, nihili æstimarunt, præter mandatum Religiosorum ausus reprimere hostium, & tantam compefcere pervicaciam. Magnam igitur ea nocte virorum equorumque stragem tormentis, & fistulis ferreis ediderunt, ut reliquum noctis insomnes ducere debuerint Sueci. Excaudit eam ob rem Præfectus, tamen ubi causam didicit violatorum Paſtorum per suos stetisse, adduxit habenas furori, ac poſtridie miſit internuncios, ut conditionibus à ſe porrectis, venirent Patres in protectionem Regis Suecorum. Cui reſponſum eſt ut ante, à Patribus in eo fidem deſiderari, quā deſiciente, quomodo Paſtorum conventorumque ſtabit conſtantia? ſiquidem eſt, cur timeant, in alijs quoque ſibi non ſervatum iri fidem, quemadmodum in Patrum detentione factum eſt. Itaque
ſpe il-

spe illectus conventionis de occu-
pando Monasterio, Patres tandem
Conventui dimisit.

Patres ca-
ptivi di-
mittantur

Ob hoc, ut ipse interpretabatur
Patrum dimissorum beneficium, spe-
ravit sibi iam integrum esse votis
potiri : proinde plures intra dies
multos legavit sollicitatores, qui Cla-
romontanis persuaderent, ut imponi
Præsidium Regis Suecorum Mona-
sterio paterentur, conditionibus ad
suam voluntatem limatis. Porro,
ut pro ipsis stabiliendis ipsum Regē
adirent (nam hoc requirebant Pa-
tres) non expedire, cum id neque
per angustias temporis liceat, neque
integritas autoritatis Generalis Præ-
fecti ferat qui eas bona fide exhibi-
turus esset Regi, manu sua & Sigil-
lo firmandas, ac intra breve tempus
Patribus transmittendas. Non esse
aiebat quidquam, quod magis diu-
tinā cunctatione suspensos Patrum a-
nimos deberet morari, cum præser-
tim gloriam maiorem Cracoviā diu-
tius

Urget Mil-
lerus dedi-
tior. ē va-
rijs argu-
mentis per
suos.

tius resistendo, exercitui Suetico, essent consecuti: nec haberent, quorsum ad auxilia speranda dirigerent oculos. DD. Dynhoff, & Wolph, in potestate Regis Sueciæ constitutis, qui videbantur nonnihil subsidij posse afferre obsessis, tum & Copijs D. Castellani Kioviensis fugatis, & terrore dilapsis, quorum tormenta in manibus essent victorum. Scirent Patres, quod posteaquam Cracoviâ machinæ muris quatiendis aptæ adducentur, nullum sibi deinceps intervallum deliberandi relictū iri, aut quasvis moras spe compositionis ulterioris nectendi. Denique considerarent, frustra se velle temeritate superbâ cum militari perseverantia certare: quæ enim fieri potest, ut victoriosus miles, ab hoc uno Monasterio desistat oppugnando, qui universam Poloniam, trophæo Regis Suecorum, felicissime iuxta ac potentissime submisit? illud scilicet unum superstes, gloriæ victoris manebit?

Com-

Comminationibus Suecorum vi-
res, & suos prospere gestorum suc-
cessus iactantium opposuit G. D. Ste-
phanus Zamoyski; & cum ad leni-
niendum in hoste mentis tumorem
formaret responsum, Nobilis quidam
Polonus, genere & officio insignis,
militari Suecis assistens, verba redde-
re incipientem prævertit. *Nunquid,*
Generose Domine Zamoyski, Comitibus
hic Polona tractantur, ut ingenio lu-
dens, per elaboratas verborum amba-
ges compositis rationibus, conatus &
mandatum Serenissimi Regis Suecorum
evertere contendas! Sumus & Nos, qui-
bus est gratissima Patriæ salus &
æque, ut alijs bonis Civibus interest,
eius integritati studere: Iam iam
labanti, ne penitus cadat pie consu-
tendo, sic prudenter succurrendum du-
ximus, scilicet in partes Serenissimi
Regis Suecorum, Domini & Prote-
ctoris Clementissimi, declinando. De-
sine, Generose Domine, in perniciem
Loci Sacri prava moliri consilia, &
Patres

Pro Reli-
giosis op-
ponentem
se Zamo-
yscium mi-
les Polonus
exagitat,
& pericu-
la Religio-
forū exag-
gerat.

Patres Tuis haud tutò persuasionibus
 innitentes, imminentibus vitæ ipsorū
 exponere periculis. Poterisne G. D.
 de Tua substantia damna refundere,
 quæ à numeroſo exercitu Suetico, &
 Conventui, & Nobilitati, ad aliquot
 milliaria circa Monasterium conssten-
 ti gravia, Vestrà culpā inferuntur,
 & eò graviora, quò diutiùs resistetis,
 inferentur? Poterisne Tuis viribus
 hostilem retrudere impetum, & Tua
 conscientia tot Religioſorum eluere ſā-
 guinem, qui fundetur, dum furor e-
 xacerbati militis Vestram superabit te-
 meritatem? Meliora tandem consi-
 lia capeſſite Patres, antequam Vos
 furor hostilis extremo involuat
 discrimine, atque citra o-
 mnem placationis ſpem
 in Vestri Monasterij
 huſto conſepeliat.



Literæ interim venerunt à Vitem-
bergio ad Patres Claromontanos,
quarum hoc transumptum est.

Vitember-
gij Literæ
minato-
ria.

Reverendi, Devoti, Doctissimi, Dile-
ctissimiq; Domini, & Amici.

Cum à Domino Generali Leytenant
Millero (cui à Regia Maiestate,
Domino meo Clementissimo, singula-
riter iniunctum est, quatenus ille unâ
cum suis militibus, versus Monasteri-
um Czeskochowa, ibidem locum præsi-
dio muniturus, & in tutelam ac pro-
tectionem Suae Regiæ Maiestatis rece-
pturus pergeret) informatus sim;
qualiter Vestre Dominationes tempo-
re adventus illius erga ipsum se ex-
hibuerint, ut nec in minimo cedere
volentes, eidem totaliter rebellizare
presumpserint: cum tamen Regiæ Ma-
iestatis ordinationi & mandato omni-
nò esset parendum; ideò Vestras Do-
minationes hisce presentibus monen-
das esse volui, ut ab hac pertinacia
in posterum desistant, & præfato D.
Gene-

Generali Leytenant Millero, non amplius adversentur: Verum ad Vestrum maius bonum, quos illuc Serenissima Regia Maiestas pro Præsidio destinavit, benevolè suscipere & acceptare velint. Dominationes Vestra affecurantur, nullum exinde dolorem & damnum reportaturas, sed semper in bona tutela ac protectione permansuras fore; secus si Vestra Dominationes à Vestra pertinacia desistere, & præfato Domino Generali obtemperare noluerint, persuadeant sibi idèd, punitionem severam imminere, ex qua etiam alij exemplum sint habituri. Id verò nemini alteri, sed Vobis ipsis imputandum erit. Hisce DEO Vos commendo. Datum Cracoviæ, die 21. Novembris. Anno 1655.

Vestrarū Dñationum Amicissimus

Arfuidus Vitembergius
mp.

Ad tot

AD tot importunas obſidentium
iſtantiſſimas, viſum eſt Parribus
Claromontanis reſponſum procrasti-
nare, difficultates novas in dies ob-
tendendo, quibus hoſtis diſtineretur,
ne Suetici præſidij poſitionem acce-
leraret: tandem vehementiſſimis ex-
poſtulationibus adacti reſponderunt:
ſibi eſſe ſufficiens præſidium ad quos
vis inſolentium hominum incurſus
arcendos & comprimendos. Excel-
lenſiſſimus D. Generalis Præſectus,
non dedignaretur bonâ voluntate Re-
ligioſorum eſſe contentus, quòd illi
ſe ſuaque omnia cum Monafterio in-
tegra Regi Suecorum ſervare, fide-
literque conſignata in manus eius
reſignare parati eſſent, ut hac de-
miſſione Clementiam Regiam eme-
rerentur, quam ne ſibi Millerus in-
videret, orarunt Patres, & per omnia
Sacra maxime loci celebritatem, &
Dei Matrisque illius intemeratæ ho-
norem, obteſtati ſunt: ſiquidem in
Monafterio præſidiū Calvinianorum
& Luthe-

*Religioſi
procrasti-
nant re-
ſponſum.*

*Tandem
negat de-
ditionem.*

& Lutheranorum nullatenus poterit
salvâ loci securitate consistere, para-
tis Catholicis, quas voment ipsi cō-
tra Deiparam Virginem blasphemias,
sanguine diluere.

*Mutuo se
impetunt
tormentis.*

Responso versus in furorem Mil-
lerus, præcisâ omni spe dilationis
ad componendum; cineres & favil-
las Monasterio & Templo minitatus
est; & ne inanes viderentur minæ,
biduum tormentis grandioribus cre-
brius quàm aliàs intonuit, sphæris
tamen igneis Magistrorum conatus
& operam ludentibus. Pepercerunt
pyrio pulveri & tormentis prima
die Claromontani, minoribus tamen
fistulis nullam occasionem præter-
miserunt, quin obvios quosque ster-
nerent, quâ fuit copia hostis ferien-
di. Postridie grandis ab eis ma-
chinarum fragor excitatus non irri-
to eventu; multi enim tunc Sueco-
rum sensibus, & vita exuti, pœnas
temeritatis dederunt.

Septima dies Decembris (quam
piâ con-

piâ con-
dies;
teeun
lonis
stigati
lennit
romor
è buff
spem
G. D.
Raver
Prussia
tentan
Patrib
xercitu
quodv
carum
rant i
NIS
arum,
quod l
iori M
moda
raret,
transfu

piâ consuetudine sicut & reliquos
 dies, Festa Deiparæ Virginis an-
 teeuntès, xerophagia colere Po-
 lonis usitatum est, arctiore se ca-
 stigatione carnis ad crastinam so-
 lennitatem disponētibus) felix Cla-
 romontanis illuxit; quâ Patres quasi
 è busto Patriæ reviviscere, atque in
 spem meliorem erigi cæperunt. Nā
 G. D. Petrus Sladowski, Prodapifer
 Ravenfis, à Suecis interceptus, ex
 Prussia rediens, à Millero submissus
 tentandæ deditiōis ergo, nuntiavit
 Patribus: quòd Suecorum Regis e-
 xercitus insignem cladem acceperit,
 quodve Ducibus Legionum Poloni-
 carum, quæ Regi Suecorum adhæse-
 rant in partem Serenissimi IO A N-
 NIS CASIMIRI, Regis Poloni-
 arum, transire decretum esset: eò,
 quòd Rex Carolus subactâ pene Ma-
 iori Minoreque Polonia, nihil com-
 moda Regni eiusque defensionē cu-
 raret, qui secum Copijs in Prussiam
 transfulerit, dum inter incudem &

*Sladkovic
 à Millero
 missus in-
 greditur
 Monasteri-
 um, & cõ-
 tra mente
 Milleri dis-
 suadet de-
 ditionem.*

malleum Cosacos & Moschos ad extrema redacta pericula, opem ipsius Respublica flagitaret maxime, ita, ut excidendæ potius Poloniæ videretur sequi consilia, quam protegendæ, quod ab initio belli suscepti præfetulerat. Nam interim ingentes sunt exortæ, Sacrarum ædium domorumque Nobilium expilationes, Sacerdotum trucidationes, Sacrorum contaminationes, stupra virginum, omnium Iurium convulsio, dato in prædam universo Regno licentiæ militari, citra culpam aliam nisi Deo ulciscente, fractam IOANNI CASSIMIRO fidem. Retulit idem, omnes Quartianos (ij sunt Polonorum Triarii) qui ad latus essent Sueci, stare à partibus Régis Poloniæ, modò ad Regnum defendendum properaret, de quo certum esset, valido exercitu conscripto, in subsidium afflictæ Patriæ brevi comparitutum. Brevem moram tolerarent Patres dum ipse ad Serenissimum Regem Polon-

Poloniæ in Silesiam rediret, auxili-
ares Copias illic impetraturus, vel
eas, si libuerit, Regi adducturus.

Alterà die, quæ Conceptæ Virgi-
ni sacra fuit, Hiacynthus Brzuchan-
ski, Civis Czesłochoviensis, sagatū
imitatus Equitem (non enim aliter
excubitores evasisset) super fossam
elatus nuntiavit, Cracoviā ad demo-
liendos Monasterij muros, cum du-
centorum peditum agmine sex mu-
ralia duci tormenta: nec non pro
subsidio Serenissimo Regi CASIMI-
RO, ingentem adventare Tartaro-
rum exercitum. Hæc cursim locu-
tus, dextre intra muros iecit literas
ex Conventu Cracoviensi Pr: Anto-
nij Paszkowski, quibus tyrannidem
& rapinas Suecorum detestatus, Pa-
tres sui Ordinis Claromontanos mo-
nuit obtestando, ne ab hoste verbo-
rum comitate elusi, paterentur sibi
iugum Sueticæ servitutis imponi, sed
ut omni possibili conatu, ab impiæ
gentis ausibus se defenderent con-

*Redduntur
literæ Cra-
coviæ per
Brzuchan-
ski, & ab
eodem Pa-
tres confir-
mantur.*

stantes : non enim (aiebat) fides ,
non pietas , non quidquam Divinum
aut humanum sanctum eis est , & in-
tegrum , per pacta , manu & fide pu-
blica firmatum .

*Monentur
Religiosi
à Scythæ,
ne faciant
dedirio-
nem.*

Sed & nuper Scythæ quidam bar-
barus à Castris Suecorum veniens ,
cum impetrasset se ad Monasterium
cum Quartianis devotionis causa in-
tromitti , lustratis Sacris Ædibus , ani-
mose ad stuporem audientium hor-
tatus est Religiosos , ne hominibus
impuris , & fœdifragis , Locum Ca-
stissimæ Virgini Sacrum dare velint
in potestatem , certò promittens , si
pro virili resisteritis , ab obsidione
Monasterij discessuros inglorios &
confusos . His ideo nuntijs accrevit
obsessis animus , in tantum , ut quam-
vis scirent à Vittembergio horrendas
murales machinas esse submissas , ni-
hil perterriti se ad strenue defendē-
dum Monasterium omnes accinge-
rent .

Eadem Conceptæ Virginis solen-
nitate ,

nitat
stis D
in Cu
in Vi
Hono
Castr
ter in
à niv
naste
tus ,
plici
dicat
obtre
Du
hostis
tas , f
natis
cand
sterij
ment
sopier
gilant
granc
dilig
tio co

nitate, de colluvie Sueticâ miles, hostis Deiparæ blasphemus, postquam in Curia D. G. Thomæ Przerebmski, in Villa Rędziny, fœtentibus buccis Honori Virgineo obstrepuisset, ad Castra rediens, iaculo tormenti præter intentionem Magistri errante, & à nivibus resiliente, in foribus Monasterij Sanctæ Barbaræ comminutus, iustum Deo vindice retulit supplicium: indignus Solem videre iudicatus qui lucidissimæ æterni Solis obrectasset Parenti.

*Suecus in
Virginem
Beatissi:
blasphemus
perimitur*

Duobus alijs diebus, remissiùs egit hostis, sphæras pyrio pulvere offertas, funiculis canabeis picatis resinatisque obtortas, globos ferreos igne candentes iacere super tecta Monasterij contentus, absque ullo detrimento, Claromontanis recte ad eas sopiendas festineque devolvendas vigilantibus. Tormentorum deinde grandium dispositioni, opacâ nocte diligenter incubuit, quæ tanto silentio contra muros ordinavit, & applica-

*Tormenta
Cracoviâ
asportata
tacite dis-
ponuntur
a Suecis.*

plicavit, ut non prius ab excubijs
quanquam insomnibus sentirentur
applicita, quam horrendo fragore
mediâ nocte ad pensum precum ma-
tutinarum Religiosos excitassent.

Non satis exsatiari posse suam a-
nimi ferociam, Calvinianâ superstiti-
onis affecla ratus, si servos Deiparæ
Virginis armis lacefferet, nisi etiam
furori sacrilegium adiunxisset, expu-
gnandi dies ipsius cultui sacro desti-
natos. Quemadmodum etenim die
Virgini Præsentatæ devoto, Monaste-
rij oppugnationem adorsus est, ita
eam Sabbato, gravissime urfit in cō-
temptum Orthodoxorum devotionis.
ut sic ipsis cultoribus tunc oppugna-
tis, dolorem infligeret graviorem.
Inferorum fauces Pluto aperuisse cō-
tra Sacram Ædem visus est, dum ab
aurora ita crebris & horrendis into-
nuerunt machinæ murales fulmini-
bus ab Aquilone & Austro, ut tre-
centos & quadraginta globos eo die
vomuerint, quod non nemo Religi-

osorum

*Vehe-
mentissime to-
ta die op-
pugnatur
Monaste-
rium.*

osorum
externi
duarum
re suo
suppli
Sanct
factu
acta
rueba
ta, &
pend
libran
ximo
suppli
atroci
te sup
absolu
titis i
utrius
homin
quisqu
peram
stabil
sphaer
orum

osorum observavit, & numerarunt
 externi Patres Claromontani, in Sā- *Patres ab*
 ctuario Virginis Beatissimæ pro mo- *oratione*
 re suo devotioni tunc indulserunt, *periculo nō*
 supplicationem singularem eo die cū *avocatur.*
 Sanctissimo Eucharistiæ Sacramento
 facturi, ad quam cum Divinā re per-
 acta inter pomerium procederent,
 ruebant murorum grandia fragmen-
 ta, & globi ferrei (quorum singuli
 pendebant vicena & sena pondo li-
 brarum) sibilantes, non sine ma-
 ximo terrore prætervolabant capita
 supplicantium, nemo tamen in tam
 atroci discrimine muros ascendit an-
 te supplicationis finem. Ea demum
 absoluta, Divino confisi auxilio, par-
 titis inter se officijs, quotquot erant
 utriusque sexus intra Monasterium
 homines, fortissime ad defensionem
 quisque iuxta virium portionem o-
 peram contulerunt. Tres tum in *Tres equi*
 stabulo equi conciderunt exanimés *pereunt.*
 sphæris ferreis icti, rotæ duæ gravi-
 orum tormentorum in Aquilonari
 propu-

*Tres adole-
scentes sub
uno Ioan-
nis nomi-
ne perimū-
tur.*

*Obsessi o-
mnes de-
fensionī
incumbūt*

propugnaculo fractæ, & unum ex
ijs à parte anteriore in ipsa crepidi-
ne pertusum, tres ibidem iuvenes
uno omnes Ioannis nomine insigniti
occubuerunt, capitibus ictu globorū
maiorum revulsis, occiderunt
& alij quatuor eiusdem nominis di-
versis temporibus ut fatale videri
posset, vi tormentorum destinatum,
qui esset Ioannes. Et quanquam hi
casus nonnullam perturbationem de-
fensoribus attulerant; nemo tamen
à suscepto, vel designato sibi opere
animum manumque remisit, omnes
alacri curâ necessaria defensoribus ar-
ma suppeditabant; pars tormento-
rum rotas voluebat, pars dirigendis
in hostem allaborabat, pars saxa, ter-
ram, ligna, trabes, finum ad obstru-
endum hiatum, quem in muri fasti-
gio creber tormentorum diffiderat
impetus, cōportabat. Prompte hoc
gessit negotium ætas, sexusque im-
bellis, dum iuvenes virique ferreis
fistulis hostilium tormentorum Ma-
gistros

gistros exercerent, ne expeditum
esset ijs ad certum scopum illa diri-
gere proprio discrimine perturbatis
& plerosque ad pedes suos glandi-
bus plumbeis ictos, procumbere cer-
nentibus.

Quievit hostis à meridie, percon-
taturumque misit tympanistam, an
in meliorem adducti sententiam Pa-
tres, vellent sibi consentire, Præfidi-
umque Regis Sueciæ, tanquam Pro-
tectoris Regni Poloniæ, admittere.
Postquam responderunt se in crasti-
num diem deliberaturos, indignati-
one frendens, laxatisque habenis fu-
rori, maximos iterum ignes horren-
daque tonitrua iecit, ingenti frago-
re aerem terramque tremefaciens, &
caninâ pene sagacitate obiens propu-
gnacula, ut faciliorem aditum muris
aperiret. Repressus nonnihil casu,
resedit furor ipsius; dum quinque
tormentorû Ministri, pulveris accen-
si flamma exoculati sunt; Magister
item globo maiori petitus, poenas
F 5 sacri-

Quinque
tormento-
rum Mini-
stri in Ca-
stris exca-
cantur.

*Tormenta
rius Con-
ventualis
malæ fidei
casui cor-
rigitur.*

facrilegi ausus exsoluit occasione hu-
iusmodi. In Orientali propugna-
culo erat director machinarum Ger-
manus, qui nunquam fidem Patri-
bus probarat in hoste feriendo; is
cum plagam lividam ab hostili tor-
mento in femore accepisset, vel ad-
monitionis Divinæ conscius, ut rem
ageret fidelius, vel dolore irritatus,
ita probe direxit machinam, ut ho-
stile tormentum ruperit, pulverem
nitratum dissipaverit, & in Magi-
strum sic globo impegerit, ut finis
vitæ illius posuerit terminum fero-
ciæ Præfecti.

*Cōtinuat
oppugnati
onem ho-
stis, & ad
deditione
solicitat.*

Dies Dominicus mane vocavit ho-
stem ad quietem, quo in casa ru-
stica exercitio superstitionis suæ cum
socijs vacavit: moræ tamen impati-
ens, eam non diuturnam concessit
obsessis, sed meliore uti sperabat e-
ventu proditorum cōsilijs adductus,
ad opugnandum Occidentale propu-
gnaculum cum machinis progressus
est. Verum irritato conatu: etsi enim
fortasse

fortasse
persua-
mam
tamen
li mun-
D. Pe-
adiuti
illuc
parati
ore fu-
mine
pit ho-
aggressi
bantem
rij, qu-
sentent
sent.
os ad
qui eis
lenam
one diu-
Rigi-
non be-
tius:
pata fr-

fortasse optatum habiturus fuisset
persuasorum hortatu exitum, si pri-
mam inde oppugnationem tentasset
tamen quia obsessi propugnaculo il-
li muniendo, opera ac industriâ G.
D. Petri Czarniecki noctis beneficio
adiuti, minime defuerunt, frustra
illuc omnem machinamentorum ap-
paratum convertit Postquam crebri-
ore fulgurantium machinarum ful-
mine operas lassavit suppudere cæ-
pit hominem ex parte illa tentatæ
aggressionis, spe non mediocriter la-
bantem obtinendi amplius Monaste-
rij, quando exploratæ non ad animi
sententiam prodicionis artes cessis-
sent. Solicitavit igitur per nunti-
os ad deditionem animos obsessorū
qui eis priorem occinuerunt canti-
lenam: *In re tam arduâ deliberati-
one diuturna opus esse.*

Rigidior hyems eo iam tempore
non bene vestitos urgebat vehemen- *Sueci no-*
tius: proinde cum ad vegetanda sti- *tu ad i-*
pata frigore corpora, frequentiores *gnes feri-*
nocti- *untur.*

noctibus ignes cum ingenti ædificiorum iactura Sueci accenderent, non incertam flamma duce ferendi se metam præbebant. Uti sunt occasione Claromontani hostem infestando tormentis, donec crebrius vitæ periclitatus, patientia claustrali magistra didicerit, utilius igni renuntiare quam vitæ.

Quiescunt laboribus fatigatus, firmioraque cō-
mutuo. filia, quibus potiri votis queat, aliquin perpetuā ignominia nominis serā posteritate notandus. Subit animum persuasio Venceslai Sadovij Bohemi, aliquot Centuriarum Præfecti, qui alium potius militem mittendum ad oppugnationem Monasterij suadebat, si Generalis Præfectus liberam à convitijs Monacharū, longā ætate voluisset famam tueri. Neq; Claromontani ea opportunitate abutuntur in medijs ad reprimendos insultus hostium inveniendis accurati: aptant clavas ferreis armatas den-

tas d
 rorun
 cas, p
 move
 porta
 dis r
 illud
 firma
 appa
 us d
 cogit
 ferien
 qui n
 Fac
 ut Di
 fistula
 contr
 rit:
 foror
 adact
 rit le
 nebat
 Nepo
 dio i
 Evisco

tas dentibus ad contundendos murorum occupatores: contos, perticas, palangas, trabes, lapides ad submovendos invasores tempestive comportant: terram & rudera ex æquandis muro aggeribus subministrant, illudque agunt naviter, ut tot iam firmati malis, maiore constantiâ & apparatu hosti resistent non amplius de admittendo præsidio Suecorum cogitantes; nec ullam occasionem ferendi postea hostis deseruere illi, qui murorum custodiam servabant.

Factum est eius diei crepusculo, ut Director tormentorum, ferream fistulam maiorem de die ordinatam, contra Milleri stationem exoneraverit: ea fortuna, ut decumbentem ex sorore Nepotem, globo per finum adacto in viscera, exanimem affixerit lecto avunculi. Casus hic manebat Millerum, nisi ferali sponda Nepoti cessisset, cui magno impendio is honor stetit vita exsolutus. Evisceratum funus lugubri spectaculo, ni-

*Nepos ex
fratre Milleri inter-
ficitur.*

*Parantes
nova sepi-
menta pe-
rimuntur*

lo, nihil deterrere potuit à conce-
ptæ ferocitatis impietate Millerum,
nihil cogitantem, à quanto fuisset
subductus discrimine, ac ne se par
attingeret supplicium, haud metuen-
tem. Stimulavit potius gravis do-
lor animi furias, ut experiretur, quid-
quid ultrix mens consiliorum ad di-
ruendum, & solo æquandum Mona-
sterium poterat suggerere. Itaque
sepimenta continendis aggeribus ac-
commodata texit, conquisitis ad eā
operam undelibet rusticis, necem
reluctantibus interminatus: traxit
ad destinata loca per operas easdem
terra ruderibusque opplenda; & rap-
tim festinando proxime muros de-
posuit. Observantibus interea pru-
denter excubijs, quando maiore nu-
mero supervenissent ad ordinandas,
quas sic comportarant viminibus, se-
pibus cratibusque, ac trabibus con-
textas loricas: cumque turmatim
accessissent eas disposituri, nivis be-
neficio à Claromontanis deprehensi,
expe-

expectatam Australis propugnaculi tormentorum Magistris præbuerunt metam, ne casto eventu nitrati pulveris & globorum facerent iacturam. Libratis itaque tormentis, sic illas operas exagitarunt igne, plumbo; sphaerisque ferreis, ut hosti necessario fuerit intermittendum, opus frequentis suorum sanguine perfusum.

Postquam verò dies illuxit, ecce machina oppugnatoria per noctis tenebras rotis advoluta, contra propugnaculum conspicitur, cuius ad-
Machina oppugnatoria dirigitur.
 ministri a præsidarijs Monasterij fistularum ignibus, & plumbeis glandibus dispersi, machina verò helepoli confracta est & disiecta.

Caligine in volverat diem alteram nubes obscurior, hosti plus detrimenti, quam Religiosis afferens: nam ut eius auxilio ad fossas eruendas esset rat audacior, ita in frequentiore metâ Claromontanorum tuborum tonitru, plures operi insudantes, per tenebras luce privavit.
Hostes per nebulam audacius operantes, caduntur.

Surge

*Nebulae
benedicti-
onibus di-
spelluntur.*

*Iisdem be-
nedictioni-
bus ictus
bombarda-
rum pro-
sperantur.*

Surgebant verò per hos dies & noctes fere singulas nebulae, fortassis malorum geniorum opera (quod ex eventu non difficile colligi potest) humorum fœtentium densitate functiones oculorum adeò impediētes, ut testudines grandes, cum prope muros contra utrumque ab Aquilone propugnaculum rotis advolverentur, aut sportæ comportarentur, nullo pacto videri possent, nisi ijs discussis sacris Exorcistarum precibus. Quare uni ex Patribus fuit commissum, ut contra hostiles præstigias vim Divinae potestatis exereret, purgaretque Exorcismis obfuscatum aërem, ac apparatus propugnatorios benediceret, quod ab eo factum ita successit, ut artibus maleficis, & omnī pere præstigioso dissoluto, tenebrae aëris disijcerentur, ictus prosperarentur fistularum, hostes deniq; malis artibus, & nefandis cacodæmonum tesseriis armati prosternerentur. Creverat inde in Castris hostilibus

prover-

prover-
nach-
nostror
iuvant.
suis p
pralar
it is in
ruptio
patum
ne uni
pentibu
salutar
Atque
assequi
sim auc
tis; e
Officio
milite
dæmon
audact
peribar
tuti, d
cilius
Hic
bilio,

proverbium: Czesztochovienses Monachi insignes malefici sunt, virorum nostrorum fortissimos, ne quidquā eos iuvantibus geniorum suorum pactis, suis prosterunt incantationibus; sic pralarum Commilitonem nostrum (fuerat) it is in prima Claromontanorum eruptione cæsus) septem paredris stipatum, triginta preliis victorem, & ne unico unquam capillo læsum, stupentibus nobis, illi artes suas, aliās salutares non profuisse, interfecerūt.

Atque inde facili negotio causam assequi possumus, quam ob rem passim audiretur in obsidione Clari Montis; ex Suecorum exercitu plures Officiorum Præfectos cecidisse, quam milites gregarios; illi enim caco-dæmonum familiarium notis confisi, audacter in pericula ruebant, & ideo peribant; hi verò arte simili destituti, discrimina fugientes, vitam facilius conservabant.

Hic funeribus suorum hostis debiliior, ab Occidentali propugnaculo

G

manum

Suecus septem dæmonijs stipatus interficitur.

Ex militibus Suetici plures cedebatur Officieri quam gregarij.

*In praesentia Milleri
miles ab
ictu globi
corrui e-
xanimis.*

*Duo No-
biles petunt
suos ex Mo-
nasterio di-
mitti.*

manum & pedem retraxit ad Orientale, in quo tormentis, eorumque Magistris irritato labore fatigatis, hoc duntaxat effecit; ut unus adolescens Ioannes globo ferreo per spinam dorsifidiscerptus occubuerit. Sed & ipsimet Millero horum dierum aliquo illud contigerat horrendum, scilicet unus ex militaribus Praefectis, dum in interiori domus penetrali cum eo familiariter differeret, iaculo ferreo per latera transverberatus, in facie Milleri corrui, voce ac spiritu simul subito interceptus.

Duo interea Nobiles Poloni expugnatum iri Monasterium timentes, illinc abducturi, unus duas Sanctimoniales sorores, alter Coniugem & filiolum, ne quid deterius ab expugnatione paterentur, Millerum adierunt petentes, ut sibi ac ipsis liceret sub sua potestate manere. Ut video (inquit Millerus) Monachi Czeszochovienses viri Heroici, neminem pro sua prudentia & animositate

patien-

*patien-
tamen
tem eo
ad Mo
lam ab
obtime
Patres
stes co
viribu
nis an
lit sub
nachos
generoy
cessuros
putassen
tempe
issent.
Mu
tinax
tum &
ti vuln
desper
pinqu
tas.
timore*

patientur Monasterio dimitti. Verumtamen fortunam vestram, & virtutem eorum probaturi pergite. Dum ad Monasterium veniunt NN. nullam abducendi quempiam facultatē obtinent, prudenter quippe cavebāt Patres, ne dimissione aliquorum hostes conclamatum putarent de eorum viribus, neque ullam spem defensionis amplius superesse obsessis. Intulit subinde Millerus: Nonne dixi Monachos, pro sua heroicā animorum generositate, Vestrae petitioni nihil concessuros, quales abhinc profectō non putassem, si in presenti rerum suarum tempestate votis Vestris obsecuti fuissent.

Multos eo die conturbaverat per-
tinax hostium in expugnando labor:
tum & mors adolescentis, ex ingen-
ti vulnere atrocissima, & præcipue
desperantium Nobilium erga pro-
pinquos importuna Monasterio pie-
tas. Religiosorum quoque nonnulli
timore mali, laborumvè molestā per-
petu-

*Turbātur
obsessi, &
in deditio-
nem mo-
ventur.*

petuitate, maxime verò hostium
 prospero contra Polonos successu, in
 sententiam movebantur deditio-
 nis. *Supremus*, aiebant, rerum *Arbiter*,
 pro suo iure perdendi, aut transferē-
 di Regnorum Dominia, Regnum quo-
 que Polonia iusto suo iudicio Suecorum
 iam tradidit potestati. Nos residui
 sumus, qui benè malevè persuasi cer-
 tè impares ad resistendum eorum po-
 tentiæ reluctamur: cum tamen mo-
 nente Christo, nostrum sit aleam for-
 tunc sequi & fugere persequentes,
 non Martios ciere strepitus: & eo
 magis, quod ab hoste cum possessione
 bonorum, liberum Nobis, Religionis,
 & Instituti Nostri, exercitium ultro
 concedatur. Hæc inter se crebris a-
 gitantes sermonibus in Regulari
 Congregatione, pristinae redditi sunt
 animositati, in hunc modum frater-
 ne correpti. Terret Nos imbelles ab
 obsidente hostium exercitu, imminens
 cervibus Nostris periculum PP. VV
 quod etsi procul dubiò horrendum est
 non est

Obsessi
 redduntur
 animoso-
 res a Supe-
 rioribus.

non
 stram
 propri
 Attan
 ti sen
 cra &
 se co
 de iu
 amb
 DEI
 cient
 & a
 bis ob
 iestat
 Sacri
 quam
 tutu
 man
 Vestr
 pro g
 suscip
 aliqu
 re ge
 ranni
 testan

non est tamen adeò immane, ut No-
stram in tuitione honoris Divini &
proprie salutis labefactet constantiam.
Attamen quoniam Divinitus permit-
ti sentimus, Nos & nostra omnia, sa-
cra & profana, Hereseon arbitrio pos-
se committi! fiat sanè: modo dein-
de iustum & necessarium esse minime
ambigamus cultui Divino, & Domus
DEI providere decori, quatenus suffi-
cientibus non destituatur ministris,
& ad ritus Sacrorum ex debito No-
bis obeundos, & ad laudes Divinae Ma-
iestati, pro honore & exigentiâ Loci
Sacri continuò persolvendas. Post-
quam igitur sententijs Nostris consti-
tutum fuerit, Suecorum Nos imperio
mancipatum iri, ingenuè PP. mentes
Vestras aperire velitis? qui Vestrum
pro gloria DEI Sacrum hoc negotium
suscipere non abnuetis. Nobis equidẽ
aliquibus semper integrum est, fuge-
re gentis malefide consortium, qui ty-
rannicum eius dominium perpetuò de-
testamur. Cùm verò sigillatim re-

quísiti Patres se in silentio tenerent omnes. Superior subiecit: *Adverte Fratres, quo spiritu ducti hostium, pratenso furori subduci cupientes, in fidem Suecorum cum rebus Nostreis, & Loco Sacro venire cogitemus. Mons Clarus, Religione Catholicâ, necnon potenti ac munifica in omnes Dei manu Orbi notissimus est, & ideo Sueco Religionem Orthodoxam extremè detestanti execrabilis; hunc igitur si nos ei protegendum credimus, nonnè verius est, quia eius impietati profanandum relinquimus? & quidem, incauti magis quàm inviti, cum & Nos pro viribus Nostreis, ac loci beneficio, possimus cum DEI gratia, & hostium propulsare violentiam, & nostram salutem non incommodè tueri. Quæ verò nostra fides! quis amor? quæ ad DEUM in nos tam munificum, gratitudo levi discrimine temporalis commodi, à tutando conservandoq; cœlestium donorum æterni Regis Sacratio abduci! utique non dubitemus esse,*
consul-

conf
onis,
tates.
Eturâ
perpe
do ce
stra
tus I
omni
rum
rorit
quod
natib
necess
neste
labor
milit
bona
bent
in loc
tiones
cerim
sam
presu
cunda

consultius, Domus DEI, Sacra Religio-
nis, & Nostras tutari simul immuni-
tates, quàm cum horum omnium ia-
cturâ, exilium aut servitutem subire
perpetuam. Constet sanè non alio mo-
do certiùs rerum nos & libertatis No-
stræ naufragium facturos, quàm si cæ-
tus Noster Religiosus, & mons Sacer,
omnibus Hereseon sectis exosus Sueco-
rum tradetur voluntati, sacrilegis er-
roribus depravata. Quid autem est,
quod obstat continuandis pro DEO co-
natibus Nostri? apparatus defensionis
necessarius Nobis sufficit, curandis ho-
nestè corporibus alimenta suppetunt,
labor indefessus, & invictum animosi
militis certandi studium, spem facit
bonam victoriæ. Subsidia sperare iu-
bent impermutabilis hominum pietas
in locum hunc, & multæ aliæ iustæ ra-
tiones; quæ si fortè spem Nobis fe-
cerint irritam, utique DEO, cuius cau-
sam gerimus, quis impius diffidere
presumet? Aderit ille, & studia se-
cundabit Nostra, dummodo benè ani-

*mati tolerandos labores strenuè ipsi-
us consecremus honori.*

*Literæ in
fossa super
nives repe-
riuntur.* Profectò festinavit adesse Divina
clementia, & omnes eâ perturbatio-
ne deiectos, in meliorem spem ere-
xit: nec præsagium caruit eventu,
postquam literæ in fossa repertæ sunt,
quas G. D. May, Sendomiriensis o-
ræ Incola, significando Tartaros Se-
renissimo IOANNI CASIMI-
RO, Poloniarum Regi suppetias
ferre fratri in Siradiensi tractu de-
genti scripsit, hic autem stans su-
pra fossam, casu eas dimisit; atque
ita post liminio ad pactam verbo cõ-
stantiam omnes sunt reducti.

*Aggredi-
tur hostis
Monasteri-
um a par-
te Austri.* Pertentatis propugnaculis ab A-
quilone. ad partem Australem rur-
sus devenit hostis, non ita murorum
soliditatem experturus, cui iam ante
fatis esset cognita, sicut faciliorem
habiturus modum ad ignes in tecta
Templi iactandos, vel etiam ipsius
mænia quassanda, quæ ob crebra
fenestrarum altiorum interualla, fa-
cile di-

cile diruenda sperabat. Plurimum igitur laboravit in parietibus Templi, tam externis quam internis vasto globorum pondere convellendis, vel labefactandis. Complures deinde ignes sphaeris reconditos in tecta Sacellorum iactavit. Quo negotio ab ortu Solis ad meridiem occupatus, tandem vel pilarum huiusmodi defectu mitior, vel sedulo labori ministrorum indulgentior quievit, illud maximo conatu & operâ consecutus, quod portæ valuas grandi & igne candenti globo perterrebraverit, trabemque pontis sublatis superiorem, & quatuor bombardas e muro pendentes comminuerit: tum & illud terribilius, quod altero globo ferreo, interiori Aedis Sacrae parieti per fenestram ingenti fragore illiso, totam pulveribus calcis opplevit ita, ut terrore fracti religiosi, existimantes funditus Templū ruere, Officio Divino interrupto, fugā se proximæ (ut putabant) ruinæ subtraxerint.

G 5

Hinc

*Religiosi ē
Tēplo icti-
bus globorum
fugā-
tur.*

Nobiles
obsessi cō-
veniūt Su-
periozem,
& urgent
deditionē.

Hinc aliqui Nobilium, prudentia
& rerum experientia viri præcipui,
obsidionis angustiarum & laboris
pertæsi, five iam tot periculis exter-
riti, convenerunt Loci Superiorem,
præsente tum Patre Ioanne Stradom-
ski, Clari Montis Ordinario Prædica-
tore, petentes: quid cunctabundus
expectaret? cum diligenter præsen-
tem rerum statum considerantibus,
& in extremo discrimine constitutis,
nulla penitus subsidij spes affulgeat;
& hostis, qui toto Regno potitus est,
ab obsidione Monasterij) quod uni-
cum ei superest expugnandum) ne-
quaquam deterreri possit, inutili de-
fensionis nostræ constantia: mirum
proinde videri sibi, quid obstaculo
sit, quominus cum hoste componat,
necessitate ipsâ omnino id flagitan-
te, ut cum eo concludatur rebus
nostris integris, hoste præsertim obla-
tis à nobis Conditionibus acquie-
scente, quòd Paulò post futurum ex-
asperato illo, ac nostris attenuatis
viribus

viribus Iperare minime possumus. Quibus responsum: *Non omnia, quae intendimus, nobis ab hoste concedentur; volumus autem Locum hunc Purissima Virgini sacrum, impio Hareticorum pede nunquam calcari. Vos Generosi Domini fracti calamitatibus compositioni studendum ducitis, ut molestijs obsidionis soluti belli renuntiantes incommodis, in optata pace omnis deinceps perturbationis expertes maneat; putatisne ab omni belli calamitate vos nostram deditioe immunes fore, postquam Monasterio excesseritis? Non est mihi, credite Rex Noster CASIMIRUS adeo animo consternatus, & Regni oblitus, ut de illo sibi violenter erepto nolit, vel non possit contra invasorem armis decernere; faciet profecto, ac multi pro debita erga Principem fide & pietate principes & subditi, fidelem ei operam in eo recuperrando navabunt. Adverte deinde, quid submissione hac lucraremur; fieret id, ut qui nunc gloriose*

*Datur non
bilibus re-
sponsū, &
negatur
deditio.*

riose pro DEO, Rege, & Patria, contra impietatem Hereticorum agere gravamur, inglorij & inviti pro impietate Heretica decertaremus, vel quod certius est, tanquam suspecti & infideles Monasterio exturbaremur. Malorum igitur & molestiarum graviorum nobis poneret fundamentum cum hoste compositio, sin modicum incommodum sustinentes hostium pertinaciam, DEO iuvante superaverimus, pacis certam stabilitatem certissime consequemur.

Postridie per præfidiariorum fistulas, aliquot e suis milites hostis desideravit, ipse remissius egit, nec quidquam detrimenti attulit obsessis, DEO singulari ope ad preces Deiparæ Virginis Cultores suos protegente.

Ante aliquot dies cum licentia Milleri, accesserat ad moenia Monasterij G. D. Alexander Iarofzewski de Lubidza, prætextu quidem Coniugis Monasterio educendæ, veriùs autem significandi gratiâ, argentum inven-

inventum esse a Quartianis, (fuit autem argentum hoc limoso stagno immersum, & a militibus piscadi gratia aperto aquis descensu repertum) quod illi agnoscentes esse Ecclesiæ Claromontanæ, deportare voluerūt, quō Patres indicassent. Quia verō loqui hæc palam Patribus non potuit, præfente sibi parastate, scripto cautissime relicto abiit, nec audivit responsum. Interim de casu factus certior Generalis, extradi sibi argentum præcepit Quartianis, & commodissimam eam nactus occasionem, devincendi & inclinandi animos Religiosorum in deditiōem Monasterij, specioso benevolentia argumenti toxicum mellitis verbis conditum, unde non mediocri discrimen titubationis obortum fuit, Conventui propinavit, per insignem de suis Stipendiarijs Equitem Polonum, adiunctis ei pro more socijs in hunc modum: *Illustrissimus D. Generalis, pro innatâ sibi humanitate, & Loci Sacri observan-*

*Argentum
Monasterij
aquis
immersū
a Quartianis
invenitur.*

*Offert Mil-
lerus ar-
gentū Re-
ligiosis, se
in deditiō-
nem conse-
serint.*

obſervantiâ, votis expetit ardentioribus, ut poſt tot inutiles ambages verborum, & calamitates quas ob Veſtram temeritatem pati debuiſtis, meliora capeſſentes conſilia, rerum Veſtrarum integritati diligentius ſtudeatis. Everſionem Monaſterij tam celebris non intendit, niſi Veſtra adaçtus inobedienciâ; ſed nec bonorũ eius diminutionẽ; quinimò intẽdit augmentũ nam & Argentũ Veſtrum, quod inventũ in manu illius eſt, plene Vobis reſtitui faciet, & ſingularibus alijs beneficijs locum hunc cumulabit: dummodo non inviti morem geſſeritis Regi Sueciæ, & præſidium receperitis, quod ille providendo bono loci, quantum fieri poterit dabit Catholicum, & Ducem Præſidium Haſſiæ virum bonum & Catholicum promittit eidem præficiet, Veſter & ipſe ſingularis Proteçtor futurus. Penſate ergo Patres benevolentiam Illuſtriſſimi Domini Generalis, & Veſtræ indemnitati maturius conſulite, ut non deteriora ſequantur quàm paſſi eſtis.

Non

Non enim fieri potest, ut non fracta
arroganti temeritate Vestra vir in re
militari tantæ astimationis & auto-
ritatis semper fortunatissimus, re-
bus infectis hinc discedat, & honorẽ
nulla unquam labè contaminatũ pro-
stituatur. Ad hæc responsum est a Patres in
Patribus: Illustrissimo Domino Gene- deditionẽ
rali iam ingenue aperuimus, Nos, & non con-
Monasterium Nostrium, & esse nunc, sentiant,
& in posterum fore semper in Regiã ex ratio-
potestate. Non igitur rebellionem, nibus.
temerẽ, sed necessariam loco pacem
piẽ & consultò querimus. Nam si
presidium Hæreticum semper blasphemum
in locum Sacrum, ut in dies ex-
perimur, inter impatientes DEI
& Sanctissimæ eius Matris iniuria-
rum Catholicos admiserimus, pax quĩ
constabit? Deinde presidio hoc superin-
ducto, veniens undequaque devoti-
onis causã hominum diversæ condi-
tionis multitudo, quorum hic liberali-
tatẽ sustentamur, aut exarmabitur!
aut quod magis timendum, non ad-
mitte-

mittetur! quæ proinde pacis sed & vitæ sustentanda ratio nobis relinquetur? Consideres ergo G. D. qui Religione Catholicus es, & gentis Polonæ mores & fervorem devotionis nosti, utrum conducatur nobis Sueticum præsidium induci? Atque his de causis componentes cum Illustrissimo Domino Generali, petimus præsidij Nostri Præfectum Polonum Catholicum constitui, à nobis proponendum. Quā Provinciam Tibi præ alijs Generose Domine, si placuerit demandari exoptamus. Quod spectat ad restitutionem argenti, gratiam quidem Illustrissimi Domini Generalis acceptamus, conditionem minimè; qui honorem DEI, & Sacrorum immunitatem æstimamus omni plus thesauro: verumtamen & argentum, ob virtutem & innatam Polonis pietatem re-
 Argenti restituendum nobis confidimus, Deo enim
 à Quarti- Sacer est thesaurus.
 anis resti- Nec vana fuit de virtute Polono-
 tuitur Mo- rum spes argenti restituendi: nam-
 nasterio. que ab

que a
 Illu-
 berti
 scensis
 misce-
 strum
 se re
 Rex S
 tem.
 Gener
 pertin
 ut erg
 lenter
 & ven
 cent li

Adm:
 Cze

No
 da
 Sancti
 certior
 ralem,
 xus;

que ab obsidione soluta, per manus
Illustris & Admodum Rñdi Dñi Al-
berti Rychelski, Officialis Radom-
scensis, Præpositi Brzeźnicensis, trans-
misere illud, modica parte ob seque-
strum Generalis interpositum penes
se retenta, ad sopiendam si quam
Rex Suecorum facessivisset difficulta-
tem. Denegarant autem argentum
Generali, quòd illud iure belli ad se
pertinere prætenderent: Vere autē,
ut erga Locum Sacrum suam lucu-
lenter contestarentur observantiam,
& venerationem, prout eorum do-
cent literæ.

Adm: Rñde Dñe Prior Clari Montis
Czystochoviensis, Dñe & Ami-
ce Observandissime.

Non venit Nobis in mentem, quis *Scribit Re-*
de reperto argento ad cultum, *ligiosis G.*
Sanctissime DEI Parentis spectante, *D. Kalin-*
certiorem fecerit Illustrem D. Gene- *ski.*
ralem, quod sibi dari postulavit eni-
xus; cuius voluntati cum oblecta-
tus fu-

tus fuisset graviter, aresto illud ad
 causæ decisionem obstrinxit, ut mane-
 ret integrum. Pluris autem estimā-
 tes Supremi Numinis gratiam Equi-
 tes sub mcis signis militantes, quā-
 nullius humanæ potentie vires, gene-
 rose induxerunt in animum, illud
 Admodum R. D. Vestre restitui, e-
 amq; ob rem id in manus Illustris Do-
 mini Præpositi Brzeznicensis, & Of-
 ficialis Radomscensis repræsentarunt,
 boni amici Conventus Vestri; atten-
 dentes tamen, ne quæ hinc oboriatur
 difficultas, retinuerunt apud se tri-
 ginta eius frustra, eadem Admodum
 R. D. Vestre remissuri sopitâ causâ;
 cuius remissionis inijmū modum cer-
 tum. Caterū Admodum RR. DD.
 Vestras oratās diligenter velim, ne mei
 sint immemores ad Imaginem San-
 ctissimæ Virginis, Vestrum semper stu-
 diosi amici, die 29. Decem: A. 1655.

Admodum R. D. Vestræ
 Faventissimus Amicus, & ad officia paratus
 Severinus de Kala Kalinski,
 Chiliarchus S. R. M. mpp.

Scripserunt eodem exemplo ad Priorem literas Nobiles & Generosi Domini, Nicolaus de Karmina Karminski, & Ioannes Trupski, apud quos argentum hoc deposuerant sui famuli, qui illud reppererant. Porro, ne hæc Equestris cohors frustretur digna virtutis atq; pietatis commendatione, annotare libuit ad posterorum memoriam, illam sub signis militasse Magnifici Domini Krzecowski, Equitum Magistri, & eius vices gerentis G. D. Adami Komorowski, quorum nomine subscripsit G. D. Morzkowski, cum manifesta declaratione restitutionis reliquarum partium argenti.

Porro, cum Millerusprehendisset, Monasterium in solidâ rupe fundatum nullis fossionibus aditum præbere posse cunicularijs, vocavit Ilcussio latomos, ut noctes diesque alternantes operam cædendæ insuderent rupi. Qui, ut erant remoti a Cœnobio, petram detegentes, sinu-

*Lapidæ
excidunt
cuniculos.*

*Solicitato
res deditio
nis terrer
suppositio-
ne pulve-
rum.*

osum eruabant eggerem, ad ictus Cla-
romontanorum eludendos: at cum
non amplius inde stadio distarent,
stylo celtibusque petram scalpserunt
summo labore, colubrorum instar re-
pentes, & longâ fatigatione paucis
admodum passibus in diem progre-
dientes, contra Orientale propugna-
culum pergebant. Sparsus interea
in favoris speciem rumor increbuit,
quod per meatum à latomis in pe-
tra inventum, hostis in aliquod lo-
cis pulverem nitratum evertendis
Monasterij mœnibus submiserit; imò
plerique ab hoste subornati sollicita-
tores deditiois, famam cuniculo-
rum extendentes, extremum quasi
miserantes Loci Sacri excidium,
constanter asseverabant, intra bi-
dium, nisi resipiscerent Religiosi,
eversum iri Monasterium. Mul-
tos ea fama de statione propositæ
defensionis dimoverat, nisi sagacio-
res aliqui, odorati fabulam fraudi
concin-

concinнатam, animos eorum tenuif-
sent sic respondentes: *Siquidem sup-*
posuistis pulverem pyrium Monasterio Patres mi-
quin accenditis? quid nitimini obti- nime ter-
nere precibus, quod est in vestra ma- rentur.
nu? Nunquid frustra gloriamini?
Nobis diu ante mori promptum, tan-
dem diuturni & molesti vestri labo-
ris fructu potiamini, nec magis no-
stri, quod neutiquam credimus, quam
vestri misereamini.

Labor hic improbus hostium, quā-
vis obsessis innoxius, tamen molestus,
occasionem dedit Præfidiarijs in op-
pugnatores excurrendi: cū autem
probe scirent hostem excursu præ-
terito vexatum, cautius iam per no-
ctes agere, quibus fere somno absti-
nebat; unanimi consensu interdiu
adoriendi eum, ceperunt consilium,
cui perficiendo diem crastinam, quæ
erat 20. Decembris, præstituerunt.

Itaque horā primā pomeridianā Diurna
excursio
præfidiari-
orū corra-
hostem per
per occultam egressi ianuam, de fos-

sa secundum mœnia profunda erum-
pentes Zamoyskiū

pentes, & adversus hostium Castra
 Duce G. D. Stephano Zamoyki,
 Ensisfero Siradiensi, procedentes, pri-
 mum Libitinæ dederunt obvios ad
 fossam lapidas, duobus duntaxat
 vita donatis: inde ad proximam
 armaturæ stationē progressi, duo tor-
 mēta igni concipiendo inutilia red-
 diderunt, ignitabulis eorum impa-
 ctis clavis ferreis. Sublato deinde
 clamore, palantes hostium cuneos a-
 nimose persecuti sunt ad viam us-
 que, quæ ducit ex Oppido in pa-
 gum, bellico indulgentes furori, &
 nihil parcentes fuga dilapforum san-
 guini. Centum circiter Equites ex-
 cubiarum adversus nostros procur-
 rerant, qui tormentorum ictibus pul-
 si, à mœnibus celeriter pedem refer-
 re debuerunt, contra quos non ces-
 satum est detonari fistulis, donec in
 campos Oppido proximos secesserint,
 & nostri cum præda, uno suorum
 desiderato, in Cœnobium se recepe-
 rint.

Biduum

Biduum quievit hostis, & à fossis
 eruendis superfedit; cætorum ete-
 nim corporum curam tum habuit,
 & quæ nobiliora ex Officiorum Præ-
 fectis diversis diebus collegerat, Kre-
 picium sepelienda deportavit. Cre-
 dibile autem est, humano etiam ter-
 rore correptum, ab impijs ausibus
 aliquantum destitisse: etenim rumor
 illis diebus ferebat, quòd accumben-
 te mensæ Generalis, cum quibusdam
 Officiorum militarium Præfectis, ve-
 speris exonerato contra tugurium
 tormento, globus ferreus rupto pa-
 rietum angulo, inter accumbentes
 impingens, omnes subverterit lage-
 nas & calices, & partē mensæ avulse-
 rit, ut non expectatis epidipnidibus,
 metu famem eximente, etiam insa-
 lutati convivæ discesserint, & ipse
 Generalis, stativa mutaverit.

Tertio abhinc die, comparuerunt
 à longe currus Cracoviā nitratum
 pulverem, & aliam armorum supel-
 lectilem ducentes; consilium proin-

*Cæsi à præ-
 sidiarijs
 hostes Kre-
 picium de-
 portantur*

*Inter con-
 vivantes
 hostes glo-
 bus casu
 irruit.*

*Apparatu
 hostili Cra-
 coviā a-
 pportato,
 obsessi tur-
 bantur.*

*Distrabū-
tur animi
Religioso-
rum.*

de fuit eos tormentis discindi, sed tenebræ nocturnæ hosti faventes illud everterunt. Non mediocrem res ea incussit Claromontanis timorem, quem auxerant nonnulli Nobiles, angustiarum obsidionis pertæsi, ac ideò aliquos ex Religiosis ad dedicationem sollicitantes, multum facecebant negotij. Considerantes enim Religiosi rerum præsentium statum, quæ privatis, quæ publicis colloquijs & secretioribus consilijs, diversas & ex adverso pugnantes concipiebant sententias. Nam cum aliorum mentes afficeret magna potentia hostis, subsidij nulla spes, furor hæreticorum ferox, labor in expugnando pertinax, excidium Monasterij facile, irreconciliandus favor Principis, bonorum interitus, cultus Divini quod maximū est exterminatio; traherantur desiderio concludendæ cū hoste compositionis vitæ, & obtinendæ pacis amore. *Non decet (aiebant) ut Religiosus, qui seculo abrenuntia-*

Vit.

vit, spiritualement Christi militiam se-
 cutus, sagum induat militare, effun-
 datq; sanguinem, fuga potius saluti
 suæ consulturus. Quod si deficiente
 annonâ, hosti succumbendum erit!
 nonne calamitatem hanc prævenire
 satius tempestivè transactâ compositi-
 one, ne diuturniore nostra deliberatione
 furor increseat hostilis, & rebus nostris
 eversis, conditionibus scribendis nullū
 amplius locum concedat? Verū ætate *Seniorum*
 ac iudicio graviores Patres contra *consilij re-*
 rium seferunt, quorū non difficile re- *ficiuntur.*
 liqui iudicium sunt secuti. Quocunq;
 nomine tandē venerimus (inquiebāt)
 in potestatē Suecorū, sive per deditiōē,
 sive violentiam, eadem nos in utroque
 casu discrimina manent; præterquam,
 si hostis iugo voluntatem submiseri-
 mus, fortasse ab interitu vitam ser-
 vare poterimus; nihilominus (cui e-
 nim hostis hic fide stetit) omnibus bo-
 nis spoliati, aut Monasterio ejcemur in-
 viti aut ipsimet plurimis oppressi ma-
 lis ultrò cedemus, siquidem arcē hic e-

verso Monasterio Rex Suecorum constituere molitur. Proinde dilapsis nobis (quis enim habitare poterit cum igne devorante) excidium Monasterij, & extirpatio cultus Divini, deditioem hanc facilius sequeretur, ut & alibi factum conspiciamus. Quae autem necessitas est serviendi hostis voluntati, & ei nos nostraq; subijcendi, cum annonae & defensionis apparatus, DEI gratia sufficiat? quod utrumq; secundum rationem suadet, ut contra insultus hostiles tueamur nos, eo praesertim attento, tertio postea, decimo vel die trigesimo, nos ei posse obtemperare ipsidem vel melioribus conditionibus, interim auxilium miserante DEO aliquod, cui non diffidamus expectantes; iam si potestati eius semel subiecti fuerimus, corrigendi errorem quam deinceps habebimus facultatem. Silemus pulcherrimam standi pro DEO necessitatem, & si res postulaverit, vitam & sanguinem fortiter profundendi: ita, ut quam-

ut quamvis constaret hostem viribus nostris superiorem evasurum, verumtamen quamdiu occasio daretur, & spiritus superesset in corpore, semper gloriosum foret & salubre, animosè pro honore DEI decertare. Illud diligenter advertendum, Ecclesiam DEI, & totius Patria charissima, salutem propugnandam nos suscepisse, dum pro immunitate Clari Montis decertantes, eò maiori glorià & merito, quo graviore discrimine impios, Hæreticorum conatus retundere studemus. Enimverò, si Supremus rerum Arbiter decrevit Patriam Nostrā pristina integritati restituere, quod minime dubitandum, omnis ipsius vigor salutis, à Monte Claro emanaverit necesse: hic enim convulsis reliquis Patria membris, illæsus solus persistit, ubi Gloriosissima cœli Domina, quæ sibi aliquando gratum & decorū duxit à Regno Polonia dici Reginam, sedem fixit Regiam Caput Regni sui constituens, ut unde gratiarum DEI
fons

*fons scaturiens irrigat mētes hominū
interiūs medendo earum infirmitati-
bus, inde & in totum Patria corpus
externum, virtus sanitatis redundet:
& quā alibi arcano DEI iudicio re-
traxit, hinc erigenda Patria propu-
gnatricem extendat manum; qua-
tenus appareat, Regnum Polonia so-
lius Reginae suae benignitate, poten-
tiā, & protectione suo antiquo robo-
ri restituendum.*

*Auctus in
obsessis ti-
mor per
Brzuchan-
ski.*

Auxit & eo die timorem in ob-
sessis Hiacyntus Brzuchanski, Civis
Czestochoviensis, qui ad muros cul-
tu Militis Quartiani adequitans, spe-
ctantibus Praefidiarijs, capsam cum
piscibus paucis, & literis super fos-
sam demittens, significavit, hac no-
cte gravius quā ante oppugnandū
esse Monasterium, & apparatus for-
midabilem hostis recensuit, diserte
scribens, se vidisse scalas, machinas
muales, trabes spinosas, sphaeras fer-
reas (*granata* vulgo dicuntur) pi-
las & pyrobolos terribiles, ferreis
uncis

uncis & fistulis, plumbo & pulvere offertis distinctos. Caveant, ait, diligenter Patres, nec sibi deesse velint, sed quàm maximo apparatu & sollicitudine hosti superventuro, & admenire parato advigilent.

Verùm ipsemet pauper consultius, suæ securitati cavisset, si domesticis latitans parietibus, abstinuisset ab eo charitatis officio, cuius illo ipso die in vincula coniectus miserabile tulit stipendium, pro paucis piscibus vincula & laquei sententiam lucratus. Prodidit excubitoribus suspectum faciens sui dimisso rem sacculus ille, inter candores nivium colore fusco nigrescens; ut indicio illius pressum, & quis sub sago latitaverit agnitum, Generali præsentaverint, Generalis tortori tradiderit, trochleis examinandum, post atrox demùm examen severus causæ iudex morte puniendum decreverit. Cùm verò in casu vitæ desperatæ humana ope destitutus, præstò non haberet modum, quo fe-

*Præfatus
Brzuchan
ski à Sue-
cis captus,
ad tortu-
ras datur.*

*Liberatur
miraculo-
se.*

quo ferocientis præcipue Comitís furori mederi potuisset, & ideo agone suo DEO & Beatissimæ commendato, funestam executoris decreti expectaret manum: ecce Clementissima Christi Parens, quæ sibi in torturis languenti in forma Imaginis Claromontanæ apparuerat, durum pectus iudicis emollivit, ut supplicium in lytrum exigui pretij commutârît; fecitque pia Mater eo die clientem suum vinculis, quo & Clarum Montem obsidione dimitti.

Præmisit prædictæ oppugnationi Generalis Præfectus exercitus litteras eiusmodi.

*Admodum Reverendi, Generosi, atq;
Clarissimi Domini.*

Millerus
scribit Re-
ligiosis ul-
timo mo-
mens.

QUamvis nomine, iussu, & auctoritate Serenissimi ac Potentissimi Regis Sueciæ, Domini Nostri Clementissimi Nostra adhibita partim leniora, partim severiora conami-

conamina, apud Vos alicuius ponderis
ac momenti fore fuimus arbitrati;
attamen & Regem, & Nos, pertina-
cissima Vestra obstinatione spe fru-
stratos, specieq; ac pretextu simulata
ac iterata Vestra accordationis peni-
tus elusos hactenus nos experiri co-
gimur. Cum verò nihilominus Re-
gia eaq; firmissima Vestrum non de-
serendi fortalitium stet sententia, pro
qua exequenda nostros in tantum cū
DEO continuatos esse labores videtis,
ut etiam iam tum Vestros ad muros
machine nostra cuniculares quā-
proximè accefferint, simulque requi-
sitis multis alijs ac ignivomis belli-
cis machinis ante biduum Cracoviā
advectis, ad tollendam totius & Cœ-
nobij eversionem, & Vestri interneci-
onem Nos instructos advertitis. Utiq;
& DEI & Regis Nostri indolem imi-
taturi, Cristiana mente, extrema-
quæ sub manu sunt antequam aggre-
dimur. Vos Admodum RR. ac Reli-
giosos Viros, per DEUM, ac sanctam
Religi-

Religionem Vestram, ultima vice tandem, ac semel pro semper hisce admonitos volumus, ut & Loci Sacri, & sumptuosissimi Templi ac edificij, propriæq; conscientie, ac vitæ ratione habitæ, decenti ac morigera erga S.R.M. Sueciæ deditiōe, eaq; Sacris ac Religioni Vestra nullatenus detrimentoſa, tum Vestri tum loci celebris incolumitatem, strenuè & ingenuè demum procuretis. Moram, quam solito more mutuis transactionibus imponere forſan queretis, res præſens non patitur. Breui igitur hisce perlectis, Nos ut reſolvatis expediatiſq; ipſa ſuadet neceſſitas. Clementiam hancce Regiam ultimato Vobis oblatam, ſi pervicaci aliqua Veſtra pertinacia (quod haud ſperamus) reſpueritis: Nos ſane de totali Veſtri omnium interitu, Sacratifimiſq; ac in toto Catholico Orbe decantatiſſimi Loci incineratione, ac everſione funditus futura, ac tandem facta, Sanctè proteſtando coram D EO, Rege Noſtro, ac tota Chriſtiana

ſtiana Univerſitate excuſatos cupimus. Preſentefq; ſatis benevolas, cœu perpetuum intra Regiam Sueciæ Maieſtatis Clementiam, Veſtram obſtinationẽ, monumentum toti mundo conſpicuum daturi erigemus. Imò quin Vobis Veſtræ de ſalutis cura, ſine laxa mora ſit futura nulli dubitamus. In Caſtris Noſtris Czeſtochovinenſibus die $\frac{14.}{24.}$ Decembris Anno 1651.

Burchardus Miller
Leytenant mpp.

Quamvis autem literæ Hiacynti Brzuchanski, apparatus & intentionem hoſtis deſcribentes incuſſerint timorem obſeſſis, verũtamen quia in iſdem annotaverat Sereniſſimum I O A N N E M C A S I M I R U M ex Sileſia obviam Tartariſ iturum certò moviſſe, & iam Zyvecium perveniſſe, ſuperantes animo timorem Patres, reſcripſerunt.

*Animof
Patres re-
ſpondent.*

I

Illuſtriſ-

Illustrissime & Excellentissime Dñe,
Domine Colendissime.

Agnovimus toties Illustrissimam
Dominationem Vestram clementis-
sime nobiscum egisse, & cum multa
longanimitate accordationem Nostram
expectasse; & licet non iniquum vi-
deri poterat, ut ad requisitionem I.
D. V. Serenissima Regia Maestati
Sueciæ Nos cum Monasterio Nostro tra-
deremus; tamen quia iustissimis No-
stris postulatis V. I. D. contradixit, mo-
ram hanc fecimus, non temeritate pro-
longationis faciendæ, sed formidine
immunitatis labefactandæ. Nunc eadē
benignitate I. D. V. ultimò admoni-
ti, ad accordationem sine dilatione
accederemus, nisi Nos Festorum Glori-
osissima Natalis Christi Solennitas im-
pediret: cuius habitâ ratione, digne-
tur I. D. V. Nobis concedere armisti-
tium, humiliter petimus. Nos verò
obtenta à Superiōribus Nostris decla-
ratione, (ad quos recursus Nobis per
licentiam I. D. V. pateat) quod con-
quod

quod conveniens erit faciemus. Interim Nos gratia & Clementia I. D. V. humillimè commendamus.

F. A. K. C. M. P.

Addiderunt & supplicem Libellum ad D. Comitem Wrzeszczewicz in hunc modum.

Religiosi
scribunt
Comiti.

Illustrissime & Excellentissime Dne:
Domine Colendissime.

Nondum tam aversum à Nobis Illustrissimæ Dominationis Vestre comperimus animum, ut in summa periculorum ingravescentia recursum ad I. D. V. clementiam habere desperemus. Et quia per vehementem Illustrissimi D. Generalis instantiam, ad agendum & respondendum exiguâ temporis moram habere non possumus, supplices ideò ad I. D. V. recurrimus ut I. D. V. non tam memoriâ Nostri, qui tamen semper Servitores promptissimi sumus, quàm Loci Sacri, quem

pūssimè semper coluit, & unde se beneficia Divina Divæ interventu Virginis recepisse fatetur, eundem nunc ab imminentibus ruinis conservare velit, suam ad Illustrissimum D. Generalem interponendo operam, quatenus Nos Festâ hac solennia Natalis Christi cum debitâ devotione agere permittat, & armistitium concedat, permisso ad Superiores recursu. Non enim latet I. D. V. quantum Nos Religiosi à Superiorum dependeamus voluntate. DEUS autem hanc in Locum Sacrum pietatem remunerabitur abundè, & Nos obsequijs ac orationibus Nostreis regratificari studebimus. Cuius & nunc Exoratores facti humiliter Nos gratia commendamus.

F. A. K. C. M. P.

Literæ per
vetulâ de-
feruntur
Millero.

Nemo fuit, qui literas amplius ad Generalem deferre vellet, cunctis fidem hostium suspectam habentibus. Ecce prodit Constantia mulier

lier matura & audax, quæ stipe emendicata vitam sustentare solita, intra fossas tum spelæum inhabitans, exiguo conducta pretio, domos incendebat defensionem obstantes, globos hostiles cum fragmentis murorum in fossam decedentes legebat, ligna supra fossas iacentia comportabat, ne quidquam timens hostium detonantes contra se fistulas, vendensque obsessis pro alimento quidquid conquisset. Hæc leve pacta pretium panis scilicet fragmentum, abiit in Castra noctu, & cum ingenti cachinno à vigiliarum Præfecto excepta, ac præsentata Generalibus literas reddidit, & tulit responsum huiusmodi.

Admodum Reverendi, Nobilissimi, ac Clarissimi Patres, & Amici Honorandi.

Respondet Comes ad literas Religiosorum.

A Nimus meus nunquam fuit, nec est adversus Sacram Religionem, sed insolentissimarum actionum Vestrarum RR. Paternitatum, optassem equidem, ut tan-

ut tandem Vobis consulissetis, & ultro Vobis oblatam Regiam clementiam agnoscere non respuissetis, melius Vobis bonisq; Vestris consulissetis. Vobis itaque modò, si salvos Vos cupitis, prospiciatis, & ultima Vestra ruina obviam sine dilatione procedatis. Interposui me, ut iustam iram D. Generalis mitigarem, & certè non sine difficultate, siquidem toties à Vobis deceptus & defraudatus fuerit. Moram dare ulteriorem horribilis executionis, quæ cras Vobis imminet, nec potest, nec debet. Attamen adhuc se declarat. Quòd pro ultima Regis Nostri Clementiâ, Vobis hanc gratiam est factururus, & crastinam solennitatem Vobis non est impediturus, hæc conditione, ut mox, & adhuc hoc vespere Vobis placeat Domino Generali cautionem dare, quòd post cras, id est die Dominica, sine ulteriori mora tractationem de mutua pace inire certò certius velitis. Quod si hoc neglexeritis, protestatur ille, & ego, de Vestra

Mona-

Monasterij & Templi totali interitu,
& in cineres reductione, per machi-
nas iam paratas & pro libitu Gene-
ralis omni hora applicandas. Per DE-
um Virginemq; Sacram Vos obtestor,
ne putetis me hac Vobis in vanum di-
cere. Experiemini pròb dolor, quod
non speratis nec putatis; si Vobis
hac Nostra oblatio placet, sine mora
respondum dent, nam hac nocte & cras
vester adest interitus, quem ego im-
pedire non potero, nisi ea qua supe-
rius Vobis dixi faciatis. Interim Vos
DEO commendo, & Vestram ultimam
resolutionem expecto. Et sum.

Vestrarum RR Paternitatum
Paratissimus servus

Ioannes Veihardus, Comes
à Wrzeszczewicz mpp.

Posterioribus literis nihil respon-
sum est, verum totam noctem
Religiosi exegerunt infomnes. Nox
Religiosi
tota no-
cte vigilat
erat

erat Natali Servatoris Nostri dicata, quam ij partiti per vigilijs, distributis munijs incubuerunt, aliqui pro muris excubantes, aliqui Præfidiariorum animos firmantes, aliqui tormentorum Magistris attendentes, pars tamen potior Divinis intenta officijs, in Sacra Æde permansit.

Ingens per Castra strepitus, & ignis ac hominum solito maior frequentia, signabat hostile aliquid ea nocte futurum: verumtamen tenuit DEUS animos Catholicæ Religionis adversariorum, ne quidquam nocte illa ab ipso die attentarent, quò turbaretur populus cultui Divino intentus, usque dum pro honore SS. solennitatis Catholicus Sacrorum ritus debite perficeretur.

*Die Natalis Christi
Dñi acer-
rimè oppu-
gnat Mo-
nasterium
Millerus.*

Meridie ipso intonuit Millerus tormentis ab Aquilone, ac ferreos inde parieti Monasterij globos sic allisit, ut multis in locis perforato pariete, nube quam excitarat pulvere ac tor-
tuoso globorum, repercussorum vo-

latu,

Iatu, per Monasterij porticus, & officinarum anfractus omnes, securitatem & aspectum habitantibus ademerit. Faces tunc ut plurimum iactavit stuppeas canabe contortas, pice perfusas, & sulphure ac nitro confertas. Fundebant illæ flammæ horrendas, præsertim quæ fistulis ferreis ita fuerunt accommodatæ ut quaquâ versus ignem & plumbum iacularentur, in similem malis granatis formam elaboratæ, quæ quia plures extra Monasterium, multæ intra illud in aream deciderunt, non ictu aut flamma, sed duntaxat tetri odoris gravitate aliquid molestiæ obsessis intulerunt. Omnium maxime terrebant obsessos globi ferrei concavi, qui diversas in partes Monasterij, ubi hominum multitudo consistere credebatur, e machinis igne scintillantes projecti, vehementiâ scintillationem citò sequentis flammæ, repente de pulvere tormentario intus incluso conceptæ, cum summo

*Ignes iaci-
untur fre-
quentissi-
ma.*

*Globi ite
ferrei cō-
cavi, vul-
gò Grána-
ty.*

fragore disrumpebantur, & feriebāt
frustis in omnem partem disiectis.
Unus talium globorum ante culinam
reperitus est integer cassus igni, alter
in area diffiliens sedecim tesselas in
fenestra proxima fregit, & totidem
in parietibus intimis apothecæ ictus
infixit. Sub vesperum tandem gra-
vius tormentum fortissime Monaste-
rij parietes quatiens, ignis vi ruptū
oppugnationi finem fecit.

Iacula ab hostibus sub tempus obsidionis in
hostibus Castris & alibi à multis auditum, ia-
explosa in cula ferrea tormentorum maiorum
Castra cū contra Monasterium ab hostibus ex-
impetu re- plosa, resiliuisse à muris frequenter,
vertuntur & forti impetu in Castra fuisse re-
versa. Id dum à multis in dubium
vocaretur, G. D. Petrus Okrasa, qui
illo ipso die Natalis Christi comme-
atum de Villa Dźbow in Castra de-
tulerat, constanter asseruit, ultima
illa explosione machinæ id fuisse fa-
ctum, & per Castra omnia cum stu-

pore

pore divulgatum, quod vi resilientis à superficie muri glandis ferreæ, & tormentum fractum fuerit, & ipsius librator occisus; sibiq̃ue hoc in-
quiebat: verosimile visum ex indicio globi, qui circumferebatur vere Suetici; fuit enim tantæ crassitudinis, quantæ in Monasterio pro illo tempore non habebantur; quod ei bene constabat uti familiari. Illud indubitatum est, à momento quo machina fracta est adeò potenter, ut ad unum & alterum stadium grandia lignorum fragmēta cernentibus Monasterij propugnatoribus dissiluerint, amplius nec illo die, nec ullo altero, tormenti alicuius fragorem fuisse auditum, ut inde appareat, gravi, detrimentosa, & mirabili aliqua violentia oppugnationi Claromontanæ finem esse impositum, cum præsertim globorum & pulveris copia suppeteret Suecis. Vesperis Millerus Claromontanis ita scripsit.

Admo-

Admodum Reverēdi, Religiosi,
Ut & Illustres, Magnifici ac Genero-
si Domini.

Millerus
exposu-
lat Obsidi
onis solven-
da preti-
um.

VEndunt Nobis literæ Vestrae solito
pro more, nil nisi fumum, fumo
flammaq; dignum, dum loquuntur me-
ras ceremonias in ceremonijs moram,
in mora pertinaciam, quā Regi tam
potenti subiectionem, tamq; clementer
gratioso obsequium detrectatis, eodē
ipso Regiæ Maiestatis Sueciæ oblatam
gratiam in indignationem, presidiumq;
tutelare, in animadversionem ac vin-
dictā severissimam cōvertitis. Quid
faciamus præter id quod factum. Non
intermisimus sanē Nostri quod fuit mu-
neris pro Vestri omnium, Lociq; Sacri
ad Regium institutum incolumitate
promovenda; sed frontem silice du-
riorem tam Clementi Regi hæctenus
obvertitis. Quin ergo perditio Ve-
stra ex Vobis ipsis, nullus saniorum
est qui ambigit. En pro abundanti
duplicem Vobis viam candidē propo-
nimus: Aut fortalitium, Vosq; omnes
in Regiæ

in Regis ac Domini Nostri Clementissimi protectionem ac Presidium hodie dedatis, aut Regia sua Maiestati iuramento submissionis, obedientiae, ac fidelitatis prius praestito, in debitam satisfactionem pro diuturna illa obstinatione, & damno per hanc toti regioni illato, simulq; in debitam imperij recognitionem, ipsissimae Regiae Maiestati Vos RR. DD. Religiosi quadraginta millia Imperialium seu Thalerorum; Vos verò Generosi, Magnifici, ac nobiles Viri, quotquot vestrum sunt in fortalitio, viginti millia Imperialium (ut summa sit sexaginta millia Imperialium) sine ulla mora ac refragatione solvatis. Sic Vobis missa obsidione, & de quietatione & pace sufficientièter prospiciemus, simulq; Vos & Vestra omnia de securitate certificabimq. Sin minus, & Vos dilema hoc tolerabile non actualiter solvatis, neq; in unā, neq; in alterā harū inclinētis, aut utrilibet annuatis ac subscribatis: ideoq; omnē pacificae trāsactionis conditionē excutiatis:

atis: scitote quòd licet nec verbum, nec ferrum, nec pulvis, nec ignis Vos mitigaret, tamē obsidiū Vestrū ac fortaliū, nullo modo propterea penitus solvendum; sed in confinio, & in circuitu trium milliarum, omnes Civitates, Pagos, ac Villas, simulq; omnes illorū omnium Nobilium, qui in fortalitiō contra Regiam Maiestatem Suecie morantur, ipsiq; refragantur (quos nominetenus novimus cunctos) possessiones ac bona, direptionibus, flammā, & igne funditus devastanda; imò in cineres & favillas redigenda trademus. Vos ipsi neque in fortalitiō perpetui, neque extra illud tuti existetis, sed pro tanta malitia & obstinatione Busiridis arā, ac Perilli taurō digna, in posterum ubi ubi offendimini; non are, sed corpore; non nomine, sed sāguine luetis; adeòq; equali mensura pro merito tali retaliabimini. In Castris Nostriſ Czeſtochovien-

sibus die ^{15.} Decem: Anno 1655.

25. Burchard9 Miller Leytenant

mpp.

Die

Die ſequenti, quæ Prothomartyri Stephano ſacrâ erat, placuit Superi-ori Monafterij conſuetudinem nationis Polonæ ſequi, quæ amicos tunc honorare xenijs aſſuevit; urbanum ratus hoſtilem animum delinire muneribus. Miſit itaque per nomina- tam ſuperius Conſtantiam exempla duo Claromontanæ Imaginis hiftoriam continentia, idiomate Latino & Germanico; ac aliquot Sacræ Iconis ectypa Generali Præfecto, & Comiti Wrzeſzczewic, una cum literis, quarum ſeries fuit.

Loco præ-
tij Imagi-
nes B. Vir-
ginis cum
Hiftoria
Millero
per vetu-
lam mit-
tuntur:

Illustriſſime & excellentiſſime Dñe
Domine Colendiſſime.

Ad literas
Millero re-
ſpondetur

Manifeſtatam literis voluntatē,
quam longè commodiùs Illuſtriſ-
ſima Dominatio Veſtra Nobis ab ini-
tio aperuiſſet, illo enim tempore, pro
poſſibili ad exſolvendum Nos facilio-
res indeniffet rebus Noſtris integris:
Nunc autem, cum iam bona Noſtra
bonorumq; proventus, partim ignis,
partim

partim miles absumpsit, quomodo satisfiat voluntati I. D. V. non videmus, cum nec sit quod redemi possit, nec quo redimatur. Rebelles certè non iudicemur Serenissimo Regi Sueciæ, qui penes Præsidium Nostrum Polonum cum Polono Præsidente relinqui ex iustis rationibus petijmus; repulsam passus sumus, cum tamen & in hoc passu probandæ virtuti Nostræ locus meritò concedi debuit, qui Principibus nunquam rebelles fuimus (non enim sumus tanti) sed de Principibus studimus pro Religiositate Nostra bene mereri, uti & præsentì Serenissimo Regi Sueciæ virtutem, fidelitatemq; Nostram probatam fieri studebimus. Sed en quo iam devenimus sanè dolendum! & Nos Religiosi in profundū paupertatis sumus demersi, & Vos Illustriissimi DD. Loco huic Sacro, tota Christianitate celeberrimo, gravem iniuriam irrogastis. Meliora de Nobis, & de Loco Sacro cogitet I. D. V. curetq; potius, ut Nos Exortores

tores
Divi
ma
Datu
cemb

Illu

N
volens
ficior
stra,
satio
Dec
Chri
Chri
stris
Divi
pro
tholi
gere
para

tores facti in loco tam venerabili,
Divinam Maiestatem pro Illustrissi-
ma Dominatione Vestra deprecemur.
Datum in Claro Monte die 26. De-
cembris. anno Domini 1655.

F. A. K. C. M. P.

Illustrissime & Excellentissime Dñe,
Domine Colendissime.

Non ad irritationem audaci te-
meritate, sed grati animi bene-
volentia ductus, memor scilicet bene-
fidorum Illustrissimæ Dominationis Ve-
stræ, & confidentissimæ olim conver-
sationis Nostræ confidentius scribo.
Decetne Illustrissime Domine, curum
Christiani nominis impugnare Aedes
Christo consecratas? nunquid pro Ca-
stris Domus DEI à pijsimis viris
Divino instinctu fundatæ sunt, & non
pro oratione? Multominus decet Ca-
tholicum Te Illustrissime Domine a-
gere contra locum hunc, Imagine Dei-
paræ, & in homines beneficij DEI,
K in tota

Scribitur
quoq; Co-
miti à
Wrzesze-
wicz.

in tota Christianitate celeberrimum, in quo ipsamet I. D. V. eius benignam in se manum amplissimis est contestata pignoribus. Et nunc scito Illustrissime Domine, (quodenim scio loquor) Illustrissimam D. V. hic à casu lethali aliquoties Divina virtute servatam, credo per opem Virginis Beatissimæ, intuitu illius pijsimi affectus, quem olim in Locum Sacrum I. D. V. conceperat, & beneficiorum, quæ gratitudinis ergo hic deposuerat. Memor igitur beneficij servatæ salutis Illustrissime Domine contine manum, & DEI non irrites patientiam Nos verò Exoratores Tuos favore gratiosiori prosequere. Datum in Claro Monte die 26. Decembris, Anno 1655.

Illustrissimæ Dominations Vestræ

Exorator indignus

F. A. K. C. M. P.

Conti-

Contigit eo die, quòd Familia
 Cœnobij pro more in Patria vi- *Die S. Ste-*
 sitato, ad gratulandum Natalis Chri- *phani Cla-*
 sti Domini Festum cōvenerit, cum su- *romonta-*
 orum officio: um instrumentis, sola- *ni in solito*
 tium fidelis obsequij habitura. Præ- *modo &*
 iverunt ijs hac in re Musici omnis *Natali*
 generis ac instrumenti, qui primum *Christi læ-*
 Superioribus Cœnobij, deinde alijs *ri, Musica*
 insignioribus e Nobilitate viris dulci *& explosi-*
 melodia faustū Christi Natalem gra- *onibus Sve-*
 tulati sunt: tum alij quoque suarum *cos terre-*
 officinarum & officiorum promptam *faciunt.*
 & accuratam diligentiam sua supel-
 lectili sunt contestari. Tandem Præ-
 fidiarij milites subsecuti sunt, qui o-
 mnibus primū solennitatem Festi
 tormentorum fistularumque ferrea-
 rum apprecati fragore versus Sueco-
 rum Castra obversi: deinde G. D.
 Stephano Zamoyski, Ensifero Sira-
 diensi, eiusque filio cognomini suo
 patrocinium primi Martyris, & na-
 talem utriq̃ue auspicatum deto-
 nuerunt ordine tanto; ut Sueci

tonitru audito, rei gestæ secundū militarem modum dexteritatem considerantes, e stativis in fugam versi confundi cœperint. Cuius ceremoniæ solennis causam exercitus Suetici Duces, cum relatione Polonorum haberent satis exploratam, in admirationem abrepti, ob tantam bellici apparatus abundantiam Claramontanorum, perire frustra tempus, & operam in oppugnatione Monasterij fatebantur: utpote, cui virorū in fistulis exonerandis exercitatorū copia in defensione iusta suppetat, & annonæ affluentia exuberet; quā si laborarent obsessi, non liberet ijs tantæ Musicorum melodiæ indulgere, cum ea in luctu, & rerum necessariarū vitæ defectu sit importuna.

*Hostium
discessus.*

Nocte itaque concubia gravioris, armaturæ machinas ex stationibus deductas expediunt, diluculo autem in suam quisque regionem diversi abeunt, tanti agminis Duces. Millerus Generalis Præfectus Petricoviæ,

Comes

Com
Sado
covi
um M
diver
Fa
rite
post
diof
co v
rire
aliqu
prim
am, p
tiner
cūm
ven
tant
tem
part
Sile
rium
Peri
drea
Lub

Comes Wrzeszczewicz Vielunium,
Sadowski Siradium. Dux Hassia Cra-
coviam reliqui Polonarum cohorti-
um Magistri, in Maiorem Poloniam
divertunt.

Faustiore iam die recreati Patres,
rite peractis Deo gratijs, apertâ
postridie Monasterij portâ, post tæ-
diosum obsidionis squalorem in apri-
co ventilantes, salubrioris auræ hau-
rire cœperunt beneficium. Eorum
aliqui, quorum intereat, ut quam-
primum instaurarent annonæ copi-
am, possessiones ad Monasterium per-
tinentes lustraturi procurerunt: &
cùm pagorum prædiorumque Con-
ventus in ruinis & favillis vestigia
tantùm invenissent, subditorum au-
tem reperissent neminem, eò, quòd
partim cæsi sint ab hoste, partim per
Silesiam dilapfi. P. Prior Tabella-
rium expeditiv Lubliniecium ad
Perillustrem & Magnificum D. An-
dream Celari S. R. I. Comitem in
Lubliniec & Radziatkow Liberum

*Prædiorũ
Monaste-
rij subdi-
torũ ru-
inæ con-
spectæ.*

*Beneficen-
tia Comi-
tis Celari.*

Baronem significans à Claro Monte hostem recessisse, simulque petens, ut pro usitata liberalitate sua, alimentis & rebus alijs diversis Monasterij necessitati provideret. Est vir antiqua generis Nobilitate conspicuus, & humanitate paucis Heroibus conferendus; quod autem æstimatione maxima dignum est, Catholicæ Religionis à Maioribus acceptæ studiosus propugnator Monti Sacro addictus, ut quod olim Obededom Domus Arcæ Fœderis debuit, hoc ille totum Claromontanæ Virgini ferat in acceptis, tanquam omnium suarum benedictionum fonti. Hic complures currus annona onustos ad Mōtem Clarum transmisit, & solutæ obsidionis beneficium Patribus pro eo quo ipsos complectitur cādore, perquam voluptuosa benevoli animi propensione gratulatus est, consolationis per Deiparam Virginem partæ primus Encomiastes.

Ut verò circumquaque divulgatū est ho-

est hostem a Clari Montis obsidione
recessisse, animorum propensione & *Beneficen-*
beneficentia de Loco Sancto bene *tia Nobi-*
mereri certantes, ubertim frumenti *lium in*
& omnis commeatus necessarii cō- *Locum Sa-*
piam Conventui ultrò providerunt *crum.*
Viri beneficentissimi. Illustrissimi
DD. Stanislaus de Warszycze War-
szycki, Castellaneus Cracoviensis, &
Paulus Germanus eius, Palatinus
& Generalis Terrarum Mazoviæ.
Eorum exempla imitati sunt Gene-
rosi & Magnifici DD. Christophorus
Zegocki, Gubernator Babimostensis,
Sebastianus Bogdanski, Stephanus
Iackowski, & alij multi ita, ut & a-
limentorum apparatu penu Mona-
sterij pro reliquo anni decursu suf-
ficienter instruxerint, & bobus ac
ovibus greges prædij instauraverint.

Quid verò tunc Patres Claromon-
tani aliud cogitare poterant, consi-
derantes tantam hostium molem, in
perniciem rei Catholicæ horrendo
impetu congregatam suspenso naso
dilabi,

dilabi, & hostem de Regni Poloniæ victoria insolentem ac superbum, de mœnibus cachinnis ac ludibrijs obsessorū derideri? præterquam, quòd Magnæ DEI Parenti placuerit hostes hinc decedere, ubi asylum protectionis suæ ac beneficentiæ nationi Poloniæ ipsa constituisset; ut Mons Clarus Czesztochoviensis illustriores Orbe universo radios tam gloriosi miraculi evibraret, ad perpetuam hæreticorum confusionem atque ignominiam, quæ moniti condiscant, frustra se in oppugnatione Sacrarum Imaginum singulariter gratia Divina coruscantium certamen suscepisse, nihil aliud, quàm apud posteros temeritatis sacrilegæ notam, & tandē vita præsentī defunctos, æternam nominis labem, & animi corporisq̃ue pœnam consecuturos.

*Obsidio
Clari Mon-
tis solius
Dei bene-
ficio soluta*

Profectò inter admiranda, excellē Numinis Opt: Max: dexteræ opera, beneficij tanti magnitudo censerī debet: quī enim fieri potuit, ut se-

ptua-

ptuaginta non amplius Religiosi, catterra imbellis, neque militaribus exercitata studijs, tantum robur induerint animo ut cum quinque Nobilibus Polonis, & eorum familia modica, necnon cum centum sexaginta Præfidiarijs peditibus, quorum pars maior ex agrorum cultoribus sumpta fuit, tanto exercitui resistere auderent? nisi Deus ipse, qui magna fecit Matri suæ, locum cultui suo dicatum protecturus, mentem eam Religiosis indidisset, inditamque inter trepidantium cordium procellas fovisset immotam. Nam quantumvis aliquoties titubarent aliqui animo, re tamen sacrâ peractâ, ubi ad conclave arcanorum consiliorum esset perventum, omnes unanimi consensu, viritim rogati sententiam, morti se potius atrocissimæ offerebant ab hostibus Deiparæ Virginis, & Ecclesiæ sustinendæ, quam ut Locum Intemeratæ Matris honori Sacrum, blasphemorum pedibus hostium, calcari permitterent. K 5 Au-

Audax visa est multis e Nobilitate Religiosorum temeritas, qui cum redactam in hostium potestatem Patriam, Arces munitissimas occupatas, Metropolim totius Regni Cracoviã, omnemque exercitum hostili potentia subiectum viderent, tamen se dedere nunquam in animum induxerunt, fortiter sustinentes æque hostis insultus ac linguæ petulantis cavillos. *An* inquebant aliqui, *Otho-*

*Improperi-
um singu-
lare RR.*

manica auxilia expectatis Patres? verum fidere se non humanæ opi, sed Dei, cuius hæc causa esset potentia ac protectioni, paratos sanguinem vitamque honori Divino profundere, ut fides illibata Deo, Patriæ, ac Regi servaretur, quantum erat in se respondebant.

Perennitas memoriæ sit cum laudibus amplissimis VLADISLAO IV. Potentissimo Regi Poloniarum, qui divinitus præscius tanti periculi Patriæ, Locum hunc Sacrum in honorem Deiparæ Virginis, munivit
propu-

propugnaculis magno sumptu, & ad munimenta eius perficienda, gloriosissimo Principibus prævit exemplo. Cuius non segni passu sequitur vestigia Frater Germanus Serenissimus IOANNES CASIMIRUS Rex pijsimus, cum sua Consorte religiosissima LUDOVICA MARIA GONZAGA, Regina Poloniæ, & Ducissa Niversi & Mantuæ. Qui ut didicerunt arcta Monasterium Claromontanum obsidione teneri, generosissima quæque virorum pectora in eius defensionem præmijs, favore, dignitatibus, auro argentoque signato, & pretiosissimis monilibus invitare non destiterunt. Magno animo plerique operam fuerunt polliciti; difficultate tamen legendi exercitus cum per pacta Sacræ Cæsareæ Maiestatis FERDINANDI III. cum Suecis inita, in Imperio militē conscribere nefas esset, atque id in Patria fieri nulla ratione posset cuius omnes vires & viri essent in potestate

*SS. Regis
& Reginae
solicitude
circa de-
fensionem
Clari Mō-
tis.*

testate hostis, doluerunt se tam fan-
 ti piæ voluntatis propositi, non posse
 fructu gloriari. Versabatur alijs ob o-
 culos nuper imperio formidabilis Sue-
 corū potentia, quam victrices gravi-
 orū hostium aquilæ Polonæ calamita-
 te præsentī exaggerabāt. Alij credē-
 tes Clarum Montem in potestatem
 Regis Sueciæ venisse, quod ipsi ho-
 stes in vulgus sparserant, inutili (ut
 Putabāt) officio renunciarunt. Alij
 quod inaudivissent obsidionem so-
 lutam, an hæc ita essent, quæ rumo-
 re populi circumferebantur, exami-
 nare nihil pensi duxerunt. Duo tā-
 dem Ductores agminum, G. D. Chri-
 stophorus Zegocki, Aviopontanus
 sive Babimostensis Gubernator, &
 G. D. Stanislaus Kulesza, zelo Divi-
 ni honoris accensi, & S. R. Maiesta-
 tis sollicitudine adducti, opem obses-
 sis laturo veniebant. Verū enim
 verò cū tanti hostium cunei essent
 perrumpēdi, post felices aliquot cum
 ijs conflictus, non nisi decima die
 ab ob-

*Veniunt in
 subsidium
 Monasteio
 Ductores
 soluta ob-
 sidione.*

ab obsidione soluta, ad Montem Clarum pervenerunt. DEO (creditum est) sic ordinante, ut montibus miraculis olim Divinis illustribus, in Polonia etiam Mons Clarus posset accenseri, singulari solius DEI protectione ad preces Deiparæ defensum, ne ob partem in tantis periculis salutem, daretur ullus cuiquam hominum locus gloriandi, vel saltem illā superbiorum iactantiam usurpandi:

Manus nostræ fecit hæc omnia.

Ipsoꝝ hostium testimonio perspicuum est, eam defensionem Divinitus evenisse: nam G. D. Grodzicki, S. R. M. armaturæ Præfectus, & alij testati sunt, non aliam causam recessus à Monte Claro Millerum in Castris dedisse, quàm quòd mulieris gravis sibi adstantis, verbis & vultu minaci fuisset exterritus. Unde inter Suecos sermo increbuerat. Millerum à muliere seductum pretio Monachorum conducta, obsidionem solvisse. Erat verò vox in populo

Clarus Mons
miraculo-
se defensus

Millerum vi-
su mulie-
ris exterritus.

commu-

communis, eum à visa muliere serio monitum, ut ab obsidione desisteret, alioqui cum toto exercitu interne-
tione delendum.

Adstipulatur huic narrationi San-
ctimonialium Ordinis Sancti Domi-
nici literæ, Petricovia missæ ad So-
rores tunc in Claro Monte commo-
rantes, quarum contenta sunt. *D.*
Millerus diligenter & attentè fuit cõ-
templatus in Templo nostro Imagi-
nem Claromontanæ similem, & cum
aliquam parvam donari sibi eius-
dem exempli petÿssæt interpret illi-
us, donatam ipse Millerus ab inter-
prete recepit, ut facilis coniectura
esset, eum visionis nocturnæ ideam
an Imagini similis esset studiosius spe-
culatum fuisse! Nam eadem Profes-
sæ Petricoviæ Virgines, Admodum
Reverendo Patri Provinciali, cuius
est Conventus Czesztochoviensis, fi-
deliter postmodum retulerunt, uti
ex ore ipsius Milleri acceperant, cum
de manibus interpretis Imaginẽ con-
templa-

templaturus recepisset. Nullo modo,
 aiebat ille de Imagine, *similis est* ^{Dictū Mil-}
Virgini, quæ mihi apparuit, & tor- ^{leri de vi-}
mentum contra me sua manu direxit, ^{sa sibi Mu-}
sed & in terris similem forma videri ^{liere.}
non est possibile. Cœleste quid & Di-
vinum, quod supra modum exhorruī,
in augustissimo eius vultu reluxit.
 Redeo ad contenta literarum. *Asse-* ^{Mulier "à}
rebant & illud Sueci, quod aliqui e- ^{Suecis su-}
orum vidissent ipsam (scilicet Muli- ^{pervallum}
erem) super muros tormenta diri- ^{Monaste-}
gentem, & necessaria defensoribus ar- ^{vij visa.}
ma super vallum stantibus propria
manu subministrantem. Latomis e-
tiam cuniculos agentibus, rupemq; ^{Vir anno-}
incidentibus, apparuisse annosum Se- ^{sus appa-}
nem, qui eos moneret, ut ab inani ^{rens, ar-}
molimine abstinerent, septenni etiam ^{guit lapi-}
labore non superando. Atque his vi- ^{cidas.}
sis exterritos se ab ulteriori obsidio-
ne discessisse, quod & G. D. Alexan-
der Strzałkowski ex ore Suecorum
sibi auditum, sub onere conscientie
fassus est coram Patribus.

Genero-

*Idem Vir
annosus à
Nobili mu-
liere visus
in somnis.*

Generosa Dña Iaroszewska eadem tempestate, visam sibi similiter viri grandævi speciem narravit, qui se bene sperare iuberet, brevi DEO miserante obsidionem solvendam, hostemque à Monte recessurum. Pater interim (quem nomine appellavit proprio) sacris operaretur albo apparatu, ad aram anguli dextri ab ingressu templi. Non alium Senem apparuisse potuimus interpretari quam Sanctum Nostrium Patriarcham PAULUM Primum Eremitam, cuius honori altare illud dicatum est. Quam speciem Senis visam à latere Mulieris super muros apparentis, & iacula manu retorquentis se à Suecis accepisse testati sunt, GG. DD. Ioannes Więckowski, & Matthias Węgierski, Nobiles Poloni.

*Mulier super muros
Monasterij visa, ex-
animabat Suecos*

Retulit quoque fide interposita Sacramenti, tacto pectore Pr: Blasius Vadovius, Prior Wieruszoviensis Ordinis Nostri, quòd in domo cuiusdam

iustam Civis Wieruszoviensis mensæ adhibitus Suecorum, Georgij Eichner, & Arentij Lukman Commendantum, ab ore ipsorum sacrilego hanc blasphemiam exceperit. *Quanam* (inquirebant) *est in Vestro Monasterio Czesztochoviensi saga, quæ cæruleo amicta velo, sæpius egressa Monasterio, muros obambulabat, quandoq; super illorum fastigia residens, ad cuius aspectum multi nostratum concidebant exanimés, ita, ut ea prodeunte, vultum demittere ac operire oculos debuerimus.*

Idem tum asseverabant, & alij plerique primarij Copiarum Præfecti mensæ accumbentes. Ex quibus nonnulli subiungebāt exprobrantes. *Vestri Monachi sunt maleficiorum studiosissimi. Hem! nostrum Commilitonem ita incantaverunt, ut ab ipso* Miles Sue-
temporis momento, quo contra Tem- ticus con-
plum fistulam explosit ferream ma- tra Capel-
num extensam teneat, nec eam ullo lam B. Vir-
modo valent contrahere aut flectere ginis explo-
dens obr-
grit.

L

aliquor-

aliquorsum; imò totus corpore rigidus, neque ipse possit equum ascendere, nec descendere, necesse ideo habuimus, veluti terra inutile pondus, cum erecta sic manu, quemadmodum fistulam direxerat Lesnam ablegare. His addidit P: memoratus, quòd cùm antea sæpissime in Sanctissimam Virginem Dei Matrem, Sueci horrendas foetentibus buccis, vomerent blasphemias, postquam Czeństochovia redierunt, mitiores extitisse: nec aliquid simile ab eis amplius auditum.

Generosus Dñs Nicolaus de Rusko Bielawski, narrationem Suecorum monumentis literarum propria manu posteritati, ad memoriam perpetuam ita consignavit. *Milites regiminis Sadowski, qui Officiũ in Exercitu Suetico (ut vocare Germanis mos) Colonelli gessit, in Villam meam Golina nuncupatam, Districtus Costensis, à Monte Claro regressi, descenderant: ex quibus domi mea bene habitis cùm sciscitaret, quid Czenstocho-*

stoc
to ex
cessus
sibi a
nam
tem,
sus C
aliqu
vict
cubij
hoc in
dedi
Ite
ficij c
modo
theri
duo
Gerla
longi
ipfor
ut di
cindi
tie la
guir,
abdu.

stochovia ageretur, & in Monte tanto exercitu cincto quos haberent successus? respondebant: frequentius ^{Persona} sibi apparuisse candido amictu ^{in albo ve} Perso- ^{stitu cum} nam quandam è Monasterio prodeun- ^{stricto gla} tem, & districtum gladium adver- ^{dio proce-} sus Castra vibrantem, quam intuitus ^{dens ex} aliquis corruerat exanguis Libitina ^{Monaste-} victima. Et esse compertum ab ex- ^{rio.} cubijs nocturnis, quadraginta milites hoc infausto spectro exterritos animas dedisse.

Iterum cum eundem Nobilem Of- ^{Milites} ficii causa visitassent, narrabant, quo- ^{exploden-} modo ipsi vidissent ^{tes contra} Mulierem caruleo ^{visam in} theristro vestitam, contra quam cum ^{muris mu-} duo milites Silesij, fratres germani de ^{liorem, pu} Gerlachowa cognomēto Dudziczowie, ^{niuntur} longiores tubos explosuri collimassent, ^{divinitus} ipsorum alteri faciei tubus ita inhaesit, ut divelli nequaquam posset, sed excindi à Chyrurgo debuerit, alter duritie lapidi simillima toto corpore obruit, quos Sueticus exercitus secum abduxit. Hoc ab ijs iureiurando in-

terposito affirmatum, prædictus Eques Claromontanis perscripsit.

*Sueci visu
Mulieris,
ab expu-
gnatione
Monasterij
deterren-
tur.* A plurimis quoq; Suecorum se audivisse testatus est supranominatus G. D. Strzałkowski, vir doctus & maturus, Maioris Poloniæ Incola, quòd conspecta Mulier in muris Monasterij, Suecos aut visu terruerit, aut densa quadam obvoluerit caligine, cum maxime vires ad expugnandum Monasteriũ intenderent. Quod idem se à Polonis militibus, quos cum Domino Wolph interceperant Sueci, accepisse, viri graves & fide probati Cives Czesłochovienfes retulerunt.

*Mons Clara-
rus inter
nebulas
fallit ocu-
los Suecorũ* Multi item viri Nobiles fide bona contestati sunt, inter narrata Suecorum de obsidione Montis Clari, hoc singulari observatione dignum ex ore ipsorum fuisse exceptum. *Sapius* (inquirebant illi) *expugnationem Monasterij apparatu tormentorum nobis aggredientibus apparebat nebula, quã Mons involutus umbra fallaci, intuen-*

intuentium eludens aspectum, videbatur cum Monasterio in altum æris exporrectus, quò cum dirigeretur ictus machinarum, iacula ad conceptum in ære scopum proiecta, supra Monasterium innoxio cursu ferebantur. Quandoque autem per eandem nebula interpositionem, errantibus similiter oculis cernebamus Cænobium in humili colle positum: Directores proinde nostri, caliginis opacitate decepti, cum fistulas tormentorum contra umbram exploderent, globi ante mœnia Monasterij à Montis radice excepti humum ferebant tunc gelu constrictam, & inde resiliens in ærem, reassumpto impetu pellebantur. Placuit Divinæ summæ bonitati, ad salvandum confidentes in se per Pijssimæ Matris suæ interventum, antiqua revocasse miracula, Montemque Sacrum protexisse in columna nubis, ut de eo notum sit illud, quod in Psalmo dicitur: Mons in quo beneplacitum est habitare DEO.

*Multa a-
lia mira-
cula fue-
runt, quæ
tacentur
ex ratio-
ne.*

Pauca hæc ad evidentiam defen-
si servatiq; Montis Mariani manu
DEI opitulantis exempla rerum mi-
randarum, descriptioni Claromonta-
næ Obsidionis inferenda censui. Plu-
ra prodigiose facta, literisq; aut ser-
mone hominum celebrata de eodem
obsidio, dum ad aures perferrentur,
æstimes velim prudens Lector, ni-
hil hîc pro loci existimatione a no-
bis curiose quæsitum: satis esse ad
nostrum propositû, imo & ad nomen
celebre loco faciendum putavimus,
si constet oppugnatum Montem Cla-
rum præsidio SS. Reginæ cœlestis
innixum, omnium periculorum ex-
stitisse victorem. Expungantur (qui-
dam Procerum audacter locutus)
memoria hominum, & quæ nunc fa-
cta conspiciamus, & quæ aliquando
in Monte hoc ad ampliandum suæ
Divinissimæ Matris honorem Altissi-
mi manus patravit memorabilia, ma-
neat verò unicum hoc Mons Clarus
tutela M A R I Æ inter cineres fu-
mantis

mantis Poloniæ solus illæsus: solus
reviviscentis Regni salutis servatus:
solus confundendæ hostium poten-
tiæ relictus integer, ac inter ruinas
Urbium & Castellorum omni hostiū
impetuosso furore superior. Omnem
proinde Regno Poloniæ integritatem,
publicas privatasque Reipublicæ for-
tunas, Ecclesijs cultum DEI & avi-
tas immunitates servatas restitutasque
cogitemus ope solius a Claro Mon-
te M A R I Æ, ut iam meritissime
Magnorum iudicio dici debeat:
Clypeus Regni Poloniæ Clari Mon-
tis M A R I A.

Longe lateque Mons Sacer suæ
claritatis radios ex eo tempore dif-
fundens, recenti Divinæ protectionis
beneficio, diversarum nationum po-
pulos, ac infensas Regno Poloniæ
gentes, ad amorem Supremi Numi-
nis, & eius Divinissimæ Parentis ve-
nerationem illexit. Documento est
magnus Moschorum Princeps Alexius
Michałowicz, cuius Legatus Ioannes

*Legatus
Moschovi-
tici Prin-
cipis visi-
tat Clarū
Montem.*

Iewlew suæ Serenitatis Pincerna, pacem paulo ante compositam, ob Provincias Smolenscensem & Severiensem, in eadem sæva Reipublicæ Polonæ tempestate, à Ducatu Lituaniæ ad Dominum Moscoviticum armorum vi avulsas, cum Rege C A S I M I R O stabiliens, obtentâ à Rege licentiâ visitandi Czesstochoviam, & S. Deiparæ videndi effigiem, Regio comitatu stipatus, nomine & mandato sui Principis Montem Clarum ascendit, & cum magna præsentium admiratione, primùm in templo ad aram maiorem, tum & in Capella ad Altare Virginis Beatissimæ, augustâ Sacræ Imaginis intuitus Maiestatem, more suæ gentis profunda cervicis inflexione, & manus ad terram demissione, se suumque Imperium Gloriosæ Virginis patrocínio submittens adoravit. Multa tum prænomina- tus Hospes, mente & oculis intense speciem Imaginis perlustrans, ex industria percontatus est à Patribus & Viris.

Viris ex Equestri ordine insignioribus, de omnibus exacte cupiens informari. *Istane est corruscans miraculis Gloriosissimæ Christi Parentis Mensa & Imago? cuius arte manuvè facta? à quo tempore hic consistens? unde, qua occasione, & à quo huc deducta? Cicatrices vultui impressas quomodo contraxit? quibus clara miraculis? Altare ipsam sustentans tam magnificum, cuiusnam opera & munificentia extructum? in statuis & reliquis operibus, quæ intermerata Virginis onerant aram, verumne sit ac purum argenti metallum? quid causæ sit, quòd Religiosi loci huius niveis vestiantur Cappis, & non potius aliorum exemplo ascetarum, uti & Græci ritus nostri Monachi faciunt, nigro induantur colore.* Et in his quæsitis sufficienter edoctus, e Sacrario Virginis Sanctissimæ interiorum Basilicæ ornatum inspecturus procedens, splendorem ibi exedrarum intuitus, statuas in ijs vitæ

Quæsitæ
Legati.

& myſteriorum Chriſti, affabre Sculptorum artificio elaboratas, cum & beneficiorum, quæ miraculoſa Dei manus præter rerum ordinem, ſupplicibus ſuis in Monte Claro præſtitit, coloribus egregie adumbratas ſingulorum quid ſignificent indagando rationes, accurate luſtravit: Solennes quoque Sacrorum apparatus, Sacram Mariani Sacelli ſupelleſtilem, atque pretioſiora Divini miniſterij armamenta, & donaria in auro & argento, gemmis & lapidibus, exquisitis diſtincta, honori Sacraſſimæ Virginis in perpetuum reſoſita, cum ingenti oculorum & animi delectatione, fervorem inde pietatis Catholicæ, ac multam in cultum Auguſtiſſimæ Virginis Catholicorū propenſionem coniectans, ſtudioſiſſime contemplatus eſt. Requirens verò diligenter, à Superiore Monafterij impetravit librum de origine & miraculis S. Claromontanæ iconis, necnon ectypum eiufdem depiçtum ſuper lin-

Oblata I.
mago Prin
cipi Mo-
ſcorū per
Legatū cū
Hiſtoria I.
magine
Sanctæ.

per linteum æqualis prototypo mensuræ, ad sui principis singulare solatium, quod hinc expectat: *Religiosissimus enim est, inquit, & tenerimus Christiparæ cultor.* Ipsum insuper, & se, Religiosorum recommendans orationibus, subiecit: *Nihil hic est ritibus & Religioni Nostræ contrarium, Vestra Religio ad nostram proxime accedit, & si quid exiguum, Verba Legati Mo-*
est, in quo discrepent, facili negotio schovitici
posset componi. Porro quæ sæpius di-
cta audivimus de S. Czesztochoviensi in discessu.
Imagine, parum apud nos habere videbantur momenti, nunc verè quæ didici, altiori habebuntur loco, & Princeps ac Dominus meus Clementissimus, postquam Imaginis miraculose istius, ac gestorum hinc rationes, ita ut vidi & audiui, à me plenè acceperit, Religiositatem suam, & pium in Christi Matrem affectum, Regi, & ipsi amplissimis muneribus, Sacræ huic domui certò contestabitur. Sic de Claro Monte à fulgentissimà Stella Maris vi-

ris vibrati radij remotissimis Septentrionalibus oris illuxerunt Appropereut utinam Deo miserante tempora, quibus Orbis Cristianus & ALEXANDRO VII. Universali Ovilis Christi Pastori aggregatum gregem amplissimum, & IOANNI CASIMIRO Regi Nostro Potentissimo, splendidum de tenebrarum potestaté triumphum congratuletur.

*Impietas
Suecorum
inClarum
Montem.*

Gens impia Suecorum execrandis Calvinianæ superstitionis involuta tenebris, acerrime Orthodoxam exosa veritatem, diffusum à Claro Mōte iubar torvo suspiciens obtutu, quaquā via potest extinguere, satagit proterve. Quia verò ad exterminium Religionis Catholicæ in Poloniam hostiliter congregata, suorum multis millibus cinctum Montem Sanctum, horrendo igne & ferro sæviens, demoliri nequiverat, ad extinguendum in Orbe famam, & nomen eius, commentitijs traditionibus defuso exercitu Polono, & de Monte Claro,

Claro
Amst
cis ty
Exēpl
Regin
ad c
poni

VI
De c

Delu
Sue
Cz

R
rator
fidio
Cast
Crac
bom
que

Claro Czeſtochoviensī expugnato,
Amſterodami, & in alijs pluribus lo-
cis typo impreſſis, orbem implevit.
Exēplar huiusmodi literarum Sacræ
Reginali Maieſtati ex Gallia miſſum,
ad confundendam gentis impietate
poni hic placuit.

VICTORIA REGIS SUECORUM,

*Fabuloſa
victoria
Suecorum.*

*De caſis Polonorum viginti millibus,
& excidio Czeſtochoviensī.*

Deſumpta ex literis Commendantis
Suetici Czeſtochoviensī, de data
Czeſtochoviæ die 23. Aprilis,
Anno Domini, 1657.

REx Sueciæ habito conſilio Sande-
rij cum Rakocio, auctus confede-
ratorum viribus, ſuoq; Cracoviâ præ-
ſidio evocato, movit adverſus hoſtem,
Caſtra eius, quæ quinque milliaribus
Cracovia diſſita, quinquaginta millia
hominum cingebant, invaſurus. Ita-
que aciem heroicâ induſtria & dexte-
ritate

ritate instruens, Generalem Antoniũ cum quindecim millibus Cozacorum, Pinczoviam primũ expedit, ut fugientibus hac & illac insidiaretur Polonis. Bakosz Gaborem verò decem millibus equitatus ferentarij præfuit, qui cùm advertisset Lubomirscium viginti millibus stipatum, Regi Sueciae cominus insultantem, in eum acer irruit: verũ acriori Polonorum impetu repressum, & attritum, iussu Regio Generalis Wirtius auxiliaribus decem millibus Equitum Ungarorum & Dacorum, adeò feliciter sustinuit, ut Lubomirscius plurimis implacabili seditiã Ungarorum amisissis, cum exigua suorum manu fuerit coactus è campo Martio in Castra reverti. Rebus sic stantibus, Sacra Maiestas & Rakocius, cum toto exercitu & ignito armorum apparatu, progrediebantur adversus Castra Polonorum, intrepido vultu tormentorum maiorum octo, minorum verò plurium excipientes ictus, quibus Czarniecius ex eminentiori

tiori collis vertice repellere nitebatur
Confœderatos Principes, & potiffi-
mum Regem Sueciæ; qui cùm dex-
tro Rakocium, Valdekium ſiniſtro la-
teri præpoſuiſſet, aciei reliquæ ipſe
præfuit. Primus Czarniecius cum
tribus millibus haſtatorum deſcendēs
in arenam, poſtquam à Sacra Maie-
ſtate iteratâ tormentorum exploſione
ſignum accepit, ante ſuos haſtatos u-
ni-verſamq; Nobilitatem Generoſe con-
ſtitit, & Tranſylvanos eâ animi for-
titudine aggreſſus eſt, ut ſe prælio ſub-
ducere fuerint compulſi. Porro Rex
Sueciæ, omne illud Polonorum robur,
totamq; belli molem, quâ iam dex-
trum latus fuit debilitatum, tenuit
fortiſſimè, fugientibuſq; revocatis,
trepidantes eorum animos exemplo
ſuo ita confirmavit, ut prælio redin-
tegrato, leonum adinſtar hoſtem ag-
gredientes dimicaverint. Sed neque
Polonis deerat animus: qui quidem
primo congreſſu ſecundo certabant Mar-
te, eò, quòd a Suecis ictibus tormen-
torum

torum non possent feriri; verum perditatus hosti victoria palmam præripuit; nam Czarniecius ictu sclopeti saucius, postquam è conflictu secessit, cum reliqui Commilitones secuti sunt: omnibus rebus suis, atque commeatu Castrensi prædæ relictis. Generalis Lubomirscius invaserat sinistrum, cui Comes Valdecius præfuit; verum hic associatos habens suis cohortibus Cozacos, ita strenuè represent Lubomirscium, ut retro abiens, profugus in Castra se cum suis receperit; quos & ipse sequi necesse habuit, & Antonius cum suorum quindecim millibus extrema eos cladè affecit. Cæsa sunt Polonorum viginti millia, paludibus nonnulli uliginosis suffocati, plerique in Vistula submersi miserè perierunt. Suecorum, & potissimum transylvanorum occubuerunt tria millia. Confecto feliciter prælio, prædaque inter se divisâ. Rex Sueciæ in eodem victoria campo, solennes sequenti die instituit preces, consonis

vocibus

vocibus Te Deum laudamus decantatum, gratiarumq; actiones Supremo Triumphatori Deo sunt persolutæ. Rebus sic peractis Czestochoviam duxit Copias, Castraq; ibi decima sexta præsentis metatus, Fortalitij deditio- nem à Polonis per tubicinem requisivit. Cum verò mortem potius optetere, quàm servitutis iugum pati velle, iteratò & ultimò responderent Poloni, adducuntur illicò tormenta, & duobus integris diebus muri quatiantur, sed latè extructis innixi vallis moveri loco nequiebant. Tandem eriguntur ad mœnia scale, & extremis viribus utrinque certatur. Obfessi arcendo accessum igneis, piceis, & lapideis missilibus, ducentos ex nostris primo impetuperemerunt. Cæteri nihilominus creberrimos ictus virili excipientes pectore, per scalas murorum altitudine superata, leti fortalitio potiti sunt, armataq; manu aream ingressi, nulli sexui parcendo, Sacerdotes insuper & Religiosos tru-

cidarunt. Quindecim tina auri reperta, thesaurus argenti & pecunie ingens effossus argentea quoque Imagines in Ecclesia victoribus in pradam cesserunt. Hac die Suecia Rex unâ cum Rakocio, hinc proficiscitur Zamoyscium versus, illud obsidione cincturus. Quo expugnato S. Maiestas, in Prussiam cupit reverti.

Effrons Meretrix Babylonica eò impudentiâ processit, ut pro libertate insânæ conscientiæ, proterve magis quàm libere, imposturis & mēdacij audeat lucidissimæ ogganire veritati. Intolens cavillator, cui celebre nomen victoriæ & officij Commendantis Czestochoviensis pro Rege Sueciæ, comminisci libuit; quàm strenue hominis impudentis imaginem expressisti, dum in conspectu Solis, cum inclytæ gentis Polonæ, & Loci S. iniuria calumniose ausus es tibi pulcherrimum nomen Victoris turpi mendacio fabulosi confictus mercari: renuis in apertum venire
dete-

deſecto nomine, ne quis ſis deprehendaris; filius nempe tenebrarum, tenebroſæ lupæ Hæreſeos es. Solem proinde intueri nequiſ, & in lucem filiorum Lucis prodire, ipſa te convincente mēdaci conſcientiā trepidas. Vivunt invicti gentis Polonæ Heroes; vivunt generoſa militum Polonorum pectora, quos ō homo impudens mendacis linguæ tuæ gladio mendaciter perdidisti, & quidem vivunt feliciter, & ſibi, & Patriæ, dum forti animo erigentes Trophæa, glorioſam de hoſtibus ſuis victoriā proſequuntur. Stat Mons Clarus Czeſtochoviенſis, & eiꝯ Cœnobium, cultui Dei Matris Virginis dicatum integrum, & immortale impietatis Sueticæ monumentum. Stat apex fortitudinis Polonæ ſæpiꝯ quidem graviffimis tentatus oppugnationibus, nunquam expugnatus. A Monte hoc confœderati & impie coniurati Orthodoxæ hoſtes Eccleſiæ, cuncti turpiſſime diſſiluerunt, nihil

solatij de suis conatibus, præter confusionem & ignominiam perpetuam reportantes.

Torsit non mediocriter animum
Millerus Milleri, exprobratum sibi à Commi-
revertitur litionibus, Officiorum potissimum
& aggregatur ite- Præfectis, se delusum præstigijs Mo-
rum Czef- nachorum, statione expugnandi Mo-
stochoviã nasterium deseruisse; imò fama fe-
cum Comi- rebat, passim ab ipso Rege Sueciæ a-
te Wrze- crius obiurgatum, quòd unam ca-
sczewicz, veam, sive gallinarium (ut vocabat
& Sado- per cavillum) tantus scilicet Dux,
vio. tanto tempore, tanto exercitu, ne-
 quaquam expugnasset! cum Poloniæ
 Metropolim Cracoviam, breviori in-
 tervallo ipse Rex ad deditionem ad-
 egisset, totumque pene Regnum, Sce-
 ptro suo subegisset. Itaque coniu-
 ctis iterum Copijs cum Comite Wrze-
 sczewicz, & Sadowio aliquot cohorti-
 um Præfecto, Calissio regressus, tria
 millia militum ducebat. (Ea est vel
 militaris famæ cupiditas, ut illa quis
 tentare audeat, quæ maiore ante ap-
 paratu

para
xit;
cia,
opera
profe
ni at
um
arij
Mil
qua
ski
adv

V
stific
signi
D. G
celler
ex m
arm
nissu
sta,

paratu se non posse consequi perspexit; vel hæreseos protervæ pertinacia, ut Divinæ potentix admiranda opera, præstigias vocitet, ac cœlitus profecta salutis remedia, cacodæmoni attribuat) cùmque Wilkowiecium pervenissent 4. Kalend: Februarij Anno sequenti, nimirum supra Milleimum, Sexcentefimum, Quinquagesimo Sexto, placuit ut Sadowski Superiorem Clari Montis de suo adventu certiorum faceret.

*Sadovius
scribit Pri
ori Clari
Montis de
reditu ho
stis.*

Magnifice Domine Prior,
& Amice benevole.

V*Ti semper amicè cum Vestra Dominatione vixi, ita & nunc testificandæ amicitix occasionem accepi, significare V. D. quòd Excellentissimus D. Generalis Miller, similiter & Excellentissimus D. Generalis Dundlas, ex mandato Regis Suecorum hùc cum armatura veniant. Rex enim Serenissimus pace cõposita cum Duce Prussie, vult, ut totum Regnum Poloniæ*

M 3 suæ se

*sua se submittat ditioni. Quia vero Rex Serenissimus bene novit, Vestro instinctu factum esse, quidquid Wielunij factum sit; & quod illi latrones in Vestro Monasterio refugium habeant. Ideo vult nullum eis patere locum, in quo refugium habere possint. Proinde, si sub protectione Serenissimi Regis Succorum VV. DD. manere volunt, confidentissimè Krepi-
cium veniant ad Excellentissimum D. Generalem, fiet enim hoc cum consolatione Vestra. Quod si non veneritis, & resolutionem quantocyus non dederitis, peditatus cum armatura admovebitur. Dat: Wilkowiecuj die 29. Ianuarij, Anno 1656.*

*Vestræ Dominationis
benevolus Amicus.*

*Venceslaus Sadowski
mpp.*

Sequi-

Sequitur è vestigio præmissas li-
 teras agmen quingentorum mili-
 tum, qui per avios saltus exploratu-
 ri statum Czystochoviensium pergen-
 tes, concurrerunt cum triginta Cla-
 romontanis, quos similiter versus
 Kłobucko exploratum miserant duo
 illi supranominati Ductores, qui tum
 recenter exciso Wielunensi ducento-
 rum Suecorum præsidio, intra Clari
 Montis penetralia, cum suis agmini-
 bus se receperant prædâ onusti. Et
 cum Claromontani in conflictu ægre
 sustinere possent hostem numero su-
 periozem, paulatim cedentes, e syl-
 vis in campos Monasterij eductum,
 dextre tormentis obiecerunt incau-
 tum. Atque ita ut primùm vene-
 runt in apertum oculis speculatorum
 subiecti tormētum Propugnaculi Se-
 ptemtrionalis explosum, plerosque
 hostium equis & vita deiecit, reli-
 quos timore correptos in fugam ita
 dispersit, ut abijcerent sarcinas, quò
 commodius currerent de grandi Po-

*Wielunij
 casti Sue-
 corum du-
 centi.*

*Sueci cum
Millero à
Claro Mō-
te terrore
fugati.*

*Comes
Wrzeszcze.
wicz ag-
greditur
quartidMo
nasterium*

lonorum exercitu Præfectos suos admonituri. Vix nuntium audivere Duces, eadem nocte de suis stationibus moverunt Centurias, & die sequenti trepidantes, turbatis agminibus Wielunium usque pervenerunt.

Superior Milleri fortunâ videri voluit Comes Wrzeszczewicz, proinde nactus opportunitatem, ut rebatur, extremo Bachanaliorum die, quâ libentius indulgeri solet genio, cum duobus millibus militum, ex Prædijis Krepicensi, Wielunensi, Si-radiensi, Petricoviensi, Pilecensi, O-grodzinenſi deductis Kuleſzyanas Co-pias in Villa Czêstochowkâ mediâ nocte aggressus est pridie Kalend: Martij. Verum ab excubijs adven-tantis hostis admoniti Kuleſzyani, ad Monasterij fossas recurrerunt: & quâ-vis per noctem obscuram securi la-tuissent, maiori tamen securitate re-creati sunt, aliquot ictibus tormen-torum Suecis à mœnibus submotis, qui dato signo receptui, uno Polono, qui ge-

qui generosiori fidens equo, neglexerat periculum, intercepto, & quadraginta circiter abactis equis, discesserunt.

Denique Nono Kalend: Aprilis, idem Comes cum mille sexcentis viris, sub Oppido Czestochowa, comparuit hora prima pomeridiana, ex quibus septingentos distinctos signis octo selegit, & versus Monasterium contra Polonos expedit, maiore parte Copiarum penes se ad stagnū regium retenta. Trecenti contra eos animose processerunt Poloni, qui cum viderent dextrum cornu strenue contra se proflire, aciem autem reliquam ad ambigendum se in lunæ formam extendi, sensim ad latus cedebant, ut proximum dextro suo lateri collem præoccuparent, cornui Suecorum oppositum sinistro. Porro cum clamoribus urgerentur suorum, qui supra muros erant ad hostem persequendum, alacriter in eum sunt inveci, sed limoso agro ulteri-

*Quinta ag-
gressio Mo-
nasterij
per Comit-
tem Wyze-
szewicz.*

*Depulso
Comita-*

us ire prohibiti subsistere debuerunt, atque a conflictu, quem iniquitas loci denegabat supersedere. Excursibus hostem laceffere contenti, quibus Suecos cedentes acrius instabant, ut suorum duntaxat duobus desideratis, quod equi eorum luto hæssent pertinacius, triginta Suecorum viros cum aliquot Præfectis interemerint. Multorum ex Polonis in eo conflictu, sed vel maxime G. D. Petri Czarniecki virtus enituit, idq; potissimum cæde duorum præstantissimorum inter Suecos militum, quorum alterum immani statura virum suis præcurrentem agminibus, & audacissime nostros à latere invadentem, adverso pectore excipiens, ictu framæ equo deturbatum trucidavit; alterum item eorundem agminum principem, genere contra eum equo profiliens, globo per femora traiecit, & eius nece reliquos Suecorum conturbavit. Postridie equitatus Suetici Præfectus Maior,

Maior, in acie per femora læſus, animam egit. Nec multò poſt ipſe Comes in Maiore Polonia ab Illuſtriſſimo D. Grudziński, Palatino Caſiienſi, octingentis ſuorum interemptis, a plebe ruſtica ſuſtibus miſere contuſus, iuſtum vindici Numini, rapinarum, cladium, & Sacrilegiorum ſupplicium expendit.

*Interitus
Comitis.*

Affulgere cœpit interea poſt atras tempeſtatis fluctuoſæ nebulas, obſidione Clari Montis ſoluta, quaſi aurora conſurgens ſpes victoriæ, de Suecis ſpiritu quodam prophetico in Eccleſia Cracoviienſi Cathedrali, ſub auſpicijs Illuſtriſſimi & Reverendiſſimi Domini Petri Gembicki, Episcopii Cracoviienſis, Ducis Severienſis, prænuntiata, patrociniò Deiparæ Virginis obtinendæ. Non enim vacui fuit ominis, quòd viri Religioſi in ordine recitandi Officij Divini pro Cracoviienſi Diœceſi deſcripto, compererunt. Sacrum Paſcha præſentis anni, præter conſuetudinem

*Victoriæ
mirabile
omen, &
Imago Clari
Montis
loco ſuo reſtituta.*

vocatam

vocatam Dominicam RESURRECTIONIS & VICTORIÆ. Quamvis enim scitum sit omnibus fidelibus, mortis & sathanæ victorem Christum Dominum ab inferis ascendisse; tamen hoc addi non visitatum est, ita ut ea res prudenter, non Patres tantum Claromontanos in admirationem traxerit, verum etiam Illustrissimorum Archiepiscopulorum, Illustrissimi Principis, & Reverendissimi D. Andreæ Comitissæ à Leszno, Archiepiscopi Gnesnensis, Legati Nati, Regni poloniæ Primatis Primiq̃ue Principis. Illustrissimi & Reverendissimi D. Ioannis Tarnowski, Archiepiscopi Leopoliensis, Claræ Tumbæ perpetui Administratoris, atque Illustrissimi & Reverendissimi D. Casimiri Floriani, Ducis in Klewan Czartoryski, Vladislaviensis & pomeraniæ. Illustrissimi & Reverendissimi D. Ioannis Stephani Wyżgá Luceoriensis, Episcoporum induxerit animos ad indagandum, quid

quid
rit, qu
tam t
in me
cessi C
romon
nens
locur
suo r
lstriss
ut q
vus
pulch
phant
Virgi
biam
tura
in M
ma R
Iulij
nis ei
runt
bere
appel

quid eo potissimum die factum fuerit, quod speciem referret victoriæ in tam turbulento Patriæ statu! Venit in mentē seriò cogitantibus, in Diocesi Cracoviensi Sacram Iconem Claromontanæ Virginis, quæ ob imminens ab hoste discrimen, in tutiorem locum fuerat recondita, tunc altari suo restitutam. Quod quidem Illustrissimi Præsules ita interpretati sūt; ut quemadmodum Christus redivivus victoriam nobis e glorioso sepulchro extulit, ita cum ipso triumphante restituta suo loco Deiparæ Virginis Imago, spem nobis non dubiam polliceri videtur, brevi securæ pacis. Quare ijdem Antistites in Montem Clarum, cum Serenissima Reginali Maiestate, sexto Nonas Iulij, postquam venissent visitationis eius diem honoraturi, censuerunt Montem Clarum deinceps debere **MONTEM VICTORIÆ** appellari.

Czesłochovia a Præsulib9 Mōs Victorix in posterū dici iussu.

Nec

S. Imaginis restitutione sedatur epidemia lues in Monasterio. Nec vana spes fuit, idipsum ante augurantium, siquidem post restitutam altari suo Imaginem Sacram, epidemiae lues, quæ graviter invaluerat ex incommodis obsidionis in Monasterio, & plerosque ex Regularibus & Sæcularibus absumpserat, penitus resedit: & hostium nemo, qui in perniciem Religionis & Regni Poloniæ, cum Sueco coniuraverant, atque Montem, à quo huiusmodi spes victoriæ illuxerat Polonis, multoties accessisse constituerant, nemo unquam hostiliter accessit. Sic ad Varsoviam, disperso Polonorum exercitu, dum omni conatu & operâ Montem aggredi pararent, iamque itineri accincti, exercitum & arma moverent, insperate à Polonis insigni suorum clade sub Lipie territi, fugam potius capientes, à proposito destiterunt. Sic & ad Petricoviam, dum Rakocio coniungendi iterum eam invaderent, & Regem CASIMIRUM in Claro Monte sine exercituum de-

tum degentem adoriri vellent, incertum quâ de causâ (immani quodam aiunt Polonorum exercitu) in metum adducti, à destinata incurfione Clari Montis pedem retraxerunt.

Interest autem hic meminisse, quòd Suecus cùm adverteret se viribus imparem Polono imperium suum dedignanti, ardens iracundiâ & cupiditate gentis subiugandæ, præter alios confœderatos Principes, cum quibus Poloniam invaserat, acciverit quoque in societatem belli Fridericûm Guilhelmum, Marchionẽ Brandenburgicum, Ducem Prussiæ, Regni Poloniæ Feudatarium, & Georgium Rakociû, Transylvaniæ Principem, singulis certas Regni Provincias, quas armis possederat, in stipendium belli daturus. Atque ita Prussiam suâ ditioni relictâ, dederat Brandenburgico Maiorem Poloniam; Rakocio Poloniam Minorem, Podlachi-
am, & propiores Russiæ partes, quas
hic

Confœderatio Suecorû cum Duce Prussæ & Rakocio Principis Transylvaniæ.

hic possessurus & novum Regis titulum piscaturus, cum grandi exercitu Ungarorum, Cosacorum, Dacorum Moldavorum, &c. venerat literis huiusmodi ad Nobilitatem per diversos Palatinatus præmissis.

Mādatum
Rakocij
ad Polo-
nos.

Nos Georgius Rakocius, Dei gratia Princeps Transylvaniae, Partiū Ungariae Dñus, & Sicularū Comes.

Notum testatumq̃, facimus universis & singulis, ac in primis omnibus Statibus, Ordinibus, atque Incolis inclyti Regni Poloniae, praesentes Nostras visuris lectionisq̃. Cum Ordines Regni fatiscentibus, ac in dies in dexterius vergentibus Polonae Reipublicae rebus, in praesenti suo statu nihil ultra praesidiū videntes, Regni Coronam, tum antea, tum recens, mediante solenni Legatione, certis Conditionibus Nobis obtulissent; nec non pro veteri, imò hereditaria in Nobilissimam hanc gentem propensione, & benè merendi studio, Christiana^{q̃} insuper

insuper pietate ducti, ipsi in persona cum Copijs Nostreis turbatum huius Regni statum DEO adiuvante componere constituimus: opera pretium existimavimus benevolè monere & adhortari omnes; ut lectis presentibus, incolumitatem suam, suorum pignorum, tum bonorum conservationem, sartam rectamq; velint, & propinquantibus nobis ad fines Poloniae, tēpestivè occurrant, suam Nobis, vel alia ratione addictionem studiumq; testaturi. Qui verò facere abnuerint, atque nostrae oblationi sese opposuerint, non nobis, optimeque ac prorsus innoxia huius intentioni adscribere necesse est, si quid fors belli & temporum iniquitas, malorum invexerit. Nos omnes patrocinium Nostrum non respuentes, clementer & placidè suscepturos, à presentibus bellis ac temporum malis vindicatueros, libertatesq; afflictas quantum licebit restauratueros ac in primis conscientiarum libertatem bonam pollicemur. Datu-

N

ri DEO

ri DEO volente operam, ut pax alma
reflorescat, & tranquillitas publica
ac privata huic Regno post liminò re-
ducatur. Quas literas Nostras pro-
pter fidem, & certitudinem maiorem,
subscriptione manus Nostra munitas,
Sigillo quoq; Nostro communiri iussi-
mus, Datum in Castro nostro Coles
Monostrioriensi, die ultima Decembris
Anno 1656.

(L.S.)

Georgius Rakocius.

Michael Mikios,

Cancel: mpp.

Urbes mu-
nuntur
præsidij
Rakocianis
& Brade-
burgicis.

Quemadmodum verò Brandebur-
gicus in Maiori Polonia Calissium;
Posnaniam, Costenum, &c. ita Tran-
sylvanus in Minori Polonia Urbes
principales Varſaviam, Cracoviam,
Brestenum, &c. veniens cum exer-
citu, possederat, & suis iam firmarat
præsidij. Verum Supremo Regum
Dominatori, placuit Regnum suum
Poloniæ de manibus gentium, quæ
sibi

sibi non serviunt, paulò post vindicari, fugatisque e Polonia gentibus IOANNI CASIMIRO, Regi Poloniarum, fideli servo suo clementer restitui.

Ne verò quispiam dubitet aliunde, quam Sacrae Iconis deposito, Montem extitisse felicem sciendum est, ter quoque tentasse Suecum aggredi Monasterium Clari Montis, priusquam illud obsedisset, & Sacrum inde pignus moveretur, Calissio, Petricoviâ, Cracoviâ, ad occupandum illud expediendo Copias, semper verò occultâ virtute territum, ausus sui impietatem exhorruisse, & aliò divertisse. Eius demùm diei nocte sequenti, quò Mons Clarus Altare suum Sacrata Divinissimæ Matris effigie destitutum indoluit, Comes à Wrzeszczewicz catervis Suecorum stipatus tubarum horribili obstrepens clangore, constitit ad portas Monasterij. Apage hinc Iconoclastici Proxeneta belli, utcun-

*S. Imagine
ne consti-
stente in
Claro Mō
te Suecus
non valu-
it aggredi
Monaste-
rium.*

*post aspor-
tatam a-
lio Imagi-
nem S. pri-
ma nocte
sequenti,
Monaste-
rium ag-
gressus est
Wrzeszcze-
wicz.*

Poloni a- que te Catholicum simulas, non sunt
 nimo si o- Ierichuntina Virginei Montis mœ-
 res fiunt, nia, quæ hæreseon pertinaces insul-
 Claro Mō- tus tremant. Ianua cœli Porta hæc
 te servato est, lucis æternæ Pharus, filij tene-
 brarum non extinguunt eam. Por-
 rò Poloni, cùm vidissent divinitus
 Montem Clarum ab hoste servatum,
 maiore animi fiducia redierunt ad
 saniora consilia, Serenissimo IO-
 ANNI CASIMIRO fideliter
 morem gerendi, à quo non ita de-
 fecerant, sicut vitæ sanguiniq̃ue suo
 indulgentes, extremis angustijs à di-
 versis hostibus oppressi, secesserant
 in partes Regis Suecorum, qui se
 ad protegendum Poloniæ Regnum,
 in tam calamitoso statu venisse ia-
 ctabat his Conditionibus.

Conditio- 1. Ut Fides Sãcta Catholica in omni-
 nes, cum bus Articulis illibata maneat, Eccle-
 quibus Sue bus Articulis illibata maneat, Eccle-
 co ad hæ- siq̃q̃ omnes integræ atque immunes
 serant Po serventur. Episcopatus item, Abba-
 lioni. tia, & reliqui Cleri status suo iure
 gaudeant.

2. Liber-

2. *Libertates Nobilium, sanguine Maiorum parte, sicut antiquitus à Regibus collatae sunt, in suo vigore conserventur.*

3. *Bona Terrestria possideant Officiorum Praefecti, neq; miles transiens ea Stationibus gravet.*

4. *Ij, qui nulla necessitate coacti, à Rege desciverunt, non melioris sint conditionis illis, qui ad ultimum punctum ei fidem servârunt.*

5. *In nullius Equitis caput se viat quisquam causâ non iudicata. Proinde Iudicia Regni Tribunalia usitata, & Castrensia integra permaneant.*

6. *Bona Regalia & Reipublicae, penes praesentes possessores maneat, ijs exceptis, qui sub tempus belli deseruerunt Patriam.*

7. *Exercitui Quartianorum in omnibus integrè stipendium secundum dispositionem Comitiorum persolvatur, & hiberna militibus constituentur; in quibus ubi respiraverint, arma & alia necessaria bello instrumenta resi-*

*ciant, vel comparent, quò commodi-
ùs militent in posterum.*

8. Miles Regni nullo Sacramento
militiæ obstringatur.

9. Provincia à Regno bellis avul-
sa, videlicet Ducatus Russia, Podla-
chia, Volhynia, Bractavia, Kyovia,
Czerniechovia, & alia, & in ijs Ma-
gnus Ducatus Lituania quamprimum
à Regiâ Maiestate recuperetur quibus-
bus recuperatis, Hereditates & Offi-
cia publica restituantur.

10. Dignitates & Magistratus sint
presentium possessorum, & in posterum
solis Regni Incolis, non externis con-
ferantur: similiter Duces belli nati-
onis Polonæ creentur.

11. Quoniam verò fama increbe-
sit, quòd Serenissimus Rex Suecorum
cupiam potius alteri Regnum hoc ex-
aptet, cavebunt Domini, ut Regia
Maiestas sicut libere eligitur, ita præ-
sens per se Regnum nostrum admini-
stret, non per vices gerentem.

12. Committimus insuper Illustribus
& Ma-

& Magnificis DD. Nuntijs, ut circa coniunctionem cum Scythijs, conferant cum Regia Maestate, quatenus in eodem nexu nobiscum conserventur.

Quamvis verò hæ Conditiones, ac eas secuta submissio Protectori, operari effectum nec potuit, nec debuit, lege, vetante publicâ, absque Senatorum Ecclesiasticorum assensu, quorum in Polonia potissima est ab ipso Regni principio auctoritas, & in ijs proxima Regi potestas, Illustrissimi & Reverendissimi Domini, Archiepiscopi Gnesnensis, Primatis, & Primi Regni Principis, ad quem pertinet Reges concordibus omnium Ordinum Ecclesiasticorum, & Sæcularium suffragijs rite electos nominare ac promulgare, sicque promulgatos ungere, ac Regalibus insignire ornamentis: tamen in viscera Patriæ, callidâ specie protectionis illapsus, inexpectatus Regni Iurumque Patriæ oppressor armorum ostentans potentiam, cui con-

Conditio-
nes presen-
ta non va-
lebat absq[ue]
consensu
Cleri.

fusus rerum tumultus, tum properā suggerere non valuit resistendi facultatem, hanc eis necessitatem imposuit, ut vitam, coniuges, ac liberos servaturi, has scriberent Protectori conditiones. Interim Ecclesiastici Senatores voluntarium elegerunt exilium potius, quàm Regis Hæretici subscribere consilijs, aut votis aliqua in re assentiri. Videntes autem & Exercitus Regni, & Nobilitas universa, à machinatore vafro sibi fuisse callide impositum, nihilque ab eo quæ promiserat exsolutum, in defensionem Sanctæ Fidei, & Ecclesiæ Catholicæ primùm, deinde Libertatum Patriæ, concordivoluntate conspirarunt; moti præsertim auctoritate literarum Illustrissimi D. Regni Primatis supramemorati, qui quamvis cum maximis podagræ doloribus luctaretur ea tempestate, quando gravissimæ Regno incubuerunt calamitates, non tamen cogitationem, consiliorumq; curam ad fa-

ad ſalutem Patriæ reſtituendā, unquā
ſepoſuit aut intermiſit; imò non
longe poſt expugnata Metropolim
Cracoviam, ad omnes Palatinatus
diplomata tranſmiſit, & Nobilitatem
univerſam ad Regis latus & obſe-
quium ferventer invitavit, ut ex
ſubiectis literis ſatis eſt perſpicuum.

*Andreas Comes à Leſzno, Dei & Apo-
ſtolice Sedis Gratia, Archiepiſcopus
Gneznenſis, Legatus Natus, Re-
gni Polonia Primas, Primſugz
Princeps.*

*Literis Pri-
matis Re-
gni animā
tur Poloni
ad defen-
dendam
Patriam.*

Illuſtriſſimis, Perilluſtribus, Magnifi-
cis ac Generoſis DD. Senatoribus, Di-
gnitatibus, Officiorum quorūlibet
Præſectis ac toti Ordini Eque-
ſtri Palatinatus N. Dominis
& Fratribus.

BEne notum eſt DD. VV. quan-
tūm quiſque Veſtrum, DEO, Pa-
triæ, Regi, atque ſuæ poſteritati de-
beat: Nimirum ut DEO fidem, Pa-

N5

trie

tria amorem: REGI debitum obsequium, liberis suis à Maioribus tantopere quaesitam libertatem conservet; tamen officio meo, cui ex instituto Reipublica ab ipso Regni principio incumbit, ut Serenissimi Regis Nostri Maiestatem, cum amore populi, & libertatem populi cum obsequio S. R. M. coniuncta fideliter custodiam, & tuear; deesse in presenti Reipublica Nostra calamitate non potui. Cum igitur hoc maxime calamitoso tempore, quosdam à S. R. M. deficientes, quosdam perplexam ambiguitate nutantes, quosdam constanter in officio permanentes viderem, consideraremque attentius; quod varietatem hanc confuso status, Patrie ruina, Libertatis exitium continuo sint secutura, visum est mihi, Dominos & Fratres meos, pro fide, qua DEO, Regi, Patrie, obstringor, adhortari, & obtestari, per Patrie Vestrumque ipsorum amorem: ut exemplis Maiorum Nostrorum, & hanc in rem sanctis conspirationibus
eorum

eorum insistentes, & unanimi voluntate idem sentientes, ad usitatos Vestros Ductores, & Militie Magistros, unà cum illis hostem expugnaturi, ocyus convolare velitis, ad latus Serenissimi Regis Domini Nostri, qui non Regnum deserturus extra illius fines concessit, sed ut auxiliis auctior ad Ecclesiam DEI, libertates iuramento stabilitas, atque suam dignitatem propugnandam, magis rediret idoneus. Minimè igitur ambigo, quin DD. VV. cum magno animi dolore, ac facultatū Vestrarum detrimento, invitum imperium genti libera callidè obtrusum, detrectantes, & vitiorum exemplis cautiores, Serenissimo Regi Nostro ac Domino IOANNI CASIMIRO adherentes, omnes in solidum, pro DEO, & avitâ Maiorum virtute iugum tristis Domini sitis excussuri; eo enim pacto defensa Fide Sancta, à tot sæculis in Patria florente, necnon Libertatibus sanguine Maiorum partis vindicatis & ad posteritatem transmissis,

non ams-

non ampliùs unquam deferentes Dò-
minum liberè electum, Vobisq^{ue} Sacra-
mento obstrictum, nullam deinceps
nationi Nostra notam ignominie inu-
retis; eo præsertim attento diligen-
ter, quòd quemadmodum S. R. Ma-
iestas nihil prætermittit eorum, quæ
ad conservandam populorum salutem
pertinere intelligit, ita & ego, quan-
quam ob valetudinis imbecillitatem
ab ijs quæ isthinc sunt, incommodis
& periculis me ad breve tempus ne-
cessariò subducere debuerim, omne id,
quod muneris mei est in Patriam, nec
non in DEUM fidei, exequi sollicitè sa-
tago. Quòd ut certiore fide constet,
manu proprià præsentibus subscriptis,
Sigillum meum apprimi mandavi.
Glogoviae Minoris 17. Kalend. Novem-
bris, Anno Domini 1655.

Accepto deinde tristi Nuntio Se-
renissimus REX IOANNES CA-
SIMIRUS, Montis Clari Mona-
sterium obsidione cinctum, uti pi-
ssimus inter Christianos Principes,
cultus,

cultus Deiparæ propagator, graviter calamitate Patriæ indoluit; nihilo minus auxiliij Divini certus. Admodum R. P. Provincialem admonuit, ut suos animaret, dum afforent auxilia: & biduò post hostis in Clarū Montem adventum, expediri iussit literas, quibus excitaret Nobilitatem ad propugnandam Ecclesiam Dei, libertatesque ac immunitates recuperandas modum simul præscribens, quem in aggregando exercitu sequi deberent, omnibus qui sibi obtemperantes fuerint, malefactorum dictorumque oblivionem pollicitus, inobedientibus autem & perduellibus, severam animadversionem comminatus.

Porro post literas S. R. Maiestatis, & Illustrissimi D. Primatis Exercituum & Nobilitatis facta est conspiratio huiusmodi.

Non credat Orbis, nec quisquam
inducat in animum, inclytam
Polono-

*Confæderatio
Militaris
Quartiani
& Nobilitatis.*

Polonorum Nationem illecebrofis fœ-
 difragi Domini pollicitationibus ille-
 ctam, ab electo liberis suffragijs Rege
 defecisse unquam. in confesso est,
 quòd tam Serenissimus Rex, quàm
 Ordo Equester, simul adversà oppressus
 fortunà, in eas fuerit adductus an-
 gustias, ut ingruentibus ab omni par-
 te hostium, coniuratis exercitibus, in
 ultimum Reipublica Nostræ excidium,
 S. Regia Maiestas finibus Regni exce-
 dere, Status verò militaris cum Pa-
 latinatibus, habuerit necesse in pro-
 tectionem Regis Suecia concedere; cui
 secundùm animorum Nostrum obliga-
 tionem datam scripto, in omnibus fi-
 dem conveniebat servari, nisi prior
 ipse datam fefellisset. Enimverò quã-
 do consideramus, quomodo nulla penitus
 oblata sibi belligerandi Nobiscum occa-
 sione, contra fœdera per VLADISLA-
 UM IV. bonæ memoria Poloniarum
 Regem, Stondorsij cum Regno Sueciæ
 icta, Rempublicam armis aggressus est,
 & quantumvis ab universo iam exer-
 citu, &

Motiva Cõ
 fœderatio-
 nis.

itu & omnibus ferè Palatinatibus
protector fuisset consalutatus, omnēq;
protectionem, & Sanctæ Religionis Ca-
tholica observantiam promississet, ni-
hilominus intra breve tempus omnia
intervertere & convellere obtrusâ
specie protectionis cepit; iamq; diti-
ones Regni ab exercitu suo desolari,
curias Nobilium expilari, ac funditus
deleri, permittit, statum Nobilitatis,
& omnes alios exactionibus graviori-
bus quàm census ferant aggravat, &
eas absq; omni Comitiorum consilio ex
arbitrio suo mandat intra tempus ar-
ctum conferri. Magistratus & Iudicia
omnia, tam Ecclesiastica, quàm Secu-
laria, consuetudinibus antiquis & pu-
blicis firmata legibus pessundât, ac e-
orum potestatem ad Gubernatores
extranearum nationum, Nostri iuris
& Patriæ consuetudinis ignaros
transfert: qui delatos nec audita
nec iudicatâ causâ Sacerdotes æquè
ac Nobiles carceribus mancipare, Ty-
rannorum more trucidare, atq; bom-
barda-

bardarum globis discerpi decernunt. Ad hæc Templis Domini, thesauro, & omni splendore apparatusum spoliatis, Religiosos per modum inquisitionis, ubi reliquum Ecclesie aurum argentumq; fuerit repositum, varijs supplicijs & cruciatibus ad necem usque excruciat. Campanas nisi Summa redimantur intolerabili, pulsari prohibet. Basilicam ad extremum Potissimū Czesztochoviensem, non in Patria duntaxat, sed per Orbem Christianum, votis & p̄ys peregrinationibus celeberrimam, aliquot millium exercitum cinctam, sacrilego ausu oppugnat, & oppugnatione. mania tormentis arietat, diripiendi causa Thesauros DEI cultui Sacros. atque ut diruto hoc in DEUM, & eius Sanctissimam Matrem pietatis Nostræ fundamento, ausu maiori ad eliminandam prorsus de Regno fidem Catholicam progrediatur, & in eius locum introducat homines peregrinos, novis & diversis inter se de Religione opinionibus tumultuantes. Bona Reipu-

Reipublicæ benè meritis Civibus à S. R. Maieſtate iuxta ius commune ad tempora vitæ collata diſtribuit, expulſis (quibus integra fore pollicebatur) poſſeſſoribus. Bona Eccleſiaſtica confert Sæcularibus perſonis, uſq; diverſæ opinionis à rectâ fide, ademptis fructibus & poſſeſſionibus Eccleſiarum & Sacerdotum, ut laudem DEI ex Regno extirpet. Bona Regalia dedit adherentibus ſuis contra Privilegia, & datam fidem. Cum Principe Tartarorum pacta conventa & iuramentis ſtabilita negligit, imò iuratos Patriæ Noſtræ hoſtes ad armorum ſocietatem ſolicitat, ut nos iam tot calamitatibus fractos, in extremam perniciem bello Turcico implicitos trahat. In ſumma, quidquid Exercitui & Reipublicæ pollicitus eſt, ac literarijs instrumentis propriâ manu ſubſcriptis cavit, omne id incontinenti peſſundedit, feſellit, revulſit. Tempſa DEI, ſtatum Eccleſiaſticum & Equeſtrem, atque cunctos humillimæ

O
ſortis

*fortis Incolas Reipublicæ gravissimè
 oppressit. Antequam igitur tam du-
 rus fide levis & verbo inconstans Do-
 minus ulterius imperium dilatet, ac
 reliqua Regni munimenta sue pote-
 stati subijciat, antequam exercitum
 Nationis Polonæ in grave iugum le-
 gum Germanicarum immittat, omni
 conatu, & totis viribus ambitiose
 ipsius dominandi libidini obsistendum
 est; præsertim, quando Serenissimus
 Rex Noster IOANNES CASIMI-
 RUS liberis vocibus à nobis electus
 Dominus, certiores nos redidit, quòd
 integritatem Sanctæ Fidei Catholicæ,
 Ecclesiæ DEI, & Cleri immunitates,
 imò & libertates nostras, unà nobi-
 scum propugnare velit, & sit paratus
 cuivis discrimini pro incolumitate
 Patriæ, caput Regium obycere, ac pro
 parte sua insignes nobis suppetias pol-
 licetur. His itaque adducti ratio-
 nibus, pro innata Polonæ nationi er-
 ga Dominos fide ac observantia, ne
 ulterior templorum Domini desolatio,
 totiusq;*

totiusq; Patriæ squalidior devastatio
 sequatur, prospicientes omni protecti-
 oni memorati Regis Suecia prorsus
 renuntiamus, acta ipsius omnia re-
 scindimus, & quocunque nomine fa-
 ctas bonorum collationes, irritas, &
 nullius roboris esse pronuntiamus,
 ipsumque, & omnes quocunque mo-
 do sibi adherere velint, quantumvis
 sint Regni Cives, si respiscere nolint,
 hostes Patriæ declaramus, contraq;
 illum, & illos, pro fide Sanctâ Catho-
 licâ, & Ecclesia DEI, pro tam atro-
 cibus iniurijs damnisq; Reipubl: vin-
 dicandis, pro Iuribus, immunitatibus,
 & libertatibus Nostreis recuperandis,
 coniunctim omnes, tam exercitus sti-
 pendiorum exactiōe ad plenam Rei-
 publ: tranquillitatē reservata, quàm
 status Nobilitatis nullam iurium præ-
 teritorum modo quovis obtentorum
 rationem obtendens, via militarios
 processuros manifestamus, atque hoc
 in bello constanter edusque, dum Pa-
 tria integrâ pacem consequatur, man-
 furos

Declara-
 tur hostes
 Patriæ
 Sueci, &
 ei adhæ-
 rentes Po-
 loni.

furos nos submittimus & obligamus,
 omnesq; in hoc proposito conspiramus
 & coniuramus. Nemo Nostrum quen-
 quam etiam in gravissimo casu de-
 seret, nemo in alienas partes transi-
 bit, nemo ullas factiones, dissidia,
 segregationes, aut aliquos secretiores
 congressus molietur, nemo à signis de-
 sciscet, nemo clandestina consilia coget,
 nemo pernitiōsa Nostro nexui mediā
 tentabit, nemo separata conventicu-
 la congregari faciet, sed omnes cor-
 de unanimi, & voluntate constanti,
 laboranti Patriæ succurrere sanctè
 pollicemur. Et quoniam in hoc sta-
 Reipubl: confuso, non nulli Civium
 hætenus persistunt à Partibus Regis
 Sueciæ, & eius consilijs inharēnt, o-
 mnibus ijs ex certis rationibus uti
 Civibus Patriæ, amicitiam Nostram
 fraternè promittimus, dummodo cō-
 iurationis Nostræ certiores facti, an-
 tequam manus cum hoste conserverim-
 us, colligationi Nostræ sese adstrin-
 gant, & unā nobiscum hæreditarium
 hoc glo-

hoc glorie Divina Regnum, & Pa-
trias Libertates tueantur; qui ve-
rò contumaces perseveraverint, bona
eorum iudicio Ducum & Commissari-
orum subsunto. Insuper, omnibus iu-
re victis, foro abiudicatis, ac univer-
sis vilioris conditionis hominibus eti-
am aligenis, non tantum bene me-
rendi de Republ: locum damus, ve-
rum etiam occasionem offerimus ac-
cedendi ad prerogativas Nobilium,
qui iuxta vires in presenti Reipubl:
obsequio, rem praeclare gesserint in
nostro nexu permanentes. Atque ut
eò commodius securitati Reipubl: pro-
videatur, & eò solidiore fundamen-
to nitantur, suscepta consilia, Illustris-
simis, DD. Stanislao de Potok in Pod-
hayce Potocki, Palatino & Generali
Praefecto Terrarum Kijoviae, Supremo
Exercituum Duci, Krasnostaviensi &
Sokaliensi Gubernatori. Stanislao in
Brzezic Lanckoronski, Palatino &
Generali Praefecto Terrarum Russiae,
Duci Campestri Copiarum Regni, Ska-
lensi,

DD. Ducibus Regni
Commissa-
tur.

lenſi, Robatinenſi Gubernatori, adiun-
 gimus Commiſſarios ab Exercitu, Illu-
 ſtriſſimos, Perilluſtres, & Magnificos
 DD. Chryſtophorum Tyſzkiewicz, Pa-
 latinum Czerniechoviensem, Guber-
 natorem Zytomiriensem Andream de
 Potok Potocki, Caſtrametatorem Ge-
 neralem, Gubernatorem Vinnicensem
 Hiacynthum Szemberk, Gubernatorem
 Boguſłaviensem, Stanislaum Szuſze-
 wski, Gubernatorem Horodeſcensem,
 Stanislaum Domaſzewski de Vidlica,
 Iudicem Terreſtrem Luceoriensem,
 Venceslaum de Brzezie Lanckoronski,
 Equeſtrium Cohortium S. R. M. Ma-
 giſtros, & Ioannem Sawicki, S. Re-
 gie Maieſtatis veteranum militem.
 Singuli deinde Palatinatus ſingulos
 eligent numero ſuffragiorum Superi-
 ores, qui literis patentibus exhibitis
 electionis ſus, ac iuramento preſtito,
 locum quiſque ſui Palatinatus obti-
 nebunt in Conſilio, prout iam nonnul-
 li Palatinatus eiufmodi Commiſſa-
 rios elegerunt, dantes prædictis Illu-
 ſtriſſi-

ſtriſſimis DD. Ducibus, & eis adiun-
ctis Commiſſarijs, omnem poteſtatem
& iuriſdictionem, cum adminiculo &
conſilio DD. Commiſſariorum per Pa-
latinatus eligendorum, (qui omnino
adhiberi debebunt, aliàs nihil conclu-
detur) omnes facinorofos, & iuri pu-
blico ac Noſtro huic nexui repugnan-
tes, & quorumcunque ſclerum pa-
tratores omni appellatione remota,
iudicandi & puniendi, omnibus peri-
culis Reipubl: obviandi, conſilia qua-
vis agitandi, legationes expediendi &
ſuſcipiendi, cum extraneis Principi-
bus conferendi, ſocietatem armorum
conciliandi, pacta & fœdera conclu-
dendi, pecuniam conquirendi uſui pu-
blico, neceſſitati omni Patriæ proſpi-
ciendi, & demum, quidquid è re illi-
us fore perſpexerint, agendi, ſoli DEO
geſti negotij rationem reddituri. Eo
attento, quòd quicumque Illuſtriſſimo-
rum Ducum iudicijs & conſilijs præ-
ſenti Reipubl: ſtatui accomodatis præ-
ſidebit, illius una ſententia duarum

continebit valorem, ut sic omnia consilia maiore numero vocum concludantur, aliquorum absentia nihil obstante, quominus causa decidatur; qua nostra dispositione, nihil derogare intendimus Illustrissimorum DD. Ducum potestati, ac eius usui circa militarem disciplinam. Porro, ut hec iudicia, consilia, & reliqua negotia Reipubl: quam maximâ iustitiâ & accuratione tractentur, & nexustam Sanctus maiorē habeat efficacitatem, eum iuramentis ad aram maiorem in Ecclesia formulis inferius descriptis confirmamus.

Iuramentum Illustrissimorum
DD. Ducum.

EGO N. DEO in Trinitate uni, & Omnipotenti iuro, quod Officio mei Magistratus, & obligationi huius fœderis, mihi ab exercitu & incolis Regni imposita, pro viribus meis volo satisfacere, & quidquid ad officium meum spectat, secundum DEUM, conscientiam,

conscientiam, & ius commune faciam,
 nullum respectum privati cōmodi ha-
 biturus, nec de illo tractaturus. O-
 mnia negotia tam publica, quàm bel-
 lica, ad Reipub: bonum referam & di-
 rigam. Arcana ut Iudiciorum, ita
 & consiliorum omnium nemini pandam.
 Sic me DEUS adiuvet, & innocens
 Passio Filij eius.

Iuramentum Illustrissimorum
 DD. Commissariorum.

EGO N. DEO in Trinitate Uni, &
 Omnipotenti iuro, quod muneri
 Officij mei & obligationi, mihi ab E-
 exercitu, & incolis Regni, per præsens
 fœdus impositæ, satisfacere volo pro
 viribus, in consilio ac sententia, quam
 secundum DEUM, conscientiam, &
 ius commune feram, nullius commo-
 di privati, neque amicitie vel inimi-
 citie, munerum vel eorum pollicita-
 tionis rationem habebo. Factiones
 nullas faciam, sed ita in Iudicijs, si-
 cut & negotijs omnibus bonum com-

mune respiciam, iudicium conscientia
mea secuturus. Arcana etiam nulla,
tam Iudiciorum, quam consiliorum,
cuiquam revelabo, Ita Deus me ad-
iuvet, & innocens Passio Filij eius.

Iuramentum tam Exercitus, quam
Incolarum Regni.

NOS NN. DEO in Trinitate Uni,
& Omnipotenti iuramus, quod
secundum obligationem Nostram, Illu-
strissimis DD. Ducibus Nostris, &
DD. Commissarijs datam, pro fide, &
Ecclesia Catholica, pro Serenissimo Re-
ge Nostro CASIMIRO fido Nobis
Domino, Iuribus & Libertatibus Re-
ipubl. Nostrae, absque omni disiuncti-
one & dissidio, quamdiu Respublica
paci non fuerit restituta, & Nobiles
Fratres Nostri, in huius nexu fœde-
ris nobiscum perseveraverint, constan-
ter sub iurisdictione Ducum Nostro-
rum, & Commissariorum eis adiun-
ctorum, manebimus, nullas corrupte-
las, vel privatos respectus sequendo
nulla.

nulla conventicula cogendo, nec ulli
seditioni adhaerendo, sed DEUM so-
lum, & incolumitatem Patriæ præ o-
culis habendo, pro ipsius salute, No-
stram parati opponere. Sic nos DEUS
adiuvet, & eius Passio Sancta.

Iam igitur in Nomine Domini, uni-
versali & sanctè colligato nexui pa-
rentes, simul equos & arma capeſſa-
mus: quamobrem Generalem omni-
um Civium Expeditionem decernimus,
& Universalibus edictis paulò ante
promulgatis quæ etiam nunc confir-
mamus, hoc subiungimus; ut conti-
nuò se sistant omnes loco & tempore
destinandis, recenti mandato sub pæ-
na & ipsius executione, tam in persô-
nis, quàm in fortunis nexui Nostro non
obtemperantibus irroganda, quæ ma-
xima videri poterit efficacitatis Du-
cibus & Commissarijs Nostris ad re-
ducendos in officium contumaces, (eti-
amsi confestim in eos signa moveri de-
beant) quam nemini prorsus indul-
gendo executioni seriò demandabunt.

Quoni-

Quoniam verò de aliquibus Palatinatibus, & Terris Regni Nuntij designati ad colloquendum nobiscum, & vinculum firmandum adesse nequiverunt, ob grassantis hostis pericula, fraternè illos invitando, in fidem Nostram recipimus, quòd quamprimum in Nostrum consortium venerint, pramissis iuramentis eiusdem forma, locum, inter Commissarios habebunt. Et quemadmodum altissimæ Maiestati Divinæ demissè supplicamus, ut generalem hanc & sanctam huius Nostri consilij concordiam, intentione laudabili connexam, prosperare dignetur, ita minimè dubitamus, quin Illustrissimus Dominus Exercituum Magni Ducatus Litvaniae, Dux ac Incola plurimi, ad coniungendum vires eidem concordie sint parati eo studiosius quòd celerius in hostem procurrendum est. Et quòd Illustrissimi, Magnifici, ac Generosi DD. uti communis Matris & Patrie unius filij, Commissarios ad conferendum & communicanda nobiscum, consilia,

conſilia, quamprimùm expedient, plena ipsis attributa præmiſſa tractandi & exequendi facultate, ſalva per omnia Illuſtriſſimorum DD. Ducum & Commiſſariorum à Nobis electorum iuriſdictione & authoritate. - Hanc itaque conſtitutionem laudabilis iſtius nexuſ iuramento firmati, Illuſtriſſimis DD. Ducibus & Commiſſarijs ad exequendum & puniendum privatione ſalutis, honoris, & bonorum quoſvis repugnantes, damus, & omnia hic deſinita in omnibus punctis tenere & ſervare promittimus; ac proinde pro certiori ac graviore fide, valore, vinculum hoc circa ſubſcriptiones Illuſtriſſimorum DD. Ducum & Commiſſariorum Noſtrorum, aliqui per designatos à ſignis & Palatinatibus, aliqui proprijs manibus ſubſcribimus. Actum Tſzovicjs die 29. Debembris Anno Domini, 1655.

Edidit & alterum diploma, in quo frivolam ſuſpicionem evellit ex animis

mis nonnullorum Nobilium, qui adventare Tartarorum Copias auxiliares, in everfionem status Nobilium vulgi rumore incerto conterriti metuebant, tenoris eius.

Andreas Comes à Leszno, Dei & Apostolica Sedis Gratiâ, Archiepiscopus Gneznensis, Legatus Natus, Regni Poloniae Primas, Primusq; Princeps.

*Literæ Pri-
matis Re-
gni quibus
testatur
Tartaros
venire ad
succurren-
dū Patriæ,
non ad
subverten-
dum No-
bilitatem.*

Illustrissimis, Perillustribus, Magnificis ac Generosis DD. Senatoribus, Dignitarijs, Officiorum quorumlibet Præfectis, ac toti Ordini Equestri Palatinatus Dominis & Fratribus.

Certus sum, iam per Palatinatus ad plurimorum notitiam, tam diplomate S. R. M. quàm ipsa fama pervenisse quòd DEUS Opt: Max: auxilijs & consilijs humanis deficientibus, Omnipotentiam suam in hoc maxime manifestaverit, dum peccata Nostra ultus, misericordiam tandem

Nobis

Nobis clementer impartiens, per Tartaros & Kozakos, quos ante in ruinam Noſtram exciverat, ſalvare nos diſponit. verũtamen, quia fortassis S. Regia Maieſtatis literæ, ob viarum diſcrimina ad omnes pervenire non poterant, utile arbitratus ſum & meo dignum munere, ut divinum hoc beneficium omnibus luculenter iterum, annuntiarem. Proſectò ordinatione Divinã factum eſt, quòd Han Crimienſis, cum ingenti ſuorum exercitu Terras Noſtras ingreſſus, Chmielnicium ad obedientiam Sereniſſimo IOANNI CASIMIRO, liberis Noſtris vocibus electo ſub iuramento præſtandam, adduxerit, & cum eo coniunctis Copijs, ad debellandum quoſvis S. R. M. hoſtes, tenax utrinque pactorum ire velit. Innotuit ſimul, quòd Exercitus, qui nunc cum DD. Ducibus eſt, nunquam in deditionem alteri Regi conſentiens, & ſi quid contrarium per Superiores geſtum eſt, nullatenus approbans, in fide erga DEUM & Patriam

triam firmiter perseveret, ac inhæ-
 rendo S. R. M. lateri, ad extermin-
 andos eius hostes, libertates suas à
 Maioribus acceptas armis vindican-
 das, totamq; Patriam, è tyrannide,
 & oppressione hostium erendam, cõ-
 cordi voluntate conspiraverit. Qua
 militis incliti alacritate nixus Sere-
 nissimus Rex movit iam legiones, pa-
 ratus pro & cum illo salutem obycere
 periculis, semper alias hoc factururus,
 nisi ab omnibus desertus destitutusq;
 fuisset. Quoniam verò recens inau-
 divi, laborare plerosq; suspitione per-
 versâ, quam rumor aut ab ipsis ho-
 stibus, aut ab impijs in DEUM & Pa-
 triam Civibus hosti adhærentibus spar-
 sus ingessit, quasi S. R. M. in excidi-
 um status Nobilitatis legiones Tarta-
 rorum accersiverit, idcirco pro Officio
 meo Primatiali, ut gliscentis fama
 levitatem convellam, omnibus & sin-
 gulis DD. & Fratribus meis manife-
 stum facio, & meâ authoritate Pri-
 matiali contestor, nunquam hanc in
 mentem

mentem Optimi Principis cogitationem
venisse, qui enim exitium molitur
Patriæ illius, cui Natales Regios edu-
cationēq; debet, & cuius semper quā-
maximis studuit incrementis, si pri-
vatorum commodorum rationibus pro-
cul averruncatis, omnes hūc operam,
& consilia Nostra contuliffemus. Sin-
gulare opus est Divinæ bonitatis & po-
tentis, ut dum alij Christiani Nostra
pennitentie gloriantur, alij admirantes,
nullum adferunt subsidium, aut ad-
ferre fortassè differunt, salutem No-
stram operetur per eos, qui sunt ex-
tra Ecclesiam Christi, ut Christianis præ-
beant exemplum colendæ amicitie &
vicinitatis, & sic Omnipotentis dextera
labantibus porrecta, nequaquam sinat
interire Regnum illud, in quo præ a-
lijs Divinæ eius Maiestatis cultus san-
ctissimè floruit. Quod verò non ad
evertendum Nobilitatis statum, ve-
rùm ad debellandos hostes Serenissi-
mæ Regiæ Maiestatis & Patriæ, au-
xiliares Tartarorum legiones veniant,

P

experi-

experiuntur iam nonnulli Palatina-
 tus eius societatis fidem, dum se nul-
 lis vexari molestijs, nullis iniurijs af-
 fici à Tartaris queruntur, sed equè his
 atque alijs S. R. Maiestatis exercitibus
 eorum Copie associantur. Itaque Do-
 mini & Fratres mei, exuite omnem
 metum & suspicionem; potius verò
 exemplo S. R. M. spem in vestra vir-
 tute atque alacritate collocantis, Vos
 vicissim illius exercitibus prompti as-
 sociamini. Perspectum quidem est
 S. R. Maiestati plurimos malitià pec-
 casse; verùntamen, tam his, qui spò-
 tè, quàm qui pòtentia hostili adacti
 transferunt in partes Suecorum, indul-
 gentiam & benignitatem pollicetur
 Clementissimus Dominus; ita, ut nul-
 lum omnino cuiquam à suis, suog, e-
 exercitu, aut Tartarorum Kozakorumq;
 auxilijs periculum sit metuendum, ni-
 si qui oblitus DEI, Regis, ac Pa-
 trie, hosti pertinaciter adherere vel-
 let, quem nemo Civium Patrie stu-
 diosus & virtutis pateretur inultum.

Reassu-

Reassumite igitur animos, & dum
tempus iuvat, aureâ libertate instau-
ratâ, excussos iugo tyrannidis, & fœ-
de servitutis, aspersam nationi Orbe
universo labem & ignominiam abster-
gite; Nam etsi nunc hostes terrore
Tartarorum & fama exercitus ad-
ventantis paulò mitiores sunt, attamen
citò ad exequendum propositum
reversuri sunt, & non tantum statu
Nobilitatis, sed & nomine Polonorum
extirpato, abominandas quarumvis
hæreseon in Regni Polonia, semper fi-
dei Divina & Ecclesie Romana devo-
tum colonias inducturi. Hæc pro
muneris mei Officio DD. Vestris ma-
nifesta esse volui, per amorem non Pa-
triae duntaxat, sed illius etiam, cu-
ius pretiosissimo Sanguine sumus re-
dempti, obtestans, ut si quando, nunc
Vos Orthodoxos, Ecclesie Romane u-
niversalis filios genuinos, à Maioribus
Vestris minimè degeneres Polonos præ-
beatis. Ego ad Dominos & Fratres
meos festinus accurro, ut adversis

*compassurus, sic prosperis successibus
Vestris congratulaturus. Faciet DEO
auxiliante annus hic labens finem ca-
lamitatibus, & novis Patriam feli-
citatibus secundabit. Nisse tertio Ka-
lend: Ianuarij, Anno Domini, 1656.*

Atque hinc perspicuum est, Be-
atissimæ Deiparæ Virginis protecti-
oni, tam Montis Clari defensionem
quam Polonorum in ipsis incendijs
belli & Martio furore fortitudinem
novo divinitus excitatam impetu,
in acceptis ferri debere. Nam eo
ipso tempore, quo à Monte Claro
repentinâ trepidatione perterritus
& confusus discessit hostis, Poloni
congregati novo se fœdere adstrin-
xerunt ad sacrilegos eius conatus
reprimendos; ut vigor eorum ani-
mis, idem qui Claromontanis circa
defensionem inerat, eiusdem Vir-
ginis beneficio appareat communi-
catus, præsertim, quod suæ à præ-
tensò Protectore defectionis ratio-
nem potissimam afferant Montis Cla-
ri op-

ri oppugnationem, (quasi de illo omnia iam bona desperassent, & iuste metuerent, divina humanaq; iura funditus ab eo convulsum iri, qui Sancto Loco & miraculis celeberrimo minime pepercisset) veterum Divinae legis zelatorum in propugnandis templis & aris secuti magnanimitatem.

Est enim vis efficax maxime in omnibus recte de Religione sentientibus. ad permovendas & acuendas sacrorum profanatione in quavis pericula vires, in omnes ausus sese attollens. Lumen hoc ipsum naturæ, animis hominum insculpsit ut similiter intelligant nullam stare posse Civitatem, siue Rempublicam, nisi habeat separatos a negotijs profanis, & oneribus exemptos viros, quorum sit Officium Divinum Numen propitiare; ut dum quisque suis ex ordine invigilat muneribus ornandæ aut defendendæ Patriæ, Rex protectioni Regni, miles armis,

*Zelus anti
quorū in
propugnā-
dis legibus
Ecclesiæ &
Patriæ.*

arator arvis, aris incumbat Sacerdos; quatenus cætera Officia Reipublicæ: bene constant coelestis gratiæ ubertate irrigua. Neque vllagenus tam effera vel immanis extitit, quæ vt veri Dei notitia esset destituta colendum tamen non putaret animi corporisq̃ue cultu, sacrificijs, ceremonijs, ac ritibus exterioribus ad submissionem erga universorum Dominum, utriusque vitæ largitorem ordinatis. Hinc Numa Pompilius fundamentum iecit Romanæ Urbis, Sacerdotes, aras, & solennitates, quibus rite ut putabat constitutis, perpetuò staturam credebatur Rempublicam. Primi Adæ filij Cain, Abel, Noe, necnon Legis Mosaicæ professi, colebant Deum sacrificijs & ritibus externis, quos eis ipse præscripsit, vt umbram præferrent futuri legis novæ sacrificij. Ab ijs qui dissident, quomodo salutaria media Patriæ ad animorum coniunctionem afferre possunt, quibus cura est

ra est omnis in Religione dissidere:
cum tamen Religiosi quique ac De-
um timentes viri, semper legis Di-
vinæ oracula summâ fide ac constan-
tia tueri sacrosanctum habuerunt,
ne a Deo primum tum & ipsi inter
se dissiderent vnquam, & exerciti-
bus gentium superandis, coniunctis
viribus non essent impares. Pro eo
dederunt animas invicti, nec in sen-
tentiam Illustris Antiochi protracti
Machabæi, sanguine cultum Dei ob-
figantes: inter quos excelsi animi
fortitudine Mathatias eminebat, qui
impiam alienigeni cultus supersti-
tionem, in Patriam novo exemplo
inducentem indigenam, & thus a-
dolentem idolo, quod Patres ipsi-
us ignorarunt, ad aram ipsam gla-
dio confodit, simulq; Regis man-
data ad executionem vrgentem Præ-
fectum, vindictâ tuendi honoris
Divini accensus obtruncavit. Hanc
legum Divinarum & patriarum de-
fendendarum constantiam, proba-

verunt fornace Babylonica tres iuvenes fortunatissimi, qui ne auscultarent mandato Regis, in impiam & Patriæ inusitatam sese pertrahentis idolorum servitutem, tolerabiliorem ignis vim æstimarunt, vltroque flammis sibi paratas non detrectarunt, ne superinducta superstitione contaminarentur. Hac fortissimus Iudas Machabæus fratrum animos generose accendit, vt pro cultu veri DEI, & sacris Patriæ institutis, minime dubitarent gloriose potius occumbere, quam mala gentis suæ (quorum caput est prostrata veri DEI Religio, & Sancta Fides conculcata) intueri.

*Zelum antiquorum
emulatur
Poloni.*

Non dispar zelus sanctioris Religionis, Polonorum animos ab opugnato Cžestehoviensi Monte accendit, qui propugnandis aris templisque Domini, sed imprimis Basilicæ Claromontanæ, sangvinem vitamque generose devoverunt: fuitque tolerabilius bonis exui, fortunisque

nisque privari suis, quam Sanctæ
Fidei Catholicæ adversaria dogma-
ta sibi obtrudi, quod iam proclive
fuit Sacerdotibus electis, si Mons
Sanctus temeritate sacrilega ab Hæ-
retico contaminatus fuisset præsidio
Eminuit hoc singulariter in Sere-
nissimo Rege Nostro, ac Domino
Clementissimo studium, qui mora-
tus interea in Ducatu Opoliensi, o-
mnem sollicitudinem defendendo
Sacro Monti adhibuit, & convo-
cato Senatu, communicisque cum
eo circa tutamentum & conservati-
onem Patriæ consilijs. amicitiam
cum Principe Tartarorum confirma-
vit, eumque in societatem armorum
accivit contra Hæreticos, apud
quos nihil valeret Religionis auto-
ritas, sacra omnia profanaque pari
æstimatione reputantes. Nam &
miratos aliquos ex Scithis audivi-
mus, quæ fuisset Christianorum im-
pietas, Sacrum Locum armis ado-
riri audere. Confirmavit deinde

frequentius literis animos Nobilium, qui se tam sancto foedere obstrinxerunt pro Fide Catholica, & Ecclesia contra quosvis hostes pugnandi, ac ut in eo nexu permanerent, constanter admonuit; tandem collecto exercitu, auxiliaribus Copijs obviam ivit, quò coniunctis viribus, hosti per viscera Patriæ impune grassanti hactenus, & animo iam fluctuanti, maiorem incuteret terrorem. Atque ut hæc felicem haberet successum expeditio, Supremæ Universorum Domini supplicavit Maiestati, Votumque in Cathedrali Ecclesia Leopoli; ad aram Principem B. M. Virginis, intra Missarum solennia, Sacris tunc operante Illustrissimo & Reverendissimo Domino, D. Petro Vidono, Dei & Apostolicæ Sedis grãtia, Episcopo Laudensi. & Comite, ad S. R. M. Regnum Poloniæ, ac Magnum Ducatum Lituaniæ, cum facultatibus Legati de Latere Nuntio, in hæc verba

verba fecit, vniverſo, Clero & populo audiente, Senatu annuente, ac ipſo totaſque aula Regia verba Regis excipiente, ac ijs ſe ſimul obligante Kalendis Aprilis, Anno Domini 1656.

Magna DEI Hominis Mater,
& Virgo Sanctiſſima. Ego
IOANNES CASIMIRUS,
Tui Filij, Regis Regum, ac Domini mei, Tuaſque miſeratione Rex Sanctiſſimis Tuiſ aduolutus pedibus Te in Patronam meam, meorumque Dominiorum Reginam hodie deligo, atque me, meumque Regnum Poloniarum, Ducatum Litvaniam, Ruſſiam, Pruſſiam, Mazoviam, Samogitiam, Livoniam, Czerniechoviam, Exercitus utriuſque gentis, populos vniverſos Tue ſingulari tutelae atque patrocinio recomendo. Tuam opem ac miſericordiam hoc in calamitoſo anticipique Regni mei ſtatu, contra hoſtes Sanctae Romanae Eccleſiae ſupplex

*Votum Serenissi-
mi
Regis Leo-
poli factum.*

plex imploro. Et quia maximis beneficijs Tuis obligatus Impellor cum gente meâ ad novum idque fervidum Tibi serviendi desiderium, promitto deinceps, meo, Satraparum, populorumque nomine. Tibi, Tuo Filio, Domino Nostro IESU CHRISTO, me cultum & honorem Tuum per Ditiones Regni mei omnino propagaturum. Promitto denique ac voveo, me, ubi prapotentis Tuae intercessione, & Filij Tui magna miseratione de hostibus, & præcipue Suecis victoriam obtinuero, apud Sedem Apostolicam procuraturum, ut Tibi, Tuoque Filio, in gratiarum actionem quotannis dies hic solennis & festus, idque in perpetuum habeatur, daturumque cum Episcopis Regni operam, ut id quod promitto, à populis meis impleatur. Cum verò magno animi mei dolore luculenter videam, propter gemitum & oppressionem hominum conditionis

onis plebeix, in Regnum meum immissa à supradicto Iudice flagella, pestis, bellorum, & aliorum malorum per hoc septennium; promitto insuper ac voveo, me serio cum vniversis Ordinibus, pace constituta, rationes omnes initurum, vt à gravaminibus iniustis, & oppressi- nibus, populus Regni mei exima- tur. Fac, ô misericordissima Regi- na, & Domina, sicut eam mentem mihi ad hæc concipienda vota de- disti, vt gratiam apud Tuum Fili- um, ad eadem implenda impetrem.

Obortæ sunt lachrymæ populo audienti verba Regis, cuius exemplo & ipse magno animi fervore, pe- culiari se cultui Deiparæ Virgini addixit, (vt iam nihil alacrius au- diat, quam Beatissimam Virginem MARIAM Reginam Poloniae di- ci) & hoc omne brevi sibi affore victoriam certò spondit. Au- dijt Summus rerum Monarcha, pij
Regis

Regis vota; nam hostis non multo post fluctuare animo capit, & quâ versus exercitum circumducere, ac insigniter accisis per loca diversa Copijs, compulsus est in Prussiam reverti; maiori parte sui exercitus ammissa. Nec destitit Regum

*Circa SS.
RR. Maie-
states sin-
gularis pro-
tectio Dei.*

Supremus, qui olim per arcam Noe ne aquis diluvij periret, servavit genus humanum, Regem quoque ac Regnum Sacratissimæ suæ Matris protectioni commissum, in ulterio- ris belli discriminibus, per arcam fœderis Claromontanam, gentem ab extrema clade vindicando Polo- nam, manu potenti tueri. Beni- gnam eius in se manum ambæ Ma- iestates expertæ sunt: nam paulò post Serenissima Reginalis Maestas Dantiscum pergens, iamque in fini-

*S. Regina-
lis Maestas-
cum in Sue-
corum insi-
dias Sueco-
rum.*

bus Prussiæ Choynicijs consistens, cum in Suecorum insidias insperate incidisset, mirabiliter & verè Deo patrocinante manus eorum evasit, insidiantibus hostium Copijs partim

cæsis

caſis, partim captis, aut confuſis,
per Illuſtrem D. Stephanum Czar-
niecki, Caſtellaneum Kijoviense,
vt ideo Sereniſſima caſu admonita,
mutaverit itineris ſuſcepti propoſi-
tum, ac in Maiorem Poloniam re-
greſſa Califfium conceſſerit.

Porro REX CASIMIRUS *Regi CA-*
Suecum in Pruſſiam tum inſecutus, *SIMIRO*
poſtquam advertit urgente hyeme *abitus Ge-*
hoſtem per Præſidia fuiſſe dilapſum, *dano in Po-*
exercitum quoque ſuum belli in- *loniã præ-*
commoditatibus fractum, in hiberna *cluditur*
cum Ducibus Regni in Poloniam *per Suecos.*
dimiſerat, ipſe autem cum paucis
peditatus Copijs & armatura ſubſti-
terat Dantiſci. Quã prehensã oc-
caſione, Suecus, per educta celeri-
ter præſidia, omnibus itineribus,
circa Gedanum inſeſſis, Regi CA-
SIMIRO ab exercitu ſeiuncto,
vaſerrima calliditate in Poloniam
intercluſit regreſſum. Califfium
igitur regreſſa S. Reginalis Maieſtas,
vt advertit ob Regem à Regno dif-
ſitum

fitum, Rempubicam Polonam nondum solide pacata, novis ijsque gravibus seditionum periculis exponi, indixit subito Senatui, ut omni mora seposita Czeſtochoviam conveniret, secum consulturus, quomodo Regi intercluso subveniendum sit, ut Gedano eductus Regno ne novis exagitetur motibus, quantumcyus possit restitui. Destinaverat autem pro congregando Senatu Czeſtochoviam, Loci Sacri à Deo recte defensi felicitate permota, spem cum voto firmam concipiens, Deum Regi & Regno adiutricem porrecturum dexteram à Monte Claro, qui praesenti calamitoso Reipublicae statu, solus sub auspicijs Deiparae Virginis, superatis hostium conatibus stetit immunis, ut eius exemplo ad recte Patriae consulendum Polonorum excitarentur animi, & sub iisdem Divae Claromontanae auspicijs optatum belli exitum sortirentur.

*Clarus
Mons à Regina
destinatur pro
consilio Senatus.*

Adfu-

Adfuit Deus votis supplicum, nolens facere irritam spem Reginæ innixam consilio, nam ad primam notitiam Regiæ voluntatis primarij viginti quinque Senatores in Montē Clarum confluxerunt. Interea vero Illustris D. Czarniecki, Castellanus adhuc Kijoviensis, Vir magnus animo, & experiētiā militari, pro suo singulari ingenio, & generositate in Prussiam irrumpens cum multis hostium per Præsidia dispositos, & nihil hostile metuentes cæcidisset, ut & Sztembogium Generalem exercitus Suetici Gedano procul averteret, simulato quasi hostem metueret ex Prussia recessu, eum post se cum exercitu currentem longius abduxit. Quo facto ordinatis aliquot signis militum, qui cum G. D. Woynitowicz loco sui Sztembogio præirent, eum ulterius abducturi; ipse cum lectā militum manu ad latus declinando, omnem hostis solertiam celeritate

Rex CASIMIRUS dextera te Czarniecy Gedano in Poloniam re-ducitur.

Q ante-

antevertens, retrò versus Geda-
num perrexit, & Regem inde sum-
mâ dexteritate per devios & remo-
tos saltus eductum, Patriæ prius
reddidit, quàm Suecus elusum se,
sibiq̃ue ereptum Regem Polonorum
cognovit. Brevi intervallo tem-
poris, Senatui in Claro Monte con-
gregato, & quomodo Regi succur-
rendum esset consulenti, sistitur Rex
cum omnium lætitia minime spera-
tus; vbi mutato consiliorum pro-
posito, defendendæ & conservan-
dæ Patriæ intendens, cum Senatu
gravissima negotia, & quæ pluri-
bus Comitijis ægre componi pote-
rant, præcipue Moschōviticum, Deo
ad Beatissimæ Virginis preces con-
silia dirigente, cum omnium admi-
ratione intra paucos dies felicissime
composuit.

Sic irradiato Monte gratiarum
cælestium nitoribus, virorum ex
congregatione Senatoria Ordinis v-
triusq̃ue præcipui, recolligentes &
diligen-

*Poloni gra-
ti benefici-
orū Dei à
Claro Mōte*

diligentiùs considerantes præsentēs rerum in Claro Monte successus, nec non Montis ab hoste nuper defensi felices ac inexpectatos eventus, & advertentes eos Loco Sacro, non per humanarum virium potentiam, nec per difficilem naturā vel ingenio loci accessum, sed mere divinā bonitate, abunde (vt in omnes Dei munificentia diffunderetur) impensos, vniuersi in laudem DEI & Sanctissimæ Christi Parentis effusi sunt, non ingrati beneficij Divini. Multis tum favoribus Rex & Proceres, & in præsentī præstitis, & pluribus in futurum præstandis, Locum Sacrum profecuti sunt. Auctum ex S. R. M. peditatu ducentis quadraginta militibus Monasterio Præsidium. Pro centum quinquaginta Loci Sacri Præsidarijs, stipendium per Senatus consultum ex publico ærario consignatum. Munio Monasterij vt in meliorem formam reducta perficeretur, & no-

*Singularis
affectus Re-
gie Maie-
statis inLo-
cum Sacru*

vis exteriorius firmaretur propugna-
culis S. R. M. liberalitate decretum
Imò pio grati animi affectu in De-
um & Beatissimam excitati Serenif-
simi, non expectata meliori pacis
commoditate, quantum angustia &
calamitas temporis permisit, sine
mora, vallo & fossa cingi Monaste-
rium mandaverunt, omnibus qui
tum ad latus eorum convenerant,
operam & impensas certatim in id
conferentibus. Ipsæmet SS, RR.
Maiestates Magnum Imperatorem
Constantinum imitata, in honorem
Supremi Numinis, & Augustissimæ
Cœlorum Reginæ, manibus labori
consecratis, pro erigendo in fronte
Capellæ propugnaculo, terram &
rudera sarculis egerebant. Regum
institerunt exemplo Senatus & Au-
la Regia, magnam diei partem, ali-
qui dies etiam integros laboris exer-
cizio impendentes. Gynæceum in-
super fastum & molitiem domus Re-
giæ, eruendis evehendisque man-
cipiando

cipando ruderibus, seriò ac promptissime incubuerunt operi; cui & nomen hinc relictum. Regium Propugnaculum.

Post paucos autem dies ab adventu Regis Serenissimi in Montem Clarum contigerat Dominica Passionis, trinum apparuisse Solem in Meridie, visamq; simul duplicem Coronam Solarem candidam, quarum altera latius per aerem extensa cingebat cum Monte toto Monasterium, altera longe strictior versus Meridiem porrecta, ad orbem usque Solis fastigio pertingebat.

Omen felicitioris progressus.

Iucundum erat suspicientibus intueri cœleste illud spectaculum, eò quòd putaretur omen victoriæ certum, & evidens reconciliati furoris Divini argumentum. Quemadmodum enim ferale prodigium illud in Sole occiduo tertio ante anno visum, prænuntiabat gladij sæviciem, & atrocem humani sanguinis effusionem: ita candor Solis & Co-

ronarum insolitus, victoriosæ pacis
 palmas & trophæa amœnissima desig-
 gnare credebatur. Et cui dubium,
 ostentum hoc non ad mentem præ-
 sagientium successisse? Ex quo ete-
 nim Montem Clarum sub patroci-
 nium Augustissimæ Cœli & Poloni-
 niarum Reginæ subijt Rex Serenif-
 simus, amplissimis gratiarum cœle-
 stium donis, & Austriacæ Laureæ
 sufficientibus subsidijs auctus, ait
 felix & potens evasit, vt sui no-
 minis fama hostem exterritum fu-
 gaverit e suis ditionibus, & Regnum
 quod iam in multas partes divisum,
 atrocissime igne & gladio sæviendo
 hostis diripuerat, de manibus & im-
 manitate tot gentium feliciter vin-
 dicaverit.

Vide fera Polonorum posteritas,
 quanto tibi constitit emolumento
 cultus Beatissimæ DEI Parentis,
 quem vna cum Fide Orthodoxa Tu-
 us Apostolus S. Adalbertus, Ar-
 chiepiscopus Gnesnensis, & Martyr
 strenue

strenue promovit. Hunc si eadem constantiâ tenueris, alacri fervore promoveris, ac generoso pectore propugnâris, plurimum profueris Patriæ, Maiorum Tuorum vestigia præclare secutura, & eo pacto, vel ipsis Erebi satellitibus metuenda. Videat & miretur Orbis Christianus, quàm strenue Nostra Regina, eademque Cœli & Terræ Imperatrix, fidele sibi defendet Regnum, & quam præsentaneum ferat auxilium clientibus humanâ ope destitutis. Excitet Angelus Domini Exercituum Custos Poloniæ Coelestes Phalanges, ad æternum agendas Supremæ Numinis Maiestati vnâ nobiscum grates, pro tanto beneficio, & omnes hostes qui ad extirpandum cultum Angelorum Reginæ conspirârunt in polonia, potenti virtute deprimat. Iam ipsi hostes triumphati, Victoriosæ Virgini, & terribili, *ut Castrorum acies ordinata*, Imperatrici, perenne Mon-

Proverbia
Suecorum
de Czeſto-
chovia.

te Claro fixerunt trophæum; qui
dum ab oppugnatione ipsius rever-
terentur, ad elevandam vanitatem,
troſulorum fortitudinem iactanti-
um, novum commenti ſunt, non
ſine mordaci ſarcaſmo proverbium:
Vir es, abi oppugnatũ Czeſtochoviam;
& aliud quo importunis quibuſvis
cum execratione malum imprecen-
tur: *Apage Czeſtochoviam,* Quini-
mò plurimi viri graves teſtati ſunt,
percontantibus ſibi, qui de Czeſto-
choviensi Monafterio, ac eius ex-
pugnatione Sueci ſentirent, paſſim
à diverſis reſponſum: *Czeſtochovia*
virorum fortiffimorum Sarcophagus.

Et vere dixiffent extremum Sue-
ticæ fortunæ ſcopulum, ad quẽ
Regis Suecorum allifa po-
tentia, non ampliùs
aſſurrexit.

Benedicimus Deum cœli, & coram omni-
bus viventibus confitebimur ei, quia
fecit nobiſcum miſericordiam ſuam

O R A-

O R A T I O,

Quâ

STEPHANUS DAMALEWICZ,
S. Th. Doctor, Canonorum Regu-
larium Lateranensium ad S. NI-
COLAI Ecclesiâ Calissij Præpositus.

*Reverendis Patribus Claromontanis, Or. S. Pauli
Primi Eremitæ, insuperabilem tolerantiam
Obsidionis Quadragenariæ gratulabatur.*

Quemadmodum procellosis hacte-
nus iactati bellorum tempestati-
bus, Virgineum Sidus Montis Cla-
ri suspeximus, non aliunde certi-
us afflictis rebus Patriæ auxilium expectan-
tes; ita oriente iam optatæ consolationis
aurora, non dissimiles oscinibus dulci can-
tu eam salutantibus, pro agendis immor-
talibus Maiestati Supremæ gratijs, æquum
est maximè, ad eundem Montem cum fau-
stis triumphantium applausibus accurrere:
ut vnde flumina beneficiorum exeunt, il-
luc sancta revolutione gratiarum rever-
tantur. Impium est diffiteri, quod non
sola exclusi mortalitate, verum etiam ipsis
creatæ naturæ circumscripti finibus, pares
ad hoc exsolvendum gratæ voluntatis of-
ficiū vires asferre nequeamus: at sacri-
legum

legum prorsus, maximis beneficijs, quæ sumus ope Gloriosissimæ Deiparæ Virginis consecuti, obstinato silentio grati animi testificationem velle conscriptam. Bis puer loqui non audeo, tacere ingratus non debeo. Tuum est, ô Magna Supremi Numinis Parens, quod vivimus, Tuum, quod hostis non humana perterrefactus potentia, Clari Montis oppugnationem necessariò intermisit. Tuum quod Tuis laudibus devota Polonia, ex imis busti evoluta cineribus, attollere gloriosum caput triumphis occœpit, & quidquid boni deinceps Nostra Respublica sperare potest, totum id Tuæ propitiationi ferendum erit in acceptis. Semper ac libenter fatemur, à prima Tua Montis Clari tutela. tot & tanta nobis obvenisse beneficentiæ commoda, ut nulla unquam temporis longinquitate, pro profunda seræ posteritatis è memoria possint eradicari, nulla penitus oblivione deleri. Atqui parum est acceptorum meminisse, nisi eis obstrictus quisque perpetuum præconiorum erigat monumentum. Sed quantumvis perennius ære, auro, & quovis marmore Oratorum Poëtarumque durant elogia; nulla tamen dicendi vis, nulla ingenij fecunditas, ad Tuorum magnitudinem

dinem beneficiorum colendam & prædicandam; idoneam suppeditare poterit facultatem. Nam quòd ab eo Monte, tot claudi tanquam cæui salierint, recepto gradiendi munere, tot cæci restitutis oculis lumen cæli suspexerint, tot ægri ope medicorum desperata sanitatem recuperaverint, tot energumeni Tyrannide inquilini pessimi Cacodæmonis fuerint liberati, tot suffocati aquis, ignibus combusti, cædibus hostium & varijs casibus interempti, luce præfenti ac vita donati fuerint, hæc beneficentia, pluribus alijs locis Tua Imagine celebribus, vfitata, plurimorum calamos, & ingenia viresque dicendi fatigavit Oratorum, æquè ac Poëtarum; vnum hoc, ob servatam Poloniam, ab imani Hæreticorum feritate, in excidium Religionis Orthodoxæ coniurata, quis tam sublimè Gigas in cælum attollet trophæum! Laudetur Summus Exercituum Dominus, qui cervicibus nostris impendentes ab hostium furore acinaces, dextera potentix suæ retorsit. Laudetur & terribilis vt Castrorum acies ordinata Virgo Deipara, quæ superbam Hæreticorum fregit audaciam, depressit temeritatem, perrupit insolentiam. Mille mille triumphi resonent Gloriosissima Cælorum
Terra.

Terræque Imperatrici, ob Poloniam è Tar-
 tareis faucibus ereptam, & Hæresim turbu-
 lentorum consiliorum machinatricem pro-
 fligatam. Verùm enim verò iam Supremo
 rerum omnium Monarchæ, & Magnæ Dei
 Hominis Parenti peractis gratijs, ad Vos
 Religiosissimi Patres segregis exempli, Pri-
 mi Pauli Eremitæ pij Sectatores, & cœle-
 stis vitæ sub polaris stellæ regimine strenui
 Duces, fideles Clari Montis Excubitores,
 & infracti robore sacræ militiæ Candidati,
 mea properat Oratio: quæ, ne incerta
 exeret orbita, duobus polis sive cardini-
 bus honesti, fortitudinis videlicet atq; pru-
 dentiæ circumagant, ac virtutis utriusque
 decus in gravi obsidionis hostium tolerantia
 Vestris animis promicans, prædicare cona-
 bor: quin aures benevolas & arrectas sitis
 daturi, de gloriosa Vestra dicenti victoria,
 minimè addubito. Dabitur veniam effec-
 tæ iam senis Oratoris eloquentiæ, si laudes
 Vestras, pro eo ac deberet, vosque merui-
 stis, exæquare facundiâ non poterit, & pro-
 ptos balbutientis linguæ in Vestra præconia
 labores, non virium imbecillitate, sed ob-
 sequiosi officij studio æstimabitis; ita, ut
 quod mei conatus excelsi mente, viribus
 exigui non assequantur, Vestra benevolen-
 tia, &

via, & alacri voluntatum erga dicentem propensione, censear affectus.

Si cuius virtutis insignibus extollendis, sacri profanique insudant Oratores, fortitudini profectò tantum tribuunt celebritatis, ut una omnium, quæ maximè salutaria hominum societati ad benè beatèque vivendum possunt conducere media, videatur esse complexa: tantoperè, ut cæterorum honesti fontium laudes, iure quodam principatus, sibi vendicare possit. Nec iniuria: nam si ad iustitiam pertinet ius suum unicuique tribuere, (quod quidem officium ad tranquillitatem generis humani conservandam, quàm sit accommodatum, nemo non videt) quomodo tribui poterit inter cives, nisi ad illud defendendum vires animi magnitudo suppediret, & studiosa civium pectora, invicti roboris constantia, ad Patriæ iura libertatesque illius propugnandas obarmet? si modum à ratione præscriptum in omnibus actionibus tenere, modestia sive temperantia persuadet; quoniam pacto & quis tenebit, nisi quem vis animi excelsi, supra rerum humanarum fastigium extulerit? ut neque poeniteat, ex ijs quidquam amisisse, neque in accumulatione desiderabilem, nimium amet prosperos secundæ

eundæ fortunæ successus. Lynceis oculis perlustravit commendationem fortitudinis Romanæ facundiæ parens Tullius, qui humanæ vitæ recensens officia, inter ea splendidissimum pronunciare nullus ambigit, quod animo magno elatoque magnæque res despiciente factum sit. Celebre hoc Elogium, non minus ad virtutis ipsius appositæ dignitatem, quàm ad veritatis Oraculum Apollinis trypode divinius inscriptum. Enimverò, si fortitudo præstat magnanimitatem in arduis, fiduciam in adversis, securitatem in periculosis, magnificentiam in dubijs, constantiam in prosperis, tolerantiam in gravibus, firmitatem denique in perplexis negotijs, quantam putatis, & quàm excelsarum virtutum trahit in sua præconia catervam, tot filiarum fœcunda Mater? Illa navum agricolam, ob spem feri fructus, graui & longo labore subigentem arua, vt canat, excitat; illa splendorem Dynastis invicti animi magnitudine conciliat, illa robur omni vitæ officio necessarium promovet & conservat. Illa est certum ærumnarum solatium, illa calamitosæ tempestatis anchora, illa semen gloriæ perpetuum, vt non immeritò eloquentissimus ille Romanorum Philosophus, lucum quendam coelis

scelis omnibus superiorem, ubi Beati ævo
sempiterno fruuntur, attribuerit illis, qui
aditum in Patriam, fida pectora opponen-
tes pro eius incolumitate, hostibus inter-
cluserint, nihili præ illius amore res hu-
manas, vitam, & sanguinem æstimantes.
Hæc permoti virtutis excellentiâ, & non
intermorigaturæ unquam gloriæ siti ardentes,
quævis terribila, impertetitâ mente sunt
aggressi gens Martia Romani, qui nullum
genus mortis, quæ omnium timendorum
maximè terribilis est, exhorruerunt, cuius
fortiter appetitæ, celebres haberent qua-
vis posteritate laudatores. Hæc, Curtium,
in abditissimos voraginis nulla congerie
telluris explendæ recessus, iniecit. Hæc
Fabricios paucos potentes, ad Orbis impe-
rium vocavit. Hæc fortissimis Scipioni-
bus, ad veterum ornamentorum titulos,
post superatas maiores Orbis partes, nova
cognomenta Affricani & Asiatici superaddi-
dit. Hæc Mutiorum, Brutorum, Decio-
rum, Fabiorum, Curiorum, Catonum,
continuat per tot sæcula præconijs, à ve-
tustissimo ad nostram usque memoriam ævo,
nomen & gloriam transmisit. Verumenim-
verò, quid iuvat eorum percensere laudes,
qui tantum, à veræ fortitudinis absunt elo-
gijs, quan-

gijs, quantum à participatione Divinæ gloriæ, quæ sola solido fundamento illustrem à Clarissimis Viris rerum gestarum excipit immortalitatem, sunt extorres. Fatuos isti perituri splendoris confecti sunt ignes inanem popularis auræ captantes fumum, & pro magno ducentes prothymiam, si eorum facta, tempestate succedanea hominum durante memoria, recenserentur; de quorum tum laude plurimum quandoque detraxit, aut imbecillitas animi, vitam in periculis fastidians, aut desperati mediorem ad evadenda discrimina successus, aut ignotus vitæ melioris amor, aut impotens vlciscendi hostem cupiditas, ut ambitus ab ijs splendores, non parum caligo temeritatis, vel etiam stultitia oberrante immoderatus impetus obfufcârît. Illa illa demum vera est fortitudinis gloria, quæ nullis mortalitatis terminis potest circumscribi, nulla obliterari vetustate, nulla dubiæ, fidei periclitari memoriâ, quæ beato ac æterno ævo perseverat, & devictis hostibus, cœlestis Patriæ Civium, eandem ob causâ sēpiterna felicitate triūphantium, cultores suos in naturæ Divinæ cōfortiū, Sūmo DEI Opt: Max: beneficio, elevatos cœtibus in terferit; quæ in præsens pro veritatis Supremæ Oraculis asserendis

serendis pugnat, ritus avitæ Religionis
tuetur, aras & Tempa defendit, veri Nu-
minis honorem zelat, iura & immunitates
Antistitum conservat, nullumque discrimen æstimat, cui non caput, studio Divinæ laudis amplificandæ animosè obijciat.
Quâ in re fidei Divinæ in Nostra Polonia,
Duces, & Authoritate Sedis Apostolicæ
vncti Reges, (verbo absit invidia) præ-
iverunt Christianis Principibus exemplo,
Miecislai, Boleslai, Vladislai, Crispi, Præ-
mislai, Loctici, Jagellones, Casimiri; quo-
rum triumphus Orbi Christiano sunt notio-
res, quàm infans lingua, eorum præconijs
celebrandis sufficiat. Dicerem hic Tuas
laudes Audax Boleslæ, si constaret te, a-
trociter occisi Sancti Stanislai Cracoviensis
Præfulis, culpam & pœnam diligenter ex-
piasse. Tua verò tacere nequeo præconia
Boleslæ Chabri, qui cùm Sacra Fide susce-
pta simul militiæ instituisti acies invictas
Polonorum, vt ad Sancti Evangelij lectio-
nem, exsertis ensibus se pro ea mori para-
tos denuntiarent: quem fidei propugnandæ
zelum, abundè sic remuneratus est Or-
bis Supremus Monarcha, vt te quadraginta
victorijs triumphantem in terra, æterno
accensuerit cœlestium victorum, vt credi-

R

tur, tri-

tur, triumpho. Quid vos Vladislai memorem? quorum nomen ipsum celeberrimarum victoriarum omen est. Quadraginta millia primus ad Pſcovece hostilis exercitus cecidit, & Scharium trium hastarum, quibus in eo prælio transfixus erat, ornamento decoravit. Secundus quinquaginta signa cum cepisset, totidem millia militum ad internecionem delevit. Tertius glorioſe pro defensione fidei ad Varnam occubuit. Quarti recens est victoriarum memoria, quæ multorum Scriptorum ingenia lassavit, typorum notas obrudit Chalcographorum præla depreſſit. Fecerunt illi, ut Noster Serenissimus Rex IOANNES CASIMIRUS, inter extentas Provinciarum ditiones, gloriosior, de tot tantisque hostibus obtentâ victoriâ triumpharet. Sed iam Regum fortitudine commemoratâ, etiam eorum saltém meminisse deſcet, qui nostra memoriâ aliquid consilij vel opis attulerunt, eodem fidei defendendæ, quo Reges ipsi zelo inflammati, Zamoyſcij, Zoſkievſcij, Chodkievicij, Wiſniovſcij, Koreccij, Chmielevſcij, Koniecpolſcij, Kalinovſcij, Potoccij, Piaſecini, qui omnes huc suos direxerunt in propugnanda Patria conatus, ut integritatem

tatem
& vit
tibus
Sed er
comm
mi con
immo
aliqui
culi, u
digni
ginæ
ctedu
non e
tamē
quaru
se vid
ille,
pellab
legun
tenax
dactu
deind
vectu
agme
Sacro
rus a
Patr
moti

ratem Religionis Orthodoxæ tuerentur, & vitæ sangvinique pro eius asserendis ritibus & libertate, minimè indulgerent. Sed enim, quia mea in Vestræ fortitudinis commendationem debet Patres Religiosissimi converti Oratio, non est quod diutiùs immorer exemplis ijs cõmemorandis, quibus aliquid præstare potuit humana vis adminiculi, utpotè coniugũ, liberorũ, fortunarũq; ac dignitatũ defensio; ad diviniõis proinde paginæ Herdès de sacra dicetĩ militia sermo flectendus est, in quibus quãvis hæc cõmemorata non defuerunt ad fortitudinẽ incitamenta, tamẽ ita Divinæ gloriæ zelus eluxit, ut reliquarum cogitationũ motus omnes absorpsisse videatur. Subit proinde animum Razias ille, quem honoris causa Patrem Iudæi appellabant, grandævus senex, & patriarum legum atque consvetudinum satis superque tenax, qui ab impio Nicanore ad incitas reductus, gladium in pectus adegit primum, deinde altiore Divini spiritus impulsu proventus, illa muro defiliens super hostium agmen fudit, certum indignationis super Sacrorum contaminatione posteritati daturus argumentum. Quid verò aliud Vos Patres fortissimi vrsit, vt loco staretis immoti, certò non admitturi Hæreticorum

præsidium, nisi gravis metus sacrilegæ Divinarum rerum profanationis? Effuditis toties viscera, pro Templo & aris, quoties indignanti moram hosti, responsum nullis peterrefacti minis, aut impendentibus periculis dedistis, Iudæi Machabæi fratres ad pugnam adhortantis exemplum & vocem secuti. *Melius est nos mori in bello, quam videre mala gentis nostræ & Sanctorum, sicut autem voluntas fuerit in cælo, sic fiat.*

Reditivum nobis exemplum in Vestræ pietatis zelo ferventi, Zorobabelis, Esdræ, ac Nehemiæ, aliorumque Principum illis coævorum illuxit, qui inter impios hostium adversantium gloriæ Dei, ac in Templo Domini Ierosolymis reâdificando conatus, non desponderunt animos, sed alacrius inchoato insisterunt operi, una manu trullas, alterâ gladios ad violentiam reprimendam tenentes. *Nova bella in Monte Claro elegit Dominus, liceat mihi Deborah triumphatricis pæana usurpare, quando unus Chorus ascetarum precibus ritu publico exsolvendis invigilat, alter tormenta librat; copias peditum per muros disponit, sphaeris ferreis machinas infarcit, animos militum acuit, ordinat excursus, admolientis hostis oppugnatorias loricas globis perrupit,*
cohor-

cohortes hoſtium perturbat, fulminantes
tubos in præcipua exercitus capita dirigit,
rudera, terram, lapides, fiſis murorum vo-
raginibus oggerit, & naviter omnibus Mar-
tis officiis idoneis ad deſenſionem Templi
Domini, Matrisque illius Puriffimæ cultus
propugnationem incumbit. Sed hem no-
va belligerandi ratio! quis unquam ſimili
uſus Imperator? quis vidit exercitus? quis
audivit aut ſcripſit Hiſtoricus! Reboant
fulminantes machinæ, cœleſtes imitatæ fra-
gores horrenda tonitrua, quid Vos? ſua-
vi plectro, dulci barbito, iucundo Sym-
phoniacarum tubarum, tibiærumque cantu
in odeo turris altiffimæ, ordinatis Sacro-
rum Hymnorum concentibus, eorum po-
tiſſimum, qui laudes Virginis Matris Glo-
riofæ continent, rigidum Martis furorem
temperatis. Diceret aliquis non imme-
ritò, ad fortitudinis prodigium attonitus,
adoleſcentes in flammis Babylonicæ forna-
cis tripudiare, quod nonnemo admirans
ex hoſtibus dixit, Æſopicarum cochlearum
domibus incenſis cantantium, lingua petu-
lanti cavillando levitatem; non expertus
integræ mentis convivium & veræ in Dei
auxilio fiduciæ imperterritam ſecuritatem.
Magna hæc eſt, quàm humana dicendi u-

bertas prædicare consuevit fortitudo: at
 Vestra eò gloriosior, quò maiore animi cõ-
 tentione, ad summum cum ea Divinæ cha-
 ritatis fastigium, nec irritò conatu ascen-
 distis. Quid enim? Supremæ Veritatis O-
 raculum est: *Maiorem charitatem nemo ha-*
bet, ut animam suam ponat quis pro amicis
suis: si summus hic amoris gradus est, pro
 totius amoris & boni fonte toccumbere?
 quæ iam vis eloquentiæ mortalium, Vestrâ
 tot tantisque pèriculis, & toties tentatam
 Divinæ charitatis constantiam celebrabit?
 quoties hosti deditionem flagitanti, Vestrâ
 promptitudinem moriendi pro Dei gloria
 obtulistis. tot Martyrij Laureas invicti a-
 thletæ Christi emerulistis. Vivite vivite,
 sempiterna in cœlesti Capitolio Corona
 beandi. Tu verò Nchemia Senex, veteris
 Synagogæ Protector, laudandus mihi recur-
 ris huc, iure meritò, quando excelsi tui
 animi robur, in mente sublimi AUGU-
 STINI KORDECKI, Claromonta-
 ni Prioris, ad amussim Divini spiritus o-
 perâ, video ac veneror expressum. Quan-
 tùm Tua hæc vox valuit ad exterrendos
 & confundendos veri Dei cultus hostes in-
 fensissimos. *Deus Celi ipse nos iuvat. &*
vos servi eius sumus: tantum in ore Prio-
 ris Cla-

ris Claromontani utiliter ad confirmandos
Fratrum Nobilitatisque animos potuit. *De-*
us ipse iuvabit nos, & Magna eius Parens, mo-
dicum quid ærumnarum pro eius gloria susti-
nete. O summam excelsi animi potentiam!
ô invictum constantiæ robur! ô admiran-
dam cœlestis auxiliij spem! ô inexpugnabi-
lem in arduis periculis magnanimitatem.
Viluisse visa fuit nonnullis apud ignavam
& degenerem posteritatem, Maiorum par-
ta victorijs libertas, nisi recens effuso san-
guine à Clarissimis quibusque viris fuisset
redempta, quis Dux & author redemptæ?
Patres Claromontani. *Ædes Sacrae, the-*
sauris & omnium splendorum apparatus
expilatae ac exutæ, extremos expectabant
cineres, quis obstitit? Patres Claromon-
tani. Exilium, Religio Catholica, & pro-
scriptionem è Regno, quod olim ipsa con-
stituerat, timebat, quis prohibuit? Patres
Claromontani. Patriam ipsam, si loqui
posset, non alijs usuram verbis ad referen-
das Vobis grates quàm his crediderim.
Maximas Vobis & perennes unà cum filijs,
& Civibus servatis, ago gratias Religiosi
Fratres Primi Pauli Eremitæ, illustres Cla-
ri Montis Incolæ Magnæ Dei Matris fidi
Clientes, meæ salutis apud Deum singu-

lares Patroni, quòd furori hostium in Religionis Sacrae ac mei excidium ruenti tantà fide atque constantiâ restitistis, ut facile intelligat Orbis Christianus, à paucis, Divinitus affulgente auxilio, innumeraibilem multitudinem Copiarum posse devinci. Vos Filios meos ad Patrum vestigijs hærendum fortissimo exemplo impulistis, & ut arma in hostem per viscera mea grassantem generosè sumerent, strenuè præivistis. Vos repentina Hæreticorum potentiâ, prostratos afflictæ Nobilitatis erexistis animos, & erectos assiduis apud Supremum Numen votis & supplicationibus piè confirmastis. Ibit ibit in feram posteritatem Vestri facinoris heroici gloriosa memoria, neque mea in remunerando tanto sumptu, ac rebus tam præclarè gestis, grata unquam desiderabitur voluntas, Nulla Vestram hanc fidelis obsequij ac impendiosi promptitudinem consepeliet oblivio, nulla temporis longinquitas, aut invidiæ liuentis caligo, longè latèque Montis Clari iubar promicans obscurabit. Perennabit Vestrae victoriæ decus, & quacunque parte Orbis audietur, servate à Regina Cœli Poloniæ nomen, semper Principatum meæ salutaris lætitiæ illustre

illustre Clari Montis fastigium obtinebit. Hic mea in posterum in procellosis bellorum fluctibus iacietur anchora, hic vernabit in ardua calamitate spes, hic donaria beneficentiam Summi Numinis & Virginis Matris, omni ævo secuturæ posteritati prædicabunt. Mœnia ipsa tam citò post abiturum hostium resecta, inusitatâ gestire videntur lætitiâ, dum suæ tempestatis oblita, novam induerunt faciem, quâ quosuis deinceps adventantis hostis ridere possunt conatus & molimina. En sumus (aiunt) quis Hector, quis Achilles, quis Scipio Numantinus, quis Cartaginis everfor, quis Pelopidas Annibal, aut Epaminondas, nos arietet? Stamus ad ictus machinarum fulminatricum imperterrita. Sed enim dum longius in vastissimum Oceanum Vestra fortitudinis provehor, subit animum vis Bisantinæ olivæ, inter incendia nullum passæ detrimentum, quinimò aduersitate fecundioris: sic Vestra vires ab hostibus tot machinamentis melius diurnâ patientiâ exercitatæ & exagitæ, virverunt. Unde enim illa maximis in periculis in turris fastigio Musica, quæ in luctu esse importunam Sacra prodiderunt Oracula: Inde faces ardentes micant, hinc suavis E-

cho resonat; inde tonitrua remugiant hinc-
 concentu blando mulcentur aures; inde
 glandes ferreae volant, hinc dulcis animo
 forti, serena ridet tranquillitas. O invi-
 ctam generosi animi fortitudinem, pericu-
 la contemnere, ridere, ludibrijs excipere,
 quando non ludicra petuntur præmia, sed
 sanguis & vita in censum venit ditissi-
 mum, & terror fulmineus hosti confirma-
 to, spem victoriæ, & maiorem ad oppu-
 gnandum Cœnobium audaciam submini-
 strat.

Ad prudentiam deinde Vestram, qua
 humanæ capacitatis excedit modum, acce-
 do, nihil præclarum aut dignum laude geri
 posse sine illius directrice facultate, in cõ-
 fesso est apud omnes, qui beatè vivendi
 normam penitus introspexerunt. Ea ni-
 mirum est consiliorum moderatrix, virtu-
 tum auriga, magistra vitæ honestissimæ, re-
 rum gerendarum dux, perspiciendarum tru-
 tina: quæ stant vrbes, firmantur leges, æ-
 quum decernunt Iudices, sceptrâ tenent
 Reges; illa oculus futuri, præsentis nego-
 tij manus, antecedentium temporum cum
 sequentibus provida temperatrix. Hanc
 qui desideraverit in viri fortis facinoribus,
 non rectè functurum officio sanè iudicabit;
 imò re-

imò temeritatem dixerit, aut insanæ audaciæ proterviam, qui abique illius directione vela ventis, & animum rebus agendis accommodaverit. Multa ea persuadente atque dirigente, Vobis erant consideranda Patres Admodum Reverendi, circa fortitudinis laudem in medio statuendam. Quis enim est tam iudicio tardus, aut ingenio hebes, qui pensatâ humanarum rerum imbecillitate, non Vos primo cœptorum intuitu, temerarios in re præcipiti, & iam poenissimè desperata æstimaret Triarios. Ita quippe ratiocinari poterat, ut fecerunt iam plerique de Vestra constantis animi magnitudine metuentes. Quid tandem isti Patres agunt tanta potentissimorum hostium circumfusi nube? Notior est Orbî Suecorum potentia, quàm ipsi domi habeant vires exploratas. Annis triginta incubuerunt Imperio Romano, bello graves. Florentissimum exercitus Poloni robur Quartianorum legiones illis se adiunxerunt, & quæ tulerunt olim de diversis nationibus trophæa, ipsorum fascibus & potestati submiserunt. Nobilitas penè omnis iustam bellandi causam pœce iniquâ redemit, quid ampliùs rebus afflictis Patriæ afferre possunt solatij artis militaris expertes, nu-

tes, numero pauci, quieti, & vitæ pacati-
ori affucti, armis non satis instructi? Sci-
licet perspicaciore mentis oculo pericula
providebunt, & illis amovendis à Repu-
blica media suppeditabunt, quæ totus non
perspexit Senatus, aut non valuit opportu-
nis remedijs amoliri. Anticyra tota vix
eleboro purget tantam vesaniam in scir-
po nodum quærere, vel Gordium dissol-
vere, velle sapere post omnes, quorum in-
tererat maximè omnium Ordinum digni-
tati, commodis, Coniugibus, liberis ac for-
tunis prospicere. Fecistis tamen, & Ve-
stra Religiosæ solitariæ vitæ devota capi-
ta, periculis gravissimis & extremis oppo-
suis, quâ mente, quâ fide, quâ constan-
tia? Divina prorsus. Enim verò, non ita
rerum summa in extremo discrimine hu-
manis consilijs, & remedijs committenda
est, ut in rebus maximè arduis Divini ob-
liviscamur auxilij, & tantum nostris con-
fidamus viribus, ut his deficientibus nihil
omnino videamur Divinæ attribuere pro-
tectioni. Habuistis nostra memoria præ-
sentissimum cœlestis auxilij monumentum
Otthomanico bello ad Chocimum, quo an-
tiqua brachij & potentiae suæ miracula su-
scitavit Deus, ne funditus interiret Polo-
nia. Re-

nia. Recensuistis tot fidelis populi admira-
anda subsidia neque ubi humana defunt
consilia, aut vires ad hosti resistendum, par-
cam in ijs adferendis Numinis Excelsi dex-
teram reputastis. Sed enim dixerit ali-
quis gloriæ Vestræ invidus Zoilus. Hoc
fuit tentare Deum, & aut potentiam ipsi-
us, aut voluntatem experimento subijcere.
Quid? an DEO coniunctis, & toties Glo-
riosissimæ Dei Genitricis ope servatis, non
licuit plus ad Divinum attendere suffra-
gium, quàm humanas pensare vires? præ-
fertim, ubi animus congregationis concors
non absuit, honorem Loci Sacri sanguine
obsignandi, quod erat eximium Divinæ
voluntatis; in cuius manu corda & cogi-
tationes humanæ rotantur, argumentum.
Uberrim id Oraculis paginæ sacre potest
comprobari; nam cum incertæ sint cogi-
tationes mortalium, & timidæ providentiæ
Nostræ, ut effatum canit Sapientis: quo-
nam modo eo fundamento actiones huma-
næ nitentur, ut non ruant, semper utique
ambiguæ, perplexæ, & incertæ. Quis e-
nim hominum poterit scire consilium Dei,
aut quis poterit cogitare quid velit Deus!
cogitationes enim mortalium timidæ, &
incertæ providentiæ nostræ, corpus enim
quod

quod corrumpitur aggravat animam, & terrena inhabitatio deprimit sensum multa cogitantem. Et difficile æstimamus quæ in terra sunt, & quæ in conspectu sunt, invenimus cum labore. Quæ autem in cælis sunt, quis investigabit? *Sap: 9.* Est autem vis quædam Divinæ motionis superior mentem illustrans, & ad res agendas eam forti & ineluctabili molimine confirmans, quâ quis aggreditur terribilia ausu constanti, non sine tamen periculi consideratione, & ad medendum ei mediorem adhibitionem prompta, ut ei sociata fortitudo sit considerata periculorum susceptio, & laborum perperio, vel affectio animi in patiendo ac perferendo, summæ legi parens sine timore, quemadmodum Philosophus & Orator Latinus definit iunctam prudentiæ fortitudinem. Quoniam igitur pacto vel pericula considerabimus, si maiora occurrant, quàm ea solum naturæ lumen possit consequi? vel inutili molestia perpetiemur labores, quorum nulla perspiciamus præmia! vel summæ legi parebimus, quam altiore mentis indagine non fuerimus perferutati! vel sine timore agemus, nisi altiore lumine quid timendum hic occurrat, investigemus! neque enim

ad al-

ad altiùs discrimen exploranti lumen, apparent tanta, quæ tantoperè timenda humana ratio sibi relicta, potest apprehendere. Exemplo rem illustrabit virago gentis Hebrææ fortissima Iudith, quæ ut definitum à Principibus Sacerdotum tempus deditionis urbis inaudivit, sic eos proditur sacris literis allocuta. *Qui estis vos, qui tentatis Dominum? non est iste sermo, qui misericordiam provocat, sed potius qui iram excitet, & furorem accendat.* Constituerat nimirum Ozias Sacerdotum populi-que Princeps, tradere Bethuliam intra dies quinque. Fatigatus Senex importuna voce obstrepentium, quid aliud multitudini sibi exprobrant temeritatem poterat respondere, quàm dies expectandos quinque? non quod ita sentiret ipse, sed quoniam inconditis plebis clamoribus urgeretur. *Iudicet, aiebant, Deus inter nos, & Te, quoniam fecisti inter nos mala, nolens loqui pacificè cum Assyrijs, propter hoc vendidit nos Deus in manibus. Melius est ut captivi benedicamus Deum viventes, quàm moriamur, & sumus opprobrium omni carni.* Quid ille igitur? *Æquo animo estote Fratres, & hos quinque dies expectemus à Domino misericordiam, forsitan enim indignationem su-*

onem suam abscindet, & dabit gloriam no-
 minis suo, si autem transactis quinque diebus
 non venerit adiutorium, faciemus hæc verba
 quæ locuti estis. Quantò altius affurrexit
 Tua prudentiæ solertia Claromontane
 Prior, qui sapientissimè firmam spem Di-
 vine opis humanis ad repugnandum me-
 dijs coniunxisti, ut nec certum expectati-
 oni auxilij cœlestis præstitueris diem, quod
 Deum tentare fuisset iudicio Iudithæ, nec
 suscepta humanæ defensionis consilia, ob
 spem adiutorij superni neglexeris. Hic
 verò Tuo adamantinam constantiam in-
 ducere animo fuit necesse, quando eam
 tot machinantis, non Nobiles duntaxat,
 qui longæ obsidionis pericula fastidiebant;
 coniugum, liberorumque calamitatibus in-
 dulgentes; sed Fratres etiam plerique ut
 olim Bethuliani, pacatam (ut hosti cre-
 debant) deditiōē flagitantes, oppugnabant.
 Quoties ô quoties tecum ipse certasti, ne ali-
 quorū indignationi aliquorū cavillis aliquo-
 rum exprobrationi, aliquorū timiditati, ali-
 quorum duriori etiam importunitati soli-
 citatorum, quos frequentius hostis subor-
 naverat, succumberes. An non sola hæc
 ad conquassandum firmiorem ipso adam-
 ante mentis stabilitatem poterat esse satis ad
 Tribuna

Tribunal Supremi Vindicis iniuriarum provocatio? Videat Prior, & ei adhærentes Consiliarij, quid agant. deditionem morantes, sanguis noster de manibus eorum requiretur. Atque & ne hæc quidem gravissima persuasione arietatus, Te ipso Superior evasisti, iam Tui triumphator, nihil succensens obtreccationi, securiore fiducia hostem aggressus es. Divina igitur Te rerum fugendarum expetendarumve scientia munierat ad tantos impetus retundendos, ut nihil omnino possit invenire liventis invidiæ hircus, quod Theonino dente de laude fortitudinis prudētis & prudētiæ fortis decerpāt. Volvere in lacus Stygios maligne livor, Superior est AUGUSTINUS KORDECKI, quàm ut ipsius excessi animi fastigium depressurus attingas. At enim, ut magis perspicue constet omni rem examinanti, nullam temeritatis notam hic suboriri potuisse: videamus, quæ media humana, ad spem animi, nihil fluctuantis occurrebant. Rupis solidæ, in qua extructum est Monasterium, firmitas obstinata, quæ ad eruenda mœnia accessum per cuniculos, hostium conatibus negaret, vitæ necessariorum abundantia, tormentorum bellicorum, & pyrii pulveris ac

ris ac globorum copia, de adventu auxili-
arivm Copiarum crebra nuntia, & Sere-
nissimi IOANNIS CASIMIRI pia & dili-
gens circa defensionem Loci Sacri, quam
frequentiores amicorū literæ obsecris perfe-
rebant, sollicitudo. Hic verò aperitur mi-
hi campus in Tuas excurrendi laudes Re-
verendissime Pater Provincialis, per Polo-
niam & Silesiam Theophile Bronowski,
qui firmatis Patrum ad strenuam propu-
gnaculi defensionem animis, opéra & con-
silio nusquam defuisti. Quid memorem
longiorum itinerum molestias, quæ frequē-
tiora adeundo Principes in Republica vi-
ros confecisti, ut cum ijs Tua communi-
cares consilia, Monti Claro salutaria fu-
tura. Adisti S. R. Maiestatem Dominum
Clementissimum, ut exposito Monasterij
calamitoso statu, Copias auxiliatrices Fra-
tribus submitteret, quod obtinuisti, fortif-
simis ea tempestate viris, ad eam Provin-
ciam designatis. Rem ut verbo comple-
ctar; sicut aquila perspicax in altum li-
bratis per aëra pennis pullis prospicit, ne
aut ab hoste in suo nido infestentur, aut
ne quid desit illis victui necessarium; ita
Tu pius ac diligens Ordinis Tui Pater,
ne quid horum filijs deesset, accuratâ so-
licitudine laborasti. Versabatur Tibi ob
oculos

oculos imbellis coetus, nullis militaribus experimentis exercitata virtus, tanquam innocentum agnorum in rabidi leonis fauces ruitura. Versabatur pacata quies, cui se devoverunt Religiosi, Militum ferociâ perturbatâ. Versabatur infirmorum & senum morbo ac ætate contracta timiditas, ne fortioribus generosa defensionis labefactaret consilia. Versabatur quod & maxima cura pectus Tuum sollicitum ussit, Loci Sacri devastatio, suppellectilis D E O eiusque cultui dicatæ conflatio, Divinæ laudis cessatio, Templi altariumque ab hæresi ferociente profanatio, & atrox Sacerdotum cædes; quæ omnia non minùs diligenti opere, quàm generosa fortitudine, & summa prudentia amoliri studuisti. Magnas Tibi Tuus Ordo agit gratias, quòd in eius incolumitate conservanda tot labores exantlaveris, nisi enim Te Athlante in Monte Claro effultus stetisset, magnam ruinam in viris pietate doctrinaque conspicuis, quorum hic flos est ac portio illustrior, accepisset.

At enim, quia omnes huc pro modo Vestro Consilium, operam, vires cõtulisti Patres Religiosissimi, ut Montem Clarum Sacrum servaretis, robur Vestro exemplo mi-

litarium virorum accenderetis, & propugnaculi Vestri celebritatem, ad remotissimas quasque regiones transmitteretis, Vestra fide, constantia, fortitudine, atque prudentia; æquum est, ut omnium aures Martio adhuc strepitu resonantes, iucundissima vox gratulationis demulceat. Non ego solus, quis enim ego, ut id nomine multorum audeam? sed omnes quicunque pietatis ergo in Matrem misericordiæ huc ventitare solent, eam Vobis superata hostium pertinaciæ felicitatem gratulantur. Non in Orbe duntaxat Christiano, verum in omni plaga mundi audiatur. Unum in Polonia Monasterium Clari Montis, Patrum Eremitarum Sancti Pauli Primi Eremitæ, duodecim millibus exercitus cincti, bimestri hostium assultu expugnari minime potuisse. Desiderabit Orbis universus, nosse novæ militæ viros, qui labores Herculeos æmulati, excelsi animi magnitudine Sueticam potentiam contempserunt, fregerunt, proculcarunt. Non fabulosi Iovis Statoris auspicio, uti olim Sabinorum Romani, furorem hostis in Regnum sine causa grassantis, hic ad Montem stitistis Patres Religiosi, sed Reginae Poloniarum Gloriosissimæ Dei Parentis beneficio ac tutela, o-

tella, optatum precum Vestrarum exitum
estis consecuti felicitis, quia non Iovi, quem
vana superstitio commenta est, sed Æter-
no ac Supremo Numini pro incolumitate
Patriæ supplicâstis. Mons Clarus iam Sta-
tor est Polonorum, qui repentina commo-
ti Regis Suecorum irruptione, perturbatis
aciebus non nihil titubare, cæperunt, hinc
singulari Deiparæ Virginis protectione in
Ordines suos reducti, acrius in hostem in-
vecti, iam stant pro Patria imperteriti,
nulla unquam statione quovis periculo sub-
movendi. Hinc Summus rerum Modera-
tor, pugnam instaurare iussit ad confusio-
nem hostium, uberemque victoriam largi-
ri cœpit. Stator idem est Mons Sueco-
rum potentiæ, cuius ad hanc petram, quæ
refugium est Polonis, vires nunquam re-
sumendas attrivit. Et mea hic iam, nam
nusquam tutiore stabit Clari Montis crepi-
dine Oratio, si prius Vos non adhortati-
onis ergo, sed benevolentiae argumento al-
loquar. Statuistis pedes Vestros in loco
spatioso Montis Clari, sic ut non commove-
amini unquam Religiosissimi Patres, sic sta-
te in Domino, ut ante Thronum Agni le-
gionibus albi exercitus connumerati stetis
æternum. Stetistis Sueco, fide, constan-

tia, fortitudine immobiles, quia prius Vestri quàm hostium triumphatores. Fortior est qui se, quàm qui fortissima vincimonia. Nec aliter stetitistis, nisi earum rerum, quæ populi opinio sperare aut timere solet, strenui contemptores nutare in alterutram partem animo destitissetis. Una Vobis mens, una voluntas, vnum propositum pro Dei gloria mori, quis illud metuat? quis non exoptet? optare autem ij possunt, qui contumaces stant oppugnationi Diaboli sub illius Montis protectione, cuius fundamenta in montibus sanctis eminent Gloriosissimæ Dei Parentis solo Deo minoris. State igitur animo excelsi, periculis imperterriti, hosti terribiles, viribus infracti, victorijs gloriosi, palmis immortales. Vicistis hostis arrogantis superbam insolentiam, cavete ne ipsa mole victoriæ oppressi, armato fortiori, curioso non minùs quàm invidio gloriosè gestorum exploratori, succumbatis. State incolumes, vivite florentes, triumphate beati æterna beatitudine, felicissimi, perennate.

D I X I.

Augustis.

Augustissimæ Cœlorum Terræq;
Imperatrici.

VIRGINI DEIPARÆ,

Polonorum Sospitatrici,
ob vitam servatam.

ODE TRICOLOS TETRAST.

In Claro resonant MARIÆ Monte
triumphi.

Q Vicunque laudes addere laudibus
Gestitis, alma & plaudere Virgini,
Spectate mirantes trophæa
Parthenio benè fixa monte.

*Quæ fixit, victor in ilice
Anchisiades, de Danaïs Iovi,
Ævo fatiscent longiore
Temporibus reticendâ seris.*

*Et quæ Briareus centimanus, polo
jactavit audax culmina montium,
Regno potiturus Tonantis
Invida dente premet vetustas.*

*Et quæ, superbâ mole cacumina
Erexit astris Memphis, & Rhodium
A Sole clarentem colossus,
Nubila nox styge merget atra*

*At Tu perennis sta meliori bus
Mons clare signis, quo sibi gloriam
Locavit aeterni decoris*

Alma Dei Genitrix MARIA.

*Non invidendo robore Caucasus
Non alta moles Acroceraunys
Prærupta saxis, tardioris
Invideat Tibi robur avi*

*Orebe summo vertice nobilis
Flammas, virenti non nocuas rubo
Submitte Czeſtachoſiensi, &
Da melius rutilare, Monti.*

*Vides ut igni cinctus ab arduo
Ridet superbas Hæretica minas
Phalangis, & rami recentis
Vivida dona refert ab igni.*

*Et Thabor alto fidere clarior,
Quem Gloriosus luce sua beat*

CHRISTUS coruscum triumphanti.

Addæ iubar, socio fidelis.

Natus Supremi Numinis induit.

Te luce Solis, luce serenior

Vestita, Solari puella

Fac rutilo micet ut trophæo.

Et tu.

Et tu Sinai, cede tonitrua,
Quæ fulguranti lampade fulminas,
Autore legis detonante,
Quos metuat populus fragores.
Vides ut isthoc Monte tonitrua
Elisa Suecis incutiant metum,
Dum tela mirantur suorum
Exitium cuneis datura.
Fies Sacrorum, tu quoque montium
Mons Clare consors, quem Deus Optimus
Dignatus est tanto decore
Virginea prece tutiorem.
Ergo virentes nectito Laureas,
Palmasq; latis figito postibus
Quas nulla decerpit Megara
Palmigeri pia turba Patris.
Feralis alto mugiat æthere,
Quæ robur hostis machinâ terruit,
Victoriosum munus edant
Tympana, sistræ, lyre cinyræ.
O lux! Beati Sanguine Martyris
Perfusa, felix, lux Stephani nece,
Quæ gloriosior Tonantis
Hoc decus occinuit, parenti!

*Sed lux, amoris dote beatior
Quando Ioannis pectora combibunt,
Arcana cœlestis Magistri,
Delicijs placidi supernis.
Hic, Matris Alma Numinis affecta
Et concionis Virgineæ decus
A Monte Claro detriumphat,
Hereseos mala fluctuosa,
Custos sacriati pervigil agminis,
Intendit acri militiæ minas
Gustaviana, Dux Polona
Omine prosperior cohorti,
I dira calis Hæresis, i procul
Devota stagnis Tenarijs, pia
Quam sede deturbat Ioannes,
Fulminoe metuendus ere,
Dilectus ergo discipulus die
Sibi dicatâ, submovet agmina
A Monte Sancto stant serenis
Agmina Cœlicolum triumphis.
Vidit IOANNES pegmate Cœlitum
Regis IOANNIS pectore condita
Arcana vota gestientis
Virgineo dare dona Monti.*

O Nate IESU sit tibi gloria,
Qui fausta noctis gaudia gaudijs
Auges decoris. O IOANNIS
Lux memoranda perennitate.
Lux digna gemmis, lux praeiosior
Auro, coronis, digna pyropijs,
Et laureatis digna fertis
Digna coli xenijs perennè.
Et linteati dicite Mstovij
Patres Triumphos, Virginis inclytæ,
Vicina quòs securiore
Praesidio tenuit latentes.
O quot micantes strinxit acinaces
Furor peratrox in trepidantium
Novis periculis Clientum
Pectora! quis numeret? quis eheu!
O quot soporis lumina nescia
Hostile cellis compulit egrèdi
Nefas! & horas tædiosas
Per vigiles numerare gallos.
Quà laude Nomen dulce Tuum colam?
Quæ lingua cantus obstrepet arida?
Quæ iam labantes excitasti
Spe meliore Tuos Polonos.

O Virgo

*O Virgo Summi Filia Patris, &
 Mater Superni Maxima Filij,
 Et Sponsa Pneumatis beati
 Hereticis Domitis triumphæ.
 Salve Poloni gloria Climatis
 Regina Salve, delictum, decus,
 Munimen, Iris, Spes, Voluptas,
 Anchora, Præsidium, Columna.
 Vides! IOANNES REX CASIMIRUS ut
 Te supplicanti poplite cernuus
 Adorat, implorans benigne
 Matris opem, Lechie ruinis.
 Illachrymanti porrige dexteram
 Plebi, faventem cladibus obruta,
 Sat busta fumarunt Clientum
 Usque Tue miserere gentis.
 Nocturnus ingens Iuppiter athere,
 Dum pascet alto, vortice Vandalus
 Dum curret, illustres MARIÆ
 Sarmatis ora canet triumphos.*

Ob Servatam vitam servorum
 minimus pangebatur

Stephanus Damalewicz.

Admo.

Admodum Reverendo Domino.

D. AUGUSTINO KORDECKI
PRIORI,

ET

Vigilantissimo fortissimi ac invictissimi
Cœnobij Claromontani propugnaculi

COMMENDATORI.

Thomas Angelinus Siemczycki, Philosophiæ ac Medicinæ Doctor, Divinitus partam victoriam gratulatur.

CLari Magne Prior, Dei favore
Montis, lumine clariore per quæ
Occipit radiare, dum superbus

Suæcus bella parat sacratori

Ædi sevitia tumens feroci.

KORDECI Decus Eruditorum

Et purum iubar ætheris corrusci

Palmâ Virginea, & sacro triumpho

Te DEI pia gloriæ Cupido

Alis sublevat aureis in Astra.

Vicisti meditatione cautâ,

Et iusta salebras truces minarum

Ingentem reboantium timorem,

Cum spe præcipiti Bonum vorabant,

Quod pax Sarmatiæ fovebat alma,

Gentes

Gentes barbarie fera marina
 Crudeli populando vastitate
 Aras, Tempia DEI, foros, penates.
 Has Tu spe tumidas levi phalanges,
 Magno robore, fluctuantis expers
 Rides consilij, premis, triumphas.

Felix Serve Dei, & Tua potētis
 Diva, laude fer hanc benignitatem
 Summi, dantis opem Lecho, Tonantis.
 Hem miracula iam labante mundo
 Quantum per gelidos tonant Triones!
 Suecos mancipium tenent MARIÆ
 Servi; mira cano, stupete gentes,
 Et tu Phæbe parens serenitatis
 Lustra gaudia leta Sarmatarum
 Et per climata defer Orbis ampli.

Cui non abdita cordis & medullas,
 Miranti decus hoc novum perurat?
 Quando Christi Parens Poloniarum
 Dextrâ continuuit potente sceptrum
 Regis CASIMIRI? tenetq; clavum
 Vestris Lucicolæ in Sacrariolis.
 Semper prompta quidem tulit MARIA
 Certam belligeris opem Polonis,
 At nunc explicat ampliora signa,
 Ad caræ

*Ad cara Lechia viros tuendum
Quis non occinat ! Ió plaude, gaude,
Gaude grandibus auctior triumphis,
Gaude Magna Dei Parens MARIA.*

*Tu Regina Poli, & Poloniarum,
Constanti solidas fide clientes,
Optata reparans quietis arrham
Mœrenti pòpulo, serenior
Dum lustras oculo graves gementis
Sub Sueco Lechia tuæ querelas :
Et firmas animos ad eruendum
Hostem finibus, & focis paternis,
Sub signis studij quietioris,
Paulus quos tenet arctiore nexu,
Et quos submovet à Gradivo Eremus.*

*Felix concio, quæ latens Erema
Martis Monte Sacro trophæa figit,
Te candore suo induit nitentem
Pallens Relligio: palestra facta
Unde es Martigenum, acriter retundens
Audaces hominum nefariorum
Vires, tela, globos faces, sarissas ?
Huc Gigantomachia Duces adeste,
Montem cernite Czesłochoviensem,
Vestros despicit ut superstes ausus !*

Turpis

Legèris Orbi quâ latijſ patet
Campus Camænis, quaque tenax Fides
Laudis MARIANÆ triumphos,
Supplicibus veneratur aris.
Quin & doleſis Hæreſis artibus
Inſueta diſcet, (torva licet feros
Viſus retorquens) quanta creſcant
Virgineæ monumenta Dextra.
Hem! quantas armis! quantus & arduis
Martis periclis, Dux Gothus advolat.
Sævoque coniurante Marte
Signa ruunt, galeæq; ſtrident.
Quâcunque Monti pronior incubat
Vallis decoro; (quæ Cereris ferax
DIVAM coronabat) furentis
Hacce ſeges fluitat Gradiſ.
Ferrumq; ſpargit. Iam peditum graves
Flagrant Catervæ, iam micat igneis
Sclopiſ refulgens multa circum
Calcat eques fugitivus arva.
Millerus acri conſilio movet,
Fraudemque Roburque, & rigida indolem
Crudam Minervæ: quotquot atro
Claſſe habitant Phlegethonte Diræ.

Producit omnes. Terra prius gravi
 Effossa sulco, restitit impio
 Fortis ligoni, atque obstinata
 In Terebram, referare rupem.
 Ceu marmor arcet Marmore durior
 Millerus instat; sævaq; fulmina
 Minatur Aris, cum frequenter
 Vimineis revoluta claustris
 Tormenta surgunt, plenaq; nitreo
 Batchantur igni! grando ubi ferream
 Illidit ad murum procellam
 Cum tonitru crepitantis æthræ
 Spectabat Astris, nube super levi
 Proiecta, densò quam nitidum tegit
 Decore lumen, quam micantes
 Sideribus tetigere flammæ.
 REGINA Cæli, proque DOMO suâ
 MENSAQUE multum sollicitam movet
 Cordis querelam. Me profanum
 Sic patiar temerare ferrum
 Furentis hostis? Templa meis diu
 Sacrata vectoris franget Honoribus
 Quæ VIRGO Supremiq; MATER
 Numinis, ipsa meis gubernò,

Frenos iussis? nec mihi Dextera
Ignava bello, non animi impotens

Robur, timemus! praesto nobis

Sunt acies, beneq; ordinatae

Candor Phalangis: Paule tuos mihi

Scribo Sodales. Signa tuus volo

Designet, AUGUSTINUS; armis

Ipsa animas sociumq; iungam

Amore Robur, sit pietas, decus

Matris tueri nemo libens mori

Detrectet, Aram si salutis

Ingenuo reparare gestit

Cruore, factus victima. Tam bene

Quod Astra Sanctis cor precibus ferit,

Et castra defendet MARIAE.

Est pretium, geminaq; laudis

Corona maior. Dixit; & aureo

Vultu renitens, quâ patet orbita

Locusq; Murorum, feroci

Orbe premit, niveaq; pandens

Sinus refusus Cycladis; extimas

Turresque, & alta tecta tegens Domus,

Templumque, consurgensque Sacro

Munere, detenebrans Aflum.

Sublimiori luminis effedo

Immota sedit: ter Clypeum extulit

Hosti minacem, ter tremendo

Palluit ipse Suecus pavore.

Sensitq; Diva praelia non pari

Tentata voto. Iamq; ait Hosticus

Insurgat ager. pervicacem

Sola premam reprimamq; Virgo.

Sexcenta quamvis fulmineis volent

Infarta tadis pœila nocentibus,

Igniq; succedens corusco

Stuppa agiles resupinet hamos.

Non hac prebendent tecta, quibus meam

Dextram locavi. Cladibus at tuis

Millere disces; quæ dolosis

Artibus ingenioq; princeps.

Se pœna iungat. Iamq; ferox Suecus

Formidolosis fervidus ignibus,

Lectasq; castrorum cohortes

Impavido moderatus astu.

Lustrabat. Arci quâ propior patens

Est campus, armis conspicuus suis

Pompam timoris duxit. Hæret

Wrzesczewici populosus armis

Ferroq;

Ferrog^q, miles iungitur (ab! nefas!)
Regis relictâ Sarmatici fide,
Sueciſq^q, coniunctus Polonus
Post Patriam, immeritūq^q, Regem,
Et in PARENTEM bella ferocibus
Aufurus armis (nempe parū nocens
Crimen videtur, ni Supremum
Flagitiū teneat cacumen.)
Milleriana fortius emicat
Robur Phalangis, quam Lapithæ truces
Saviq^q, complere Finni
Gens gelidâ revocata ab arcto.
Iamq^q, & tubarum clangor, & aneis
Fragor balistis, tympanaq^q, & furor
Vellent, pavorem per secretas
Poſſe aditum reparare fossas.
Terrore vinci non potuit locus,
Invicta virtus quem Superūm pio
Favore flectit, quem potenti
Martis honor, Pietasq^q, dextra
Fixum tuentur. Scilicet ad minas
Fraudes doſoſq^q, iungere iam placet?
Et melle delibuta dolci
Spargere pervigiles venena?

Promissa vanis picta coloribus,
Sub luce veri evanida diffluunt,

Soliq; vultus irretorto

Corripiunt radio fugacem

Falsi nitorem. Nulla sub hosticis

Fomenta Castris, & Pietas nocet

Pallens veneno quam coacto

Insimulat mala Sors Gradivo,

At ô sinistrâ (sic placitum Pôlo)

Quid hic morarum ducitis alite?

Quid concatenato, furore

VIRGINEI pia CASTRA Montis,

Stipatis? an non magna per obvios

Strages maniplos? Sanguine non levi

Redemptus aspectus. Sacrate

Arcis erit? Reserata torvo.

Errore tellus, non bibit Hosticum

Tumens cruorem? quando ZAMOTSCILL

Vir cultus armorum patenti

Sole super, mediog; cælo,

Spectante, pulchro fervidus impetu

Egressus arcem, quos vigiles prius

Sors atra protrusit, severo

Ense merit, vacuosq; rivos

Tabo,

Tabo refudit. Nonne per arduos
CZARNIECIANI pectoris indoles
Effulfit ausus? (ô invente
Egregium decus & venustas)
O si tot annos vivere Cœlica
Virgo dedisset, quòt Gothicos manu
Mactasse narraris Polonâ,
Et proprio tumulasse ferro
Heròas. heu! sed Virgo Dei PARENS
Post iam fugatos MONTE suo Suecos
Laudis redonatura lauru
Te Superùm decorat Coronâ.
Sed mentis ardor, sed vigor igneus,
Suetog, dispar pectoris impetus
Fatalis aterabit, & con-
sanguineos redivivus artus
Fratris peruret. nec sine Numine;
Ille & Suecorum frangere pertinax
Densas cohortes, & severo
Vindicias properare fato
Urgebit. Ille & seva pericula
Procul Polonis finibus eximet:
Balthimq, confundens, pudendâ
Classè iterum remeare tardam

Coget

Coget Stocholmum: quos humilis fuga
Turpisq; vindex perfidia, metus,

Et densa per naves suorum

Funera, militiaq; cinget

Pars magna fracta: nec miserabilis

Luctus recedet, qui lacrymas Mari

Affundet, & Suspiriorum

In gemitu, geminabit auras.

Ergo beatis cincta cohortibus

REGINA Cæli. Virgineos age

Per Astra currus, & triumphis

Conde tuos animosa Fastos

Servata Sanctis auspicijs, Tibi

Supplex Poloni Gloria nominis

Procumbit, & ponit Tropheum.

VIRGO Tuo radians favore

At Tu benignâ luce serenior

A Monte Claro prospice: nec diu

Morare Pacem, sed virenti

Fac redeat speciosa Olivâ.

Huc me canentem KORDECII vigor,

Et Suada dulci blandior impetu

Adduxit. AUGUSTINE quantum

Corde potes ore tantum.

Te fir-

*Te firma virtus, & solidi integer
Amor Decoris, Fortibus asserit.*

Arcemq; defensam MARIÆ

Te Duce, suspiciunt & Hostes.

Sed eruditæ vis Sapientie

Cultusq; prono flumine blandior

Accenset Astris; te loquentem

Mente avidâ releget vel Orbis.

In Authoris Librum.

AUGUSTINE paras cœlis incēdia corde
Flammigerū quādo pectus in astra levas.

Spicula KORDECKI pia torquet, in ardua cordis

Cum premit hostiles, flammeus ipse facis

Virginis excelsæ castrum simul ardet amorem,

Illius in Montem dum benè facta canit.

Quæ Sueci sacris dederunt incendia tectis,

Colligit, & calamo promptus in astra levat.

Sic AUGUSTINI flammis rutilant, tamen illud

Discrimen nobis, inter utrumq; datur.

AUGUSTINE capis de cœlesti arce sagittas

In cœlum ignitos proiicit iste globos.

Anagram-

AUGUSTINUS KORDECCIUS
SUCCUS IN CORDE GUSTAVI.

Gustavus quādo Carolus Montē subit almū,
Ut locet in sacra celsa trophæa domo.
GUSTAVI SUCCUS latitas in CORDE, sed ecce?
Colchicus an melior? res bene gesta docet.


Aliud.


TU SVECO DURUS AC IGNIS.
DURUS ES AC IGNIS TU SVECO quando rotata
Tormenta in Succos, scribis & ipse canis.

Fr. Petrus Lafota, Ordinis S. Pauli
Primi Eremitæ Professor
Presbyter,

BIBLIOTHECA







Biblioteka Jagiellońska



stdr0023527

